



**Iacobi Brocardi libri duo: alter ad Christianos de prophetia,
quae nunc compleatur in his, quae sunt secundi aduentus
Domini, alter ad Hebraeos de primo, & secundo eiusdem
adventu.**

<https://hdl.handle.net/1874/428697>

2

JACOBI
BROCARDI
LIBRI DVO: ALTER
AD CHRISTIANOS DE PRO-
PHETIA, QVÆ NVNC COM-
pletatur in his, quæ sunt secundi aduen-
tus Domini: alter ad Hebræos
de primo, & secundo eius-
dem adventu.

Luc. 18.

*Filius hominū cum venerit, num inueniet
fidem in terra?*

2. Pet. 3.

*Venient postremis diebus illusores, qui dicent. ubi est
pollicitatio aduentus eius? omnia enim ex quo patres dor-
mierunt, sic perseverant ab initio creationis.*



LUGDVNI BATAVORVM,
Ex Officina Caroli Silvij, Ordinum Hol-
landiæ Typographj, Anno
M. D. LXXXI.

ICCHADORA

ALTA CANTABILITATIS

1587. 31. Sophon. 2.

1. Scrutamini vos ipsos : & scrutamini (que oportet) gens minime desiderabilis.

2. Prūsq[ue] decretum pariat quasi puluerem transiuntē diem : antequam veniat super vos æstus furoris Domini : antequam veniat (inquam) super vos dies indignationis Domini.

3. Querite Dominum omnes mansueti terre, qui iuditium eius operati estis : querite iustitiam : querite humilitatem , si quo modo abscondamini in die indignationis Domini.

ISAIA. 45.

Deus iustus, & saluans, non est præter me.

Respicite ad me omnes fines terre ; & salvi eritis.

Ego sum Deus, & non est ultra Deus.

Ezech. 12.

In diebus vestris loquar verbum, & faciam illud dicit Dominus Deus.

3

AMPLISS. HOLLANDIAE ORDINIBVS, OMNIBVSQVE

Iesum Christum amantibus, & eius ad-
uentum exoptantibus.

JACOBVS BROCARDVS
S. D.

Debet hinc etiam rem invenimus, quae
Olebam, & vehementer angebar tem-
pore perturbationum Gallicarum ob of-
fensiones bellicas, que excipiebantur:
& ob cursum predicationis Euangeli-
ce, qui ob dissidia certorum hominum
literatorum impeditiebatur, & ob multa alia. verum nil
magis me premebat, quam quod viderem non cognosci ex
verbo Dei tempora, in que deuenimus: non aduerii Chri-
stum nunc nobis loqui in Prophetis: & que hoc tempore
sunt esse in illis narrata, prescripta omnia, que agere, que
cauere, ac fugere debemus his difficillimis temporibus. unde
dum non sunt illa: sunt autem sspè contraria, varie af-
fligimur, ac plectimur. multa autem erant, que tum me
impeditiebant, ne his de rebus scripta aliqua ederem: atque
eram totus occupatus in notandis eventis eorum, que nunc
sunt descripta in Prophetis; & in contemplandis myste-
riis, quae se patefaciebant in apertione Prophetarum: atqz
ex his nihil erat adhuc perfectum, quod cum alijs commu-
nicare possem. interea autem quos potui verbu mouui, ut
attenderent in Prophetis, quenam nunc agat Christus,
quenam nunc loquatur omnibus: atque quod iubetur
minimus è populo facere, bucina canere, si videat malum
imminere populo, id voce feci, ut Deus dedit. Verum post-
quam vidi horrendam trucidationem Gallicanam, &

Deum nuntiare in Isaia cap. 5. vers. 25. ubi de illa loquitur manum suam adhuc esse extensem. & cap. 65. se numeratrum nos in gladio, quod vocarit nos, nec responderimus: locutus sit, nec aures adhibuerimus, malumque fecerimus in eius oculis; & que noluit, elegerimus. item in Ieremia cap. 44. post cedem illam vitorum, mulierum, & infantium minatur adhuc Deus gladium, & famem reliquise non audientibus; facere non potui quin aliquid scriberem, in quo saltem monerem, quanam essent hec nostra tempora, quanam omnibus deberent esse proposita, ubinam quisque doceri possit, & debeat, dum in torerum tenebris, & procellis publici stans versamur, accinctamur. scripsi autem librum, in quo probavi Prophetiam magna ex parte nunc compleri: atque in ipsa, ut in Euangelio Christum solum esse audiendum dictum ibi Sanctum Israeli. Liber adhuc non perfectus peruenit in manus eorum, ad quos volebam, & ad quos pertinebat illum vidisse. ac ita factum est, ut nihil in eo sit inuentum, quod potuerit reprehedi ab huic, qui id maximè querebat. verumtamen quid de libro factum sit, nescio: non ultra est inuentus: nec ego ullum aliud habebam exemplar. Quoniam vero liber is parabatur, ut etiam futurus esset aditus, seu quedam Isagoge ad totam Prophetiam: & adhuc fuit proverbum illud in Israele. prolongabuntur dies, peribit omnis visio: quiaque oportet prius hominem esse certum. Prophetiam adhuc non esse completam, & plurima persicibus temporibus, si adduci debeat, ut cognoscat que nunc fiunt, fuisse in Prophetis enarrata, & exposta: statui alium scribere, & copiosiorem. quod & feci: ut desinant multi dicere illud, quod dixi, Ezechielia. item illud Ieremie. Prophetia Domini non memoretur ultra. Prophetia Domini sit cuique verbum suum: ut paretur

P R A E F A T I O .

3

via his, qui audire auent filium Dei, Sanctum Israëlis lo-
quentem in Prophetis, in quibus patet, necesse esse audi-
re nunc Christum; ut sciant omnes quid agendum, & ca-
uendum sit in tota vita, dum iudicium est vehemens in
domum Domini, & in peccatores: videantur peccata &
errata propter quae cades non cessant inter nos, atque ma-
nus Domini sit adhuc extensa: ut aduertant duces populi
Dei, quomodo bella gerenda sint. & quod maximum est,
ut ministri verbi videant in tota Prophetia, quomodo con-
sulere communibus rebus posint; quid proponere debeant
omnibus, & singulis in populo Dei, qua spe sustentare de-
iectos animo: parati ipsi sint ut in concilio futuri dicant
sententias de quaue re, ac statuere valeant secundum
verbum Dei descriptum in lege, Euangeliō, & Prophetis:
constituere Ecclesiam & regnum Dei secundum eius so-
lius præscriptum, & iussum. maximè vero cum agnus in
hu, que loquitur nunc, agit, & perficit descripta in Pro-
phetis, paulatim, soluat signacula libri clausi. Librum au-
tem, quem refeceram, in quo ostendebatur, nunc à nobis
esse audiendos Prophetas, non fuit hactenus facultas typis
mandandi, & edendi; copiam autem feci illum legendi,
& describendi omnibus, qui voluerunt. interea perfici
in conficiendis aliis libris, in quibus euenta Prophetia, &
mystica de aeterno Euangeliō essent notata quantum, &
quatenus hec se nobis aperirent. factum vero est cum in-
gressi sumus in annum 1580. ut coactus sim edere com-
mentarios in Apocalypsim, & in Leuiticum, & quadam
alia. & quoniam instat tempus, ut alia edantur: atque
oporruit prius edidisse librum, qui esset aditus in lectionem
Propheticas, nec fuit editus: nunc ille datur. ut satissim
his, qui ordines res sibi demonstrari petunt: prius agatur,
an res sit, deinde quid sit, probem ante, que sunt hoc tem-

P R A E F A T I O .

tempore esse narrata in Prophetis, post exponant in Prophetia, quomodo intelligi illa debeant à nobis de nobis esse narrata. Ut verò ostendatur, quæ sunt hoc tempore esse narrata in Prophetis, quatuor sumemus probanda: Prophetiam non fuisse completam in primo aduentu Domini: Prophetiam complecti omnia tempora: in omnibus sacris libris inesse Prophetiam, quæ non sit completa: eam autem compleri his temporibus, quæ in sacris libris sua certa ratione appellantur postrema, & dies nouissimi. & in hac postrema parte simul ostendetur distinctio triplicis aduentus Domini, & quomodo dies postremus sit intelligendus, in quo nouus status futurus sit mundi, & finis afflictionum allata pace perpetua: quodque aduentus Domini secundus citius fuerit futurus, quam putarint homines. qui aduentus ostendetur nunc adesse ex signis datis de eo, & ex operibus scriptis in Prophetis efficiendis in secundo aduentu. De his in hoc libro agemus, ut etiam preter cetera responsum illus sit, qui aiunt Prophetiam cessasse in primo aduentu Domini: & instant, omnia ita perseveratura usque dum in momento, in ictu oculi, in nouissima tuba mortui resurgent. his autem, quæ obijciuntur pertinentia ad interpretationem, & aiunt quidam vos sequi allegorias, quæ sint periculose in interpretando, respondebimus tunc, cum dabimus interpretationes in sacra Biblia. nunc ad illa, quæ proposuimus probanda accedemus. Quæ quidem viri amplissimi cum ad omnes pertineat illa nouisse, tūm vobis in primis nota esse debent, qui inter primos fuistis, qui certamen sustinuerunt contra tyrannidem Antichristicam: nec unquam eidem deinde vos dedidistis: non claudicatis in duas partes, ut ait Elias: non fuistis auis bis tincta, ut ait Ieremias: non iurastis in Dominum, & simul in Melchum.

PRÆPATIO:

7

ēnum, ut Sophonias. nam in hoc libro aperitur aliquo modo aditus in Prophetas: in quibus recognoscatis & que passi estis, & que premia estis à Deo suscepturi: gaudeteisque ut qui inter primos exagitatos à vi Antichristitica fuistis afflitti, primi consolationem à Domino sitū percepturi.

A 4

PRO

IACOB. BROCI
PROPHETIA PROBATVR
NON COMPLETA IN PRIMO
aduentu Domini.

VI dicunt Prophetiam completam in primo aduentu Domini, quod is dixerit. Lex & Prophetæ usque ad Ioannem prophetaverunt, hi nihil probant. quia indicat Christus in Ioanne Baptista incipi præstari quæ scripta sunt in lege & Prophetis, de duplice suo aduentu. nam & ipse Ioannes Baptista fuit Propheta, ut affirmat Christus; atque sua prædicatio continet Prophetiam de secundo aduentu Domini, ut interpretatio Prophetica docebit. & ipse Christus Iesus fuit Propheta, & eius Euangelium est quoque Prophetia. ut etiam Ecclesiasticus ante monuit capit. 24. Nec illud Christi consumatum est. probat omnem Prophetiam completam tunc. quia quod non fuerint confacta eius ossa; fuerit sepultus; descendenter ad inferos, surrexerit è mortuis; derit legationem Apostolis ad Israëlem, & ad gentes; ascenderit in cælum; miserit Spiritum Sanctum: hæc nondum consumata fuerant. quod confirmat ipse in fine Euangeliū Lucæ. ubi ait debuisse hæc compleri scripta in Mose, Prophetis & Psalmis. fuerat quidem tunc consumatum, & perfectum illud sacrificium, quo placatum habent omnes omnium temporum credentes patrem; habent expiationem peccatorum.

torum, atque omnia dona, quæ obtinuerunt, & obtinebunt à patre in terris, & in cælis. deinde confirmat Christus Prophetas locutos de suo secundo aduentu cap. 24. Matth. & 13. Marci. qui ait. cùm videritis abominationem dictam à Daniele existentem in loco sancto. Et cap. 21. Lucæ cùm narrauit multa de suo secundo aduentu, addidit. dies ultionis hi sunt, ut compleantur omnia, quæ scripta sunt. Itaque omnia signa, quæ nuntiat Christus futura sui aduentus, sunt sumpta è Prophetis, ut suo loco ostendamus. & Petrus Actor. 3. docet omnes Prophetas descripsisse secundum aduentum Domini, ubi ait. Interea oportet Christum cælo capi usque ad tempora restitutionis omniū, quæ Deus locutus est per os omnium sanctorum suorum Prophetarum ab initio, in Epistola autem secunda monet nos, ut memores simus verborum quæ predicta sunt à sanctis Prophetis de irrisoribus venturis. & Iudas futuros nunciat, qui ingent gratiam Christi: futuros pariter irrisores, qui olim descripti fuerint, à Prophetis, scilicet. similiter Paulus nuntiat futura postremis temporibus, sumpta illa quidem è Prophetis. ut ex cap. 11. Isaiae quæ scripsit in Epist. 2. ad Thessal. cap. 2. de Antichristo. Nec illud dicendum est, post Christum non fuisse Prophetas, quod dicendum sit in Zach. cap. 13. & erit cum prophetaverit quispiam ultra, dicet ei pater eius, non viues. quoniam primum ibi est sermo de falsis Prophetis. unde dicitur, & pseudoprophetas, & Spiritum immundum auferam è terra. & antea

dictum est. Succidam nomina simulachrorū d
terra. vbi apparet sermonē esse de falsis Prophē-
tis, & de postremis téporibūs. Et si dicas tu, ibi
esse sermonē quoq; de primo aduentu. vbi di-
citur. percutē pastorē, & dispergētur oves: affir-
mabo ego & idē esse dictū de secundo, quia se-
quitur Prophetā de ouibus, erit enim in tota ter-
ra dicit Dominus, vt partes duæ in ea succidan-
tur, ac deficiant, tertia autem relinquatur in ea.
Quod verò viguerit in Ecclesia Prophetia, &
Prophetē, id cōstat, nā & Apostoli fuerunt Pro-
phetæ, & Prophetarunt, vt Christus pollicitus
illis fuerat Ioan. 16. vbi ait de spiritu S. & quæ
futura sunt, annūtiabit nobis. fuerūt & plurimi
Prophetæ tépore Apostolorū, vt Acta Aposto-
lorum docent, dedit Deus & post Christū Pro-
phetiā in Apocalypsī. Et post Apostolos fuerūt
Prophetæ, & tota ætate sexta usq; ad Lutherum
fuerūt Prophetæ & Prophetia, vt iusta ostende-
mus. Est præter ceteros Teleosphori liber, in
quo multi memorantur nuntiatores secūdi ad-
uetus Domini. atq; ibi multa multorū collecta
sunt, ac propè omnia, quæ hoc tépore fiunt, nō
solū literis narrata; sed & picturis cōcipiantur
expressa. Quod item debuerit esse Prophetia in
^{2. Corin. 12.}
^{& 13.} Ecclesia ostēdit Paulus. vbi recēset dona spiritus
S. in Ecclesia: munera, & ministeria, quibus il-
la administratur. Deū cōstituisse in Ecclesia pri-
mū Apostolos, deinde Prophetas, tertio docto-
res, deinde potestates, &c. aduerte secundo loco
positos Prophetas vt in Ecclesia Apostolica in-
telligas debere esse Prophetas. qui etiā memo-
rancur

Rantur in eadē Ecclesia distincti ab Apostolis,
quāuis & Apostoli fuerint Prophetæ. ut legimus
in Act. c. 20. per singulas ciuitates testatur Spi-
ritus sanctus. hoc est Prophetæ quæ sunt in sin-
gulis ciuitatibus testantur, quod vincula, & af-
flictiones manent Paulum cap. 13. Prophetæ, &
doctores dicuntur Antiochiae ministrare Domi-
no. ergo apparet inter ministros Ecclesiæ fuisse
se post Apostolos Prophetas. unde cap. 15. Iudas
& Sila dicuntur, cum essent & ipsi Prophetæ,
multo sermone adhortati fratres, & confirma-
uisse. Præter ministerium autem memoratu Pro-
pheta Agabus prædictissime famem, prædictisse vin-
cula Paulo. memorantur & quatuor virgines
Prophetantes memorantur Discipuli c. 19. Act.
Accepto spiritu S. per impositionem manuum lo-
cuti linguis, & prophetauisse. Si iam post Aposto-
los constituit Deus in Ecclesia ministerium Pro-
phetarū ut tempore legis post sacerdotes dedit
Prophetas, & tempore Apostolorū illud in eadē
permansit: etiam cum restituetur Ecclesia Apo-
stolica, cum restituetur regnum Israëliticum, & alia,
debet & Prophetia restitui. Vnde videmus
hoc tempore post restitutum iuge sacrificium doctri-
nam Euangelicā, & Apostolicā, dum paratur re-
stitutio regni Israëlitici, aperiū quoq; Prophe-
tiā. nam ait Petrus Act. 3. Christū in secundo
aduentū restitutur omnia. ergo & Prophetia
restituetur. hinc multi in Italia, Gallia, & Ger-
mania extant, qui tractat prophetica, & in Pro-
phetis antiquis videt, quæ hoc tempore sunt. quos
sunt nō prophetas, sed interpretes Prophetarum
appellabis

appellabis, ego quidē vehementer assentiar. nā
qué propriè videar posse appellare Prophetam,
nec aliquē adhuc vidi, nec me esse profiteor. in
doctrina quidē Prophetica vt nō pauci, versor;
quæ debebit nunc maximè vigere, quādo Pro-
phetia cōpletur, quādo incipit aperiri, quando
viginti quatuor seniores, hoc est ministri prēdi-
ti doctrina Euāglica, & Prophetica sessuri sint
super viginti quatuor sedes dantes gloriā Chri-
sto Domino suo. In aperta Prophetia causa, &
ratio apparebit, quare semper in Ecclesia debue-
rit esse sacerdos, & Propheta. Præter hæc testi-
monia possimus & rationibus multis, quod di-
cimus, ostendere. & breuitatis gratia vnam, aut
alteram afferamus. Christus aut fuit Propheta,
aut non fuit Propheta, si non fuit, ergo aliquid
maius fuit in Prophetis, quam in Christo. hoc
dici non potest, quia maior fuit Christus quam
Salomon, quam Iona, quam quiuis alius. Ergo
fuit Propheta Christus. nec verò solum, quod
plebs dixerit. Propheta magnus surrexit in no-
bis: sed quia dixit Deus de Christo, Deut. 18.
Prophetam fuscitabo illis de medio fratrū suo-
rum. Si iam Christus debuit esse Propheta, de-
buit nuntiare post se futura. non ergo debuit in
eius aduentu cessasse Prophetia. quod & patet
eo in loco Deuteronomij. vbi Antichristus ven-
turus post Christum nunciatur. ut verò distin-
guamus Christum à Papa Antichristo, præter a-
lia dicuntur, quæ nunciabit Christus euentura,
non autē quæ nunciabit Papa. vnde patet Pro-
phetiam Messiac produci usque ad tempora An-
tichristi.

tichristi: & Christum nunciare quæ sunt sui se-
cundi aduentus. Nec verò solum dicendum
est Christū assumpsisse quædam loca antiquo-
rum Prophetarum de suo secundo aduētu. quia
ita non videretur maior Prophetis prioribus:
sed doctrinam eius vniuersam continere Mo-
sem & Prophetiam. quod cap. 24. Eccle. con-
firmat ipsa sapientia, inquiens. Doctrinam ad-
huc, ut Prophetiam effundam, eāmque ad om-
nes seculorum ætates transmittam. Item si do-
ctrina Apostolica est ea authoritate, qua Evan-
gelium, ac aliæ diuinæ scripturæ, etiam do-
ctrina Apostolorum effunditur tanquam Pro-
phetia, non solum quæ hi nuntiant de certis re-
bus futuris. Et si doctrina Christi, & Apostolo-
rum est tanquā Prophetia, erit & doctrina Mo-
sis. quod probatur, quia est verbum Dei, & ver-
bum Dei manet in æternum. vnde dicitur in
Leuit. cap. 3. Statum perpetuum in generatio-
nibus vestris, omnē adipem, & omnem sangu-
inem non comedetis. nam quod in adipe & san-
guine signabatur, perpetuò est obseruandum.
item alia omnia, quæ à Christo, & ab Apostolis
reuuocata sunt ad veritatem eductam ex umbris.
Si iam & omnis doctrina verbi Dei effunditur,
ut Prophetia, & transmittitur ad omnes seculo-
rum ætates, ergo & propter euenta rerum varia,
& propter doctrinam verbi Dei non dicetur
Prophetia completa in primo aduentu Domi-
ni. Quod verò doctrina ita transmittatur ad
omnes ætates, inde patet, quia doctrina Mosis
descrebatur ad Christum, & ad Apostolos, qui
veritatem

veritatem ex vmbbris educerent. Et quia adhuc
omnes vmbrae nō sunt perductae in lucem, ergo
aliqua restant transmittenda ad secundum ad-
uentum Domini. quando in lucem deducentur
omnia, quæ fuerunt vmbra futuroru. In Euan-
gelio quoque multa sunt, siue etiam omnia,
quæ transmittenda sint ad secundum aduētum
Domini. quæ cū aduerteret Petrus, rogat Chri-
stum , Luc. 12. vtrum ad Apostolos, an ad om-
nes loquatur. Apostoli loquētes hominibus sui
temporis, loquuntur nobis. vt Iudas eos adhor-
tans, vt persistant in fide exponit futura : Ioan-
nes in prima Epistola, prima, media, & postre-
ma complectitur : Petrus reuocat eosdem ad
tempora postrema ad quæ doctrinam perdu-
cit cum euentis. in Paulo cùm idem in cer-
tis locis pateat , vt in Epistolis ad Thessall. fiet
suo tempore apertum in tota doctrina, quando
aperietur prophetia , & conspicietur, ac sentie-
tur armonia , quæ extat in omnibus diuinis
scripturis : nec erit discordantia in interpreta-
bus cùm didicerint eum Davide canere ad Na-
blum, ad Citharam, ad Decacordum. ob quam
rem dixit Ecclesiasticus. Noli prohibere Mu-
sicam. & Paulus, nolite prohibere prophetiam.
quod idem est. hinc interpretes diuinarum scri-
pturarum vocati sunt Prophetæ. quod hi no-
rint armoniam, & concentum scripturarum, &
qua armonia veram harum educant interpre-
tationem. Et si hæc minus nunc probantur ali-
quibus; vera tamen apparebunt suo tempore,
quando septem lucernæ magni candelabri lu-
cebunt

Cebunt omnibus: siue quando filius hominis conspicietur ab omnibus ambulare inter septem candelabra aurea: septem signacula libri fuerint soluta. quæ breui futura sunt. multæ aliae rationes adduci possent sumptæ ex ipsa prophetia; sed quia cum ignorantibus principia non possumus disputare, quod non multum differant ab his, qui illa negant, supersedebimus nunc longiori disputatione.

Videant iam quid agant, qui contra præceptum Pauli, qui ait, prophetiam nolite prohibere, respuunt, & vetant prophetiam post Christum. quia eam cessasse volunt, abbreviantes brachium Domini: qui visiones cessasse volunt, iniuriosi in Spiritum sanctum: qui prophetiam negantes nunc compleri, negant Dominum, ut negarunt Iudæi: & alia peccant, quæ memorantur in Prophetis, ut post videbimus.

DE PROPHETIA, QVÆ COMPLECTATVR OMNIA *tempora.*

OStendamus autem nunc Prophetiam complecti omnia tempora, & perduci usque ad ætatem postremam, nam id erat secundum ex his, quæ proposuimus probanda. Quoniam de filio Dei hæresim Arrianam innouarunt multi, quæ dicturi sumus de Prophetia complectente omnia tempora, de verbo Prophetico; in filio Dei ostendemus denuntiationem futurorum preciis Spiritu sanctum à se, & à patre manantem.

Ac

Ac printum quidem ante mundum conditum
filius Dei fuit æternus cum patre. tunc in filio
prædestinati fuerunt omnes electi: tunc præde-
stinatum fuit quicquid debuit creari, & effici in
mundo, & ipse mundus ab initio ad finem usque.
Vnde 4. Esdr. 6. ait filius Dei. antequam mun-
dus, & quidquam in mundo, & angeli creati
essent: tunc cogitaui, & facta sunt per me so-
lum, & non per alium. hinc in Isaia, & in Apo-
calypsi clamat. ego primus & nouissimus. me-
morat autem ibi Dei filius se principium, & fi-
nem omnium rerum creatarum: & qui nuntiat
tempora, distinctiones temporum & fines tem-
porum, & quænam facturus sit futuris tempo-
ribus. atque hæc exponuntur ca. eodem. 6. & 9.
eiusdem libri Esdræ. & nuntiatur futurum tem-
pus, quando altissimus visitabit seculum, quod
ab eo factum est; cum erit in seculo commotio
locorum, & populorum perturbatio. quam qui-
dem nos nunc videmus: ut intelligamus altissi-
mum de his rebus, & de temporibus hisce no-
stris postremis locutum à diebus, quæ fuerunt
ante Esdram, atque adeò à principio. Quem-
modum enim omne, quod factum est in seculo,
initium pariter habet, & consumationem, atq;
consumatio est manifesta: sic & altissimi tem-
pora initia manifesta in prodigijs, &
virtutibus; atque consumatio in actu extat, &
in signis. ut enim quæ facta sunt in mundo ab
initio ad finem usque fient manifesta: ita pate-
bunt tempora, hoc est verbum Dei, quo expo-
nuntur omnia, quæ egit Deus in Ecclesia om-
nium

nium temporum, sicut manifestum, denunciasset
omnia, ut dicatur. quemadmodū verbum Dei,
quo descripta est fabrica mundi, & quicquid
egit Deus iam à primo homine, & deinceps in
suo populo, & in constituendo statu eiusdem,
atque regno Israëlitarum data lege, & Proph-
etis fuit confirmatum verum verbum Dei pro-
digis, & signis multis memoratis in libris hi-
storicis, & propheticis; in Euangelicis & Apo-
stolicis: similiter quod idem verbum nuncia-
uerit futura, postrema, confirmabitur promissis
præstitis, & rebus denuntiatis: item prodigijs, &
signis magnis, quæ nunc à nobis cœpta sunt vi-
deri. Quod verò Moses nunciauerit futura, do-
cemur quoque in eodem quarto libro Esdræ c.
14. quod Deus narrauerit illi mirabilia multa,
aperuerit secreta temporum, & finem. atque
interpretatio docebit Moses complexum fuisse
historiam seu prophetiam omnium temporum.
cuius rationem nuntiandi futura secuti sint om-
nes Prophetæ. Idem autem filius Dei, qui in
Prouerbijs Salomonis, & in Ecclesiastico vo-
cat se sapientiam, cum exposuit se ex ore altissimi
prodijse, esse primogenitum ante omnem
creaturam, per se facta omnia: ait se quoque
nuntiasse omnia, prædicasse suum æternum E-
uangelium, inquiens in Ecclesiastico cap. 24.
Doctrinam etiā ut Prophetiam effundo, eamq;
ad omnes seculorum ætates transmittam. cap.
42. docemur item, Deum videre omnia ubique
omnium temporum, & ima abyssi, & intima
cordium: simul & præterita nuntiare & futura.

cap. 48. ut Moses , ita Prophetæ dicuntur præuidisse nouissima tempora. atque Isaias primus dicitur vers. 27. & 28. ingenti spiritu nouissima præuidisse. in eum usque prædixisse futura, arcanaque facta priusquam evenirent. Et ne quis dicat authores Esdram , & Ecclesiasticum Apocryphos, quos aperta prophetia faciet non Apocryphos; accedamus ad Isaiam, & alios. Quod locutus sit Isaias de postremis temporibus, confirmavit Ecclesiasticus, atque assertit ipse Isaias , qui proponit cap. 2. se ostensum ventura postremis temporibus, & simul expositurum iudicium Domini. monet & Ioannes cap. 12. sui Euangelij. qui ait Isaiam locutum, quando vedit gloriam Domini , in secundo scilicet aduentu. docet Petrus, qui cap. 3. Acto. ait Prophetas locutos iam ab initio de ijs, quæ sunt secundi aduentus Domini , & de postremis temporibus. Quamobrem videamus quid nos doceat Isaias de Prophetia , quæ omnia tempora complectatur. cap. 41. exponitur contentio Papistarum, & Evangelicorum. quod Papistæ , & Papistarum imitatores nolint suscipere verbum propheticum: cognoscere Christum iam parare suum regnum : atque ipsum solum audiendum loquentem in omni prophetia, quæ est in lege, Euangilio, & Prophetis : qui constituturus sit Ecclesiam , & regnum Israëliticum. cuius vox solius iam , & deinceps audienda sit in prophetia totius diuinæ scripturæ apertæ. Et cum non suscipiunt illi verbum Propheticum in omni diuina scriptura, suum verbum constituunt, & dicunt. quod refert

refert Ieremias cap. 23. Prophetia Domini non memoretur ultra. Prophetia Domini sit verbum cuiusque suum. quod refert Ezechiel. c. 9. dereliquit Dominus terram , & Dominus non videt. item cap. 11. Elongate vos à Domino. data est nobis terra in possessionem. Itaque interea nolunt secundum verbum Dei descriptum in Prophetis constitui Ecclesiam , & regnum Christi : sed secundum suum verbum administrari omnia. Vnde conqueritur Christus cap. 24. Matthæi, quod multi faciant se Christos, faciant se eum , qui locutus sit verbum in Prophetia sanctus Israël. quod faciant se Deos, extollant se, & sua signa in populo Dei, & regno Christi. Disputat igitur Christus contra illos , se quidem , non autem ipsos esse Deum. narrat se vocasse primum hominem , & Abraham: vocasse populum Israëliticum ex Ægypto : egisse omnia in Ecclesia omnium temporum. quod nullus Papa, & Papæus, nec imitator Papæ fecit. ac ut fecit omnia omnium temporum in Ecclesia is, qui non moritur; & viuit in generationem, & generationem; ut in Psalmis saepe inculcatur: ita nuntiauit omnia futura. nam tribus rebus potissimum ostendit Deus se solum Deum , quod solus creauerit omnia. hinc dictum est in Ieremia . Qui non fecerunt cælum , & terram , non sunt Dij. quod solus omnibus temporibus administraverit mundum , & egerit omnia in mundo. id , quod non possunt facere mortales. hinc de Ecclesia sua omnium temporum dixit in

Isaia cap. 46. audite qui portamini à me ab
vtero , & gestamini à vulua , & usque ad senes-
tam ego sum vobiscum , & usque ad canitatem
ego portabo. ego feci , & ego feram. ego quo-
que portabo, & eruam. quod solus omnia nun-
tiari futura ab initio. hinc eodem capite 46. ait
Dei filius. recordamini priorum , quae à seculo
fuerunt, quoniam ego sum Deus, neque est ul-
tra Deus , neque est sicut ego nuncians ab ex-
ordio nouissimum , & ab initio ea, quae nundū
facta sunt. Hac enim in re adductæ sunt gentes,
vt Deum esse crederent, quod factura nuntiaré-
tur. sibi persuadentes nullum mortalium hoc
posse facere. ac ni Deus sit, qui id in homine ef-
ficiat nunquā effici. vnde ex diuinatione, quam
vocant, voluerunt multi probari esse Deū, quod
illa esset. Sed relinquamus gentes, quemadmo-
dum fuit sollicitus Christus Iesus , vt discipuli
attenderent quae illis nuntiabat futura : vt inde
crederent se esse filium Dei : similiter hic in I-
saia saepe repetit idem nobis , se nuntiasse om-
nia ab initio, vt sibi credamus. & si id proprium
est Dei nuntiare futura , videtur nō solum con-
sentaneum ; sed & necessarium, vt quod Deus
agit perfectè & absolute agat: non solum que-
dam , & quibusdam temporibus ; sed omnia ,
& semper. vt ab initio nuntiarit omnia ; vt sin-
gulis ætatibus repetierit, præterita ostendens
præsentia denuntiata, nuntians iterum, & saepe ,
& per plures futura, atq; adeò postrema. præser-
tim verò cum Deus ibi sibi proprium id afferat,
quod solus nuntiet futura. id quod videmus
esse

est factum, atque factum probat Isaías. & patet omnibus hominibus in aperta prophetia. Quia verò hinc maxime Deus se patefacit vnu, & solum verum Deum; voluit vt id nos testaremur: atque promissis præstitis fateremur se esse cisse, quæ nuntiauit. vt se solum verum Deum haberemus, & prædicaremus. Vnde Iosue cum obtinuit regiones promissas populo Israélitico, & ante Abrahamo, monuit populum, vt id attenderet, & cognosceret. atque addidit. ne vnum quidē verbum, quod illis se præstiturum promisisset, irritū fuisse: sed rebus expleta fuisse omnia. Idem egit Salomon post ædificatum templum. ostendit Deum præstitis, quæ promisisset patri Davidi, & quæ in Mose. Israélitæ captiui Babyloniorum, confirmarunt Deū effecisse, quæ per Ieremiam denuntiarat, quæque prædicta fuerant & à Iosue. Christus Iesus dicebat legem, & Prophetas usque ad Ioannem Baptistam prophetauisse: præstari iam suo aduētu promissa. Petrus Act. 3. ostendebat vt alij Apostoli in Christo passo præstita, quæ de eius primo adventu scripta fuissent. præstanta reliqua in secundo. Christus duobus discipulis percurrebat totū Mosem, & Prophetas, qui de se locuti fuerant, quæ narratio quia non est prodita literis propter eas causas, quas interpretatio Prophetica afferet, erit in secundo aduentu exponenda toti Ecclesiæ. Quare si constat, vt omnino constat, Prophetas loqui de postremis temporibus, & de secundo aduētu Domini: necesse erit nos aduertere quæ nuntiata sunt, & quænam ex his

præstita: vt confiteamur verbum Dei verum: Deum ipsum verum habeamus Deum nostrum: & non alium. atque simul relinquamus posteri historiam rerum omnium, quæ vidimus. vt cognoscant & ipsilla præstita, & perfecta omnia, quæ Deus promisit, & nuntiavit. ac deinde alia attendant, quæ consequantur. Si vero nos negabimus esse nunc secundum aduentum Domini. vt ait Ieremias. negauerunt Dominum, & dixerunt non est ipse, neque veniet super nos malum: gladium, & famem non videbimus: an non erimus similes Iudeis, qui negauerunt primum aduentum Domini in carne? & si dicas hoc pertinere ad Iudeos, non pertinebit illud Ezechiel. 12. prolongabuntur dies, peribit omnis visio. id dicitur hoc tempore. quod non dicebant tunc Iudei, qui expectabant adhuc Messiam. Si hoc dicunt nostri, & non aduentant, quæ sunt descripta in Prophetis, quomodo dabunt gloriā Deo, & erunt testes alijs, atque posteris, Deū præstitisse omnia, quæ denuntiavit in Prophetis? an non inuenientur contraria egisse: & vt diximus, negare Dominum? atq; inde debere expectare gladium, & famem? Quod vero debemus ista nuntiare, ostendit Dei filius cap. 48. Isaiae, vbi ait, audisti; contemplare hoc totum. & vos, an num annuntiabitis? cogimur omnino nuntiare, & fateri, quæ Deus præstitit nuntiata, & promissa. aduerte hic narrari de Babylone, quæ narrat Ieremias duobus postremis capitibus; quæ narrantur in Apocalypsi de Roma, & de Ecclesia.

Ecclesia Romana. vt scias h̄ic esse sermonem de nostro tempore. Ex his , quæ dicta sunt , illud primum collige. Si sermo est h̄ic de nostris temporibus : atque Christus probet se Deū ante secula contra Arrianos , vide tu , qui defendis sententiam Catholicam de trinitate , ne illa neges , in quibus maximè probatur æternus Dei filius unus Deus cum patre , & Spiritu sancto. neges illa inquam , per quæ ipsemet Dei filius se Deum probat. collige & illud. si facta fuit recapitulatio (vt nūc hoc verbo utar) à Iosue , à Salomone , à captiuis Istraelitis , si à Christo , si ab Apostolis : videtur necessarium , vt aliquando debuerit fieri totius diuinæ scripturæ , & Prophetiæ. quæ quidem recapitulatio , ac summa omnium rerum denuntiatrum , & promissionum debebit fieri , atque ostendi in omnibus his præstitis , & perfectis. Et si velimus dare gloriam Deo in his , quæ ipse hisce nostris temporibus egit : quomodo id omnino , & perfectè faciemus non ostensis illis antea denuntiatis ? Si dicat quis , hæc non fuisse denuntiata , quomodo verum erit illud Amosi . capit. 3. non faciet Dominus verbum , nisi reuelauerit secretum suum Prophetis suis ? quæ autem fiunt , & instant , sunt talia , vt non debuerint præteriri . cùm similia non visa sint ab orbe condito . vt ait Christus cap. 14. Mathei . & Daniel 12. & Ieremias 16. Quomodo confitebimur Domino in Cithara , & Nablo , & Decacordo , si signata in his instrumentis tollemus ? magna , & admirabilia opera Domini .

quæ dicuntur in Psalmis, ore, non mente, ac intelligētia maiori ex parte percurremus. His memoratis percurramus iam loca Isaiæ, in quibus hæc exponuntur: atque prophetia ostendit ut complecti omnia tempora, prima, media, & postrema. cap. 41. versu 22. non Papa, non Papæus, non horum imitator nuntiat, quæ futura sunt: non ostendit priora, quæ fuerunt: non cognoscit, quænam nunc ipſi, & nobis cumentura sunt. aduertere hīc, vbi dicitur. priora, quæ fuerunt, nuntiare, significari quæ euenerūt à Christo usque ad nostra tempora: non posse ostendi in Mose, in Prophetis, in Apocalypsi ab his, qui in primo aduentu Christi volunt prophetiam esse completam, nam Iudæi priora nouerunt ex historia aperta Bibliorum. versu 23. ait filius Dei. nunciare, quæ futura sunt in posterum, & dicemus, quod Dij estis. si homines nō possunt, facit Deus. quia hīc est contentio, & comparatio, vtrum Jesus sit Deus, an Papa, & Papæus. versu 27. dicitur. qui nunciavit ab initio, & à principio. hæc distinctio videtur significare quæ nunciata sunt futura in Euangeliō, & quæ in Mose. quæ quidem non potuit homo nunciare. hīc ergo patet versu. 26. filium Dei nunciare initio sui aduentus in carne, & à principio Genesis quæ futura erant, in Apocalypsi etiam quæ futura erat, hoc tempore etiam in omnibus Prophetis esse nunciata, quænam cumentura sint omnibus Papistis & Euangelicis. cap. 42. versu 9. eadem confirmantur. & ait Christus suis, priora ecce euenerunt, & noua

ego

ego annuntio. euenerunt, quæ nunciata sunt fu-
tura vsque ad meum secundum aduentum. &
noua, nouum statum mundi, & regnum Istraë-
liticum nunc futurum nuncio. antequam ori-
antur, nota faciā vobis. quod facit nunc Christus,
nunciat nobis, se allaturum regnum Istraë-
liticum, atque innouatam Ecclesiam antequam
fiant. vnde excitamur ad canendum canticum
nouum. legatur hoc caput. & quæ dico. ibi
conspiciantur. cap. 43. vers. 9. inculcat filius Dei
eadem. omnes mortales simul non posse nun-
ciare futura. ait se esse filium Dei, & Dominum
qui agat, & loquatur nunc: atque Prophetas
testari de se, in quibus ipse est locutus, in qui-
bus nunciavit futura. hanc breuem sententiam
interpretatio prophetica pluribus comproba-
bit. cap. 44. ver. 6. 7. repetit Christus, se esse Deū
exercitūm, qui agat nunc, quæ ante nunciavit
se acturum. qui ab initio constituit populos fu-
turos in mundo. nunciavit quæ in ipsis acturus
esset. 8. per Prophetas nunciavit, & narravit,
quæ nunc fiunt. Prophetæ testes sunt. testes fu-
turi sunt omnes pertinētes ad ipsum Christum.
cap. 45. Qui saluauit nos sua morte, seruabit &
nunc nos credentes à futuris malis, vt nunciavit
in suo Euangelio. cap. 46. vers. 10. Confirmat
Dei filius se Deum, qui nunciavit ab exordio
nouissimum: & ab initio, quæ nondum facta
sunt. & quòd aliter res non euenturæ sint, ac
ipse nunciavit, inquiens. concilium meum sta-
bit, & omnem voluntatem meam faciam. cap.
tandem 48. cum Ecclesia Romana contendit

filius Dei , quod ipse sit Deus, non Papa. ver. 3.
ipse priora nuntiauerit, ex ore suo exierint: atq;
illa audire fecerint, suo tempore effecerit, suum
habuerint illa eadem euentum. & haec osten-
det interpretatio Prophetica. versu 6. ait, oport-
tere nos nuntiare aduentum Domini secun-
dum , & prædicationem repetitam Euangelij ,
& bella peracta. ut etiam in Euangeliō nuntia-
ta sunt futura. 7. nam hoc nostro tempore Pro-
phetia completur, non in primo aduentu Do-
mini, non paulo post in excidio Hierosolymi-
tano , vt multi dicunt. nec Papistæ nouerunt
haec futura, quæ nunc fiunt. qui nihil sciunt, &
volunt esse Dij in mundo. versu 14. nuntiatur
regnum Papisticum perdendum. quod non no-
uit Papa nec Papæi. 16. concludit Christus, se à
tempore, quo cœpta est Prophetia, & aperitè in
suo Euangeliō nuntiasse, quæ nunc fiunt. &
quando haec nostro tempore cœpta sunt fieri,
se adfuisse. qui cuncta, quæ locutus est in Pro-
phetia, perficiat , & compleat missus nunc se-
cundò à patre, additur. & spiritus eius. vt sig-
nificetur venisse in spiritu , vt dictum quoque
est capit. 45. tantum in te est Deus , & non est
absque te Deus. verè tu es Deus absconditus ,
Deus Israël seruator. vnde & Euangelicos in
Psalmis sæpe vocat Deus absconditos suos , in
quibus filius eius est absconditus. vnde & Chri-
stus cap. 25. Matthæi dixit. quod istis non fe-
cistis, nec mihi fecistis. vt autem intelligas hic
esse sermonem de secundo aduētu, additur fu-
turum , vt pudeat Papistas, non autem Euan-
gelicos.

gelicos, dum illi perdentur, isti saluabuntur in seculum seculi. Ex Isaia hæc attulimus de Prophetia, quæ perducatur ad postrema tempora. Et quoniā Eccl^{us}. duos præter cæteros themorat, qui postrema nuntiarint, Mosem, cui reuelata sunt secula futura; & Isaiā, qui ingenti spiritu nouissima præuidit, ac de Isaia dictū est: pauca adhuc videtur addēda de prophetia Mosis, quæ extendatur ad postrema tēpora. In superiori sermone de prophetia non cōplera in primo aduētu Domini, pauca quædā attigimus de doctrina Mosis, quæ tanquā prophetia effundatur ad postremā ætatē. hīc pauca itē addemus, vt quæ nūtiat futura, ad postrema tēpora pertinere quoq; cognoscātur. In Deutero. sēpe significat, quæ in toto libro narrantur, perduci ad postrema tempora. vnde c. 2. 25. ubi ait. hodie incipiam mittere terrorem, & formidinem tuam in populos: vt id intelligas referri ad tempus quoq; Sabatissimi, vt vult Paulus: addit. qui habitat sub omni cælo id non est factum adhuc, vt omnes populi, qui sub cælo fuerint, auditō nomine Israëlitarum pauore correpti fuerint, & doloribus, vt parturientis. cap. 4. 30. mala quæ narrantur euentura populo Dei, perducit illa Moses ad nouissima tempora, quæ super nos casura sint, dum non reuertemur ad Dominum Deum nostrum, vt pareamus voci eius. & ibi in eo cap. vers. 32. tanquam sit nostro tēpore, & loquatur nobis Moses, ait, interroga de diebus antiquis, qui fuerūt antè te. ex die, quo creauit Dominus Deus hominē super terrā, à summo cælo ysque

ad

ad summum eius, qui principia aliqua tenebūt rationis Propheticæ, cognoscēt hīc Mosem cōiungere postrema tempora cum primis. cap. II. vers. 21. nuntiat populum Dei calcaturum facie vniuersæ terræ, quandiu cælum immincat terre. idq; secundum promissionem. quod nondum est factum. Et cap. 26. & 28. ait. Constituet te Dominus Deus tuus superiorem omnibus gentibus terræ. quod item nundum est factum. ca. 12. 28. præcipit multa, quæ videntur solum pertinere ad tempora Hebræorum, & tamen præcipiuntur simul posteris in populo Dei obseruanda usque in seculum. cap. 23. 6. pax præcipitur cum Moabitis, & Ammonitis non ineunda, non bona eorum quærenda cunctis diebus vite nostræ in sempiternum. quod præceptum repetitur cap. 9. lib. 1. Esdr. tunc violatum ante captiuitatem, adque adducitur in exemplum postoris postremorum temporum. cap. 29. 14. 15. dicitur. neque vobiscū solum pango pactum istud, & iuramentum; sed cum eo, qui est hīc nobiscum, & cum eo, qui non est hīc nobiscum hodie, & ut postrema tempora intelligas, ait ca. 31. 29. vnde euenient vobis malum in nouissimo dierum. cap. tandem 32. 7. 8. loquitur de gentibus factis Israélitis. atque ex versu 22. & 43. potes aduertere Mosem loqui nobis, qui fuimus gentes. & potes aduertere ante historiā Iudeorum ad nos translatam, vt in ea res nostræ descripte sint, & postremorum temporum. Atqui rem ipsam cōcludat iam Christus, qui ait Mat. 5. Usque dum pertranseat cælum, & terra, tota

vnus

vnum, aut vnum apex non præteribit à lege, vsque dum omnia siant. Ergo in lege denunciantur futura vsque ad finem mundi, concludat & item Christus, qui ait Apoc. 1. ego sum æ, & æ; principium, & finis; primus, nouissimus, & qui hæc non intelligit, discat ab Isaia cap. 40. & 41. vsque ad 48. & sciet verbum Dei nuntiasse ab initio postrema, & nondum facta. In hac iam disputatione Isaiæ & Mosis & sententia Christi apparet prophetiam perduci vsque ad postrema tempora. vt Prophetæ omnes testantur se scribere de postremis temporibus, vt Isaias 2. Iete. 20. & 23. & 28. Dan. 2.1.9. & 12. Io. 2. Mich. 14. vt Apostoli, & Petrus de restitutione omnium locutos ait Prophetas, quæ fiet quidē illa in secundo aduentu Domini. & Daniel cap. 9. euenum suum docet habituram Prophetiam, quando finietur prævaricatio, consumptum erit peccatum, expiata iniquitas, adducta iustitia sempererna. quæ nondum facta sunt. in prophetia aperta alijs rationibus patebit prophetiam produci vsque ad postrema tempora. ac his generatim positis videamus iam in singulis libris Bibliorum inesse prophetiam, nec eam adhuc cōpletam ostendetur deinde Prophetas narrare secundum aduentum Domini, & describere postremam ætatem mundi.

PROPHETIA PROBATVR NON COMPLETA IN OMNI- bus sacris libris.

QVAMVIS ex interpretatione, & ex ratione ostensa interpretationis Prophetia, quæ ducatur

ducatur usque ad postrema tempora, sit cōprobanda in libro Genesīs, atque in alijs deinceps: tamen ante simplici quodam modo, ac secundum communem sensum, & intelligentiā quēdam initia videntur proponenda, quibus quisque adducatur, aut etiam cogatur, ut credat, in omnibus sacris libris inesse Prophetiam usq; ad postrema tempora, cuius euēta non sint adhuc perfecta. percurramus igitur sacros libros initio ductū à Genesi, in quibus videbimus, quæ per se ostendunt prophetiam, & quæ aliorū librorū in alijs libris citantur tanquam prophetica.

In Genesi, quæ Prophetia est, probatur non completa omnino, seu tota in primo aduentu Domini.

Cap. 49. Iacob Patriarcha nuntiat in duodecim capitibus tribuum, quæ euentura erant in nouissimis diebus. memorat factum Ruben, facta Simonis, & Leui, quodd similia futura essent in populo Dei in nouissimis diebus, futura itē alia in populo Dei in nouissimis diebus nūtiat in alijs nouem filijs suis. Ergo patet in fine Genesī extare prophetiam, quæ quidem quoniam adhuc maiori ex parte non intelligitur, nec tota est aperta Ecclesiæ, patete quoq; debet, nundum perfectum habuisse suum euentum. Et si verum est, quodd patribus omnia contingebant in figura, ut Apostolus docet, etiam in toto negotio Iosephi erit figura: atque aliquid tale in ipso nuntiatum expectamus. quandoquidem adhuc non pateat in Ecclesia vnum & certū, & proprium simile factum: ut qui à fratribus sic venditus,

Eccles. ss. d.
Testament.
Leui.

Venitus, carceribus vincitus, pauerit populum.
 quid si illud sit, quod ait Christus de suo secun-
 do aduentu loquens c. 24. Matth. Quis est fide-
 lis seruus, & prudens, quem constituit Dominus
 super familiam suam, ut det illis cibum in tem-
 pore? Ephraim & Manasses Psal. 80. reuocatur
 ad prophetiam. In testamento Neptalem, & Io-
 seph Jacob ostendit Iosephum retulisse Christum,
 qui rogauerit pro persecutoribus, & interfectori-
 bus, dum Ioseph contendit apud Deum, con-
 tendit apud Jacobum patrem, ut fratribus noxa
 dimittatur, & obliteretur, dum post mortem patris
 occurrit metui fratrum atque eorum animos con-
 firmat, ne quicquam a se illis meruendum sit vnu-
 quam. Quod iam in Esau, & Jacob extiterit <sup>Malach. 3.
Amos 1.</sup>
 Prophetia non solum passim Prophetae docent;
 sed & Apostoli. in Isaaco, & Ismaele affirmat <sup>Iete. 49.
Eze. 2.</sup>
 Paulus. Et si credentes dicimus filij liberae, Iudei
 non credentes filij seruorum: ergo & in Sara, & in
 Agar erit prophetia, & in Rebeca. item in Ra-
 chele. quae a Prophetis, & ab Evangelistis dicta
 est plorasse, postremis etiam temporibus, ut
 assertit Ieremias, filios suos. De Abraham nihil
 est, ut dicam, qui dictus est pater omnium
 creditum: & ex cuius semine benedicendi
 sunt omnes, quicunque vitam a Deo consecuti
 sunt beatam, & aeternam. Nihil est, ut dicam de
 Melchisedech, de quo tanta memorat Paulus.
 Quae praeterea narratur de Lot, de Sodomis, de
 Amoraeis, an nun sunt assumpta in tota prophe-
 tia rerum futurorum nuntia, non solum inquam a
 Prophetis; sed & a Christo, & ab Apostolis?

Quot

Quot verò sunt in Prophetis, & in nouo Testamento loca, in quibus mentio de his omnibus fit, quæ adhuc non intelliguntur, propterea quòd nandum euēta omnia sunt visa? Ac ut agamus primum de Abraham. cap. 15. vbi querit Abraham in quo cognoscam, quando possidebo eam? quæ respondit Deus, non sunt peracta in primo aduentu Christi. ergo expectatur, ut fiant. & quòd sint prophetia, quæ dicuntur de concione animalium, affirmat Ieremias, qui cap. 34. interpretatur illam concessionem, & nunciat futuram. cap. 22. 17. promittit Deus semen Abraham possessorum portas inimicorum suorū. quod perficiendum est in interitu Antichristi. cap. 28, 14. dicuntur benedicenda omnes familiæ terræ, quod nondum est perfectum. Sunt multa alia, immo verò omnia, quæ continent prophetiam. In Euangelio, & in Apostolis, ut præterea Prophetas, quām sēpe, vbi de postremis temporibus agitur, memorantur facta Sodomorum, & aliorum? De ædificatoribus turris Babel, de terra illa Sannar, quām sēpe fit mētio in Prophetis? Accedamus verò ad Noë. An num ait Petrus, aquam illam respōdere baptisnati, quòd credentes in baptismo salui sint non credentes prædicatio baptismatis condemnet ad interitum? An num illud est Christi apud Mattheum ca. 24. & Lucam 17. de trucidatione Euangelicorum facta Lutetiæ, & in Gallia? sicut factum est in diebus Noë, quando diluvium perdidit omnes, dum edebatur, bibebar, nuptiæ celebrabantur? in Luca sequitur.

idque

id est non est ab Isaia notatum cap. 54. g. 5. si
 militer ignis in diebus Lot perdidit Sodomam,
 & alias ciuitates, dum edebatur, bibebarunt; ven-
 debant, emebant; plantabant, ædificabant. se-
 cundum hæc ait Christus erit dies, quo filius ho-
 minis reuelabitur. hoc autem breui futurum est,
 atque tota propè Europa incendio bellico ar-
 debit. loco aquæ erit sanguinis diluvium, & di-
 luvio, ac innundatione sanguinis, & ignis mer-
 getur, & consumetur cælum, & terra præsentis
 status Ecclesiastici, & policii, ut memorat Pe-
 trus nunc futurum, quemadmodum contigisse ^{2. Petri. 3.}
 vidimus tempore Noë, & Sodomorum. Pro-
 grediamur ad Enochū. si Enochus scripsit Pro-
 phetiam de postremis temporibus, ut ait Iudas,
 ergo & quæ acta sunt suo tempore reuocantur
 ad Prophetiam de postrema etate mundi. Et
 quæ fuerunt in Abel, & Caim reuocantur à Chri-
 sto ad sua tempora usque, & ab Apostolis ad po-
 strema. In uno Adamo num sunt positi omnes
 mortales, ut in secundo Adamo omnes reuoca-
 ti in paradisum, ut docet Paulus? an num est
 illud Prophetia. semen mulieris conteret caput
 tuum, & tu insidiaberis calcaneo illius? Si iam
 Christus contrivit omnino caput serpentis in
 suo primo aduentu, quomodo serpens insidia-
 tus est calcaneo eius? quomodo ait Petrus suo
 tempore serpentem sicuti Leonem rugientem
 quædere quem deuoret? & Ioannes in Apoca-
 lypsi serpentem proiectum in terram, qui sedu-
 cat totum orbem? ergo & haec prophetia restat
 adhuc complenda. ut dum insidiatur serpens sea-
Cap. 15.

mini mulieris ; semen mulieris conterat illius caput, perueniamus tandem ad primum caput. Si præter historiam creati cali & terræ , atque eorum , quæ in his sunt , non est aliud nobis propositum , quod cognoscamus : ergo omnia in eo capite , & alijs deinceps debebunt esse aperta toti Ecclesiæ . contra vero res se habet. & ut pauca attingam. quomodo primo die dicitur lux dies , & tenebrae nox , si quarto die fuit creatus Sol , qui præcesset diei ; & Luna , quæ precesset nocti : & si Sol , & Luna efficiunt diem , ac noctem creati quarto die ; quomodo fuit ante hunc quatum diem primus , secundus , & tertius dies , ac nox . & quomodo fuit dies quartus , si nunc primum facta sunt illa , quæ efficiunt diem , ac noctem . quomodo ante illa quæ efficiunt diem , ac noctem , est dies atque nox ? Quare secundus dies non benedicitur , vt alij . Quænam ratio est , vt tertio die fiat separatio terræ à mari , & id vocetur bonum : iubeatur terra producere plantas , quod vocetur bonū : item sexto die creentur animalia terrestria , & vocentur bonum ; deinde homo , qui cum ceteris rebus creatis , & factis vocetur bonum ? cur in his duobus diebus duo distincta ponuntur , quod non fit in alijs diebus ? Quæ ratio est , vt in Iobo cap . 40 . dicat Deus . Ecce nunc Bohemot , quem feci tecum . sexto quidē die dicitur creatus Bohemot , & Adamus . quomodo autem eum Iobo , qui fuit tot annos post creatum Bohemotū , & Adamū ? Quæ ratio creationis hominis ter dicti creati ad imaginē , & similitudinē Dei : item edentis de

de omni ligno paradisi uno solo vetiso? Quæ ratio, vt c. 2. vers. 4. generationes cœli & terræ dicantur, cum generatio tribuatur animalibus, & parentibus: quænam distinctio sit, vt dicatur, arbor scientia boni, & mali: dicatur arbor, quæ sit in medio paradisi: dicatur arbor vite? Quæ ratio, vt cap. 7. dicatur de iumentis, vir, & uxori eius sumendum? Quæ ratio, vt post diluvium unum datum sit solum præceptum, verita sanguinis eius. atque id præceptum roties repetitum in lege? Saidis sit hec pauca pro exæplo posuisse eorum, quorum aperta, & certa non extat interpretatio. ergo si multa restant, quorū interpretatio adhuc non habetur, per apertam prophetiam in euentis rerum erit illa expectanda. Si iam plurima sine controvërsia sunt prophetia; & exoptatur, vt multa loca aperiatur in prophetia, quæ interpretetur mystica: etiā in tota narratiōe erit eruēda interpretatio mystica, vt enim literalis rerū narratio ordinē retinet, & consequentiā omnijū inter se, quæ exponuntur; & mystica quoq; debuit esse narratio continuata, & consequens omnijū, quæ in toto libro significantur per prophetiam futura. Vnde oportebit, cū totā totius libri sententiā mysticā in perpetua & cōtinuata narratiōne cōplete: atq; expōnere ordine, tū idē in singulis partibus sicere. oportebit inquā totā primi cap. sententiā tenere, singulas partes interpretari & singula verba, singulāsq; repetitiōes, atq; causas in omnibus afferre, idē agere in 2. & 3. c. In 4. vbi agitur de filijs Adami, aperire quæ dicūtur de filijs Caïm, & posteris præter illa quæ sunt Abeli.

idem p̄f̄stare vbi agitur de Seth, Enoso, Echo, & Nōē: totum opus areg, & eius fabricam cum suis partibus, & mensuris prosequi: expōnere quānam historia significatur futura in ædificatione turris Babelicæ. tota historia Abrahām cū promissionib⁹ sibi septies reperitis. tota historia pariter mystica Iaaci, & Israēlitarum: Iacobi, & Esau: duarum uxorum Iacobi, & ancillarum; duodecim fratrum; & separatim Iosephi. & quare in duodecim filijs Iacobi capitibus duodecim tribuum comprehensa sint tempora futura, & postrema. atq; post hæc omnia cōmemorata extet, & viuat adhuc Iacobus. Hæc omnia sunt adhuc patefacienda Ecclesiæ. ut omnes fideles in ea cognoscant hūc primum librum sacrorum voluminum continere historiam mundi: atque esse flumen illud quod cōgrēditur ē loco voluptatis diuidendum in quatuor flumina librorum quaruor legis, Euangelij, ac Prophetiarum. continet enim liber Genesis opus filij Dei in mundo à principio ad finem usque. vnde initio dicitur, in principio. in fine, in nouissimis diebus. hīc plura non videntur dicenda. quia non agitur nunc de interpretatione, nec de ratione interpretationis, vbi firmiores rationes afferentur: sed animaduersio excitat, quod in hoc libro insit Prophetia. quæ non omnem adhuc suum euentum habuerit.

In Exode, Leuitico, Num. Deut. non completa Prophetia.

Quod sit Prophetia in quatuor quoq; libris legis,

legis, docet Christus, qui ait apud Matth. c. 11.
omnes Prophetas, & ipsam legem vsque ad Io-
annem prophetauisse. docet & Paulus, qui in
Epist. ad Hebr. ait legem obtinere umbram fu-
torum bonorum. vnde in prima ad Corinth.
cap. 10. enumerat multa, quæ contingebant
populo Israëlitico in deserto, quæ fuerunt signa
rerum nostri temporis, in quos fines seculorum
deuenerunt. aitque patres baptizatos in Mose
edisse eandem escam spiritualem, bibisse eandem
portionem spiritualem. atq; similem in illis, & in
nobis fuisse idolatria, scismatices, murmuratio-
nes : similiter vtrosq; tentasse Christū. hinc Lu-
das, Petrus, Paulus ex Balaā, ex filijs Chorē, Dar-
than, & Abiron: ex his, qui Mōsi restiterūt multa
de futuris, ac postremis temporibus vaticinati
sunt, vt ex Sodomitis, & aliis impijs gentibus
in Genesi. Historiam autem de seruitute Ægyp-
tiaca, & liberatione populi Dei ab illa, de itine-
ribus, actionib[us]que quadraginta annorum in
desertis regionibus, de bello, de patria Amoni-
tarum, & Moabitarum, qua potitus est idem
Dei populus, Paulus cap. 3. & 4. Epist. ad Heb.
reuocat ad liberationem nostram à Satana fa-
ctam per mortem Christi: deinde ad liberatio-
nē ab antichristo, quando deinde dabitur Sab-
batismus populo Dei. & omnino quæ historia
est de Moabitis, Amonitis, & Amalechitis assu-
mitur à Prophetis ad describendum futura. quod
Moses in illa historia describenda nuntiarit, qui
Moabitæ, & Amonitæ, & Amalachitæ futuri es-
sent illis temporibus, de quibus Prophetæ lo-
quuntur,

quantur, hoc est secundi aduentus Domini. Præterea in agno paschali est mysterium utriusque liberationis à Satana, & ab Antichristo, à Satana dum ait Christus. Desiderio desiderauit hoc pascha māducare vobiscum antequam passiar, quod scilicet exhibitus esset ipse veritatem, quæ fuit in figura agni, ab Antichristo, quod non post hac ederet de eo usque dum compleatur in regno Dei. Et si tota historia de Pharaone occidente, & opprimente populum Dei non conspicitur in secunda liberatione, nisi dum martyres obtinuerunt Romanam dictationem, & alias regiones gentium: conspicitur insignitè nunc in tertia, dum in Gallia Papatus agit Pharaonem non diu itenem Evangelicos, ut sacrificent Deo, hinc sit, ut in Psalmis, & in Prophetis passim usurpetur liberatio Ægyptiaca & presentia memorando, & præterita repetendo, & futura nuntiando. Atque Psalm. 78. David omnino ostendit futura in his, quæ contingerunt populo Israëlico in Ægypto, & in deserto. Et de Antichristica liberatione ait Ieremias cap. 16 ecce dies venient, & non dicetur ultra. vixit Dominus, qui eduxit filios Israël de terra Ægypti; sed viuit Dominus, qui eduxit filios Israël de terra aquilonis. Quod vero bella, quæ deinde gesta sunt viuente Mose figura fuerint bellorum futorum in ortu nouæ stellæ, & in restituendo regno Israëlitico, docet vaticinium Balaamicum. Ac ut ad magis universalia veniamus, cap. 3. Exodi dictum est. Dominus Deus patrum vestrorum Deus Abraham, Deus Isaac,

Deus Iacob. hoc est nomen meum in seculum,
& hoc est memoriale meum in generationem,
& generationem. post Christum non ita appellatus est Deus, ergo significabatur unus Deus,
pater, filius, & Spiritus sanctus. in Abrahamo,
Isaco, & Iacobo status patris, status filij, status
Spiritus sancti. ut probauit Abbas Ioachimus.
quod cognoscent omnes in statu tertio, qui erit
Spiritus sancti. ergo tum fuit denunciatur, atque
adeo in ipso Abrahamo quæ futura erat de Ecclesia in generationem, & generationem usque
in seculum. quod & manifestum est in Iacobo,
qui in suis duodecim filiis nuntiat futura in po-
strema ætate. Tabernaculum cum arca, mensa,
candelabro, & altari non solum representante
Christum & Ecclesiam omnium temporum; sed
& ipsum cælum, ut ait Paulus in Epist. ad Heb.
cap. 8. & 9. docet idem in Aarone, & victimis sa-
cerdotiū Christi, & eius oblationē, in sanguine
animalium sanguinem Christi effusum pro pec-
catis nostris. Præterea verò dum agni epulum
iubetur celebrari in generationibus cultu sem-
piterno: itē infermatorū cōmessatio cultu sem-
piterno: statutū perpetuum esse in generationibus
ne omnis adeps ne omnis sanguis edatur: ac cū
hæc, & alia secundum literam non sint seruata
cultu, & statuto perpetuo, ergo quod in ipsis sig-
nificabatur, præcipitur seruandum omnibus se-
culis. Et quia in primo aduentu Christi non
fuerunt hæc omnia omnibus in Ecclesia patefa-
cta, restare césendum est, ut patefiant, cum fue-
rint perfecta omnia, quæ in ipsis sint cōsignata.

Præterea cùm quæ multa signarint Ecclesia tota
non percepit. vt quid signatum sit in primo-
genito sanctificato Deo , & Christo Iesu. quid
in caturnicibus, quid in tonitruo, & fulgure, &
nube in monte. quid in multis, ne dicam nunc
in omnibus præceptis, vt illud. hædum in la-
ete matris ne coquito. quid in animalibus mun-
dis singulis , & in immundis singulis , in lepra,
in seminifluo, in semine dato Molocho , & in
alijs. ac cùm hæc videantur propè omnes retar-
dare in legendo , expectatur , vt propria cuius-
que rei afferatur interpretatio. quæ quidem da-
bitur in aperta Prophetia. Quid iam dicemus
de holocaustis, & de tot sacrificijs, & oblatio-
nibus ; de tot ceremonijs in his feruandis ? ge-
neratim quidem omnes nouerunt in ipsis signi-
ficari Christum, & quæ ad iustificationem ho-
minis in Christo pertinent, sed vt vniuersa di-
stinguantur, & in singulis propriâ afferatur in-
terpretatio, id verò expectatur à Domino. Ac
cùm constet prophetiam inesse in quæpluri-
mis, quæ in his quatuor libris legis continen-
tur; quæque in literali sententia habeant con-
sequentiam cum omnibus, quæ in ipsisdem qua-
tuor libris continentur : etiam erit consequen-
tia omnium in interpretatione mystica. vt rota-
nar.atio in his quatuor libris rerum continua-
tarum continet prophetiam nō solum de pri-
mo aduentu Christi ; sed & de secundo , & de
nostris temporibus. quod quidem ostenditur
à Christo dum ait. non edam de eo, scilicet ag-
no, si que dum compleatur in regno Dei. quod
ostendit

ostendit & Paulus , qui ait fore, vt relinquatur populo Dei Sabbatismus. & Moses ipse ostendit. qui & nobis se loqui proficitur, dum loquitur populo in deserto. vbi ait cap. 4. Deut. Interroga nunc de diebus antiquis , qui fuerunt ante te, à die, qua creauit Deus hominem super terram ab extremo cæli ad extremum cæli. non potes interrogare ad extremum cæli , nisi sis tu in postrema ætate mundi. aut nisi per prophetiam videoas postrema tempora. Et cap. 9. Deut. vers. 14. ait Deus. Nec vobis solis hoc fœdus ferio, & hæciuramenta confirmo : sed cunctis praesentibus, & absentibus. Vnde 4. Esdr. 14. 5. ait item Deus. & narraui ei , scilicet Moysi mirabilia multa , & ostendi ei temporum secreta , & finem. In fine Deut. Affertur prophetia in duodecim tribubus de ultimis temporibus. quæ adhuc non est aperta. quod autem in duodecim tribubus exposita sint , quæ ad nos gentes pertineant, moniti fuimus cap. 32. Deut. vers. 8. vbi dicitur. Quando diuidebat altissimum hereditatem gentibus , quando separabat filios hominum , constituit terminos populorum secundum numerum filiorum Israël. Illud erit postremum argumentum , quod Moses locutus sit de nostris temporibus , quia videmus in Gallia factum ipsum Pharaonicum , dum libertas cultus Euangelici prohibetur, & seruitute præmuntur Euangelici , occiduntur : dum Euangelici puniuntur, qui fœdus, & amicitiam inierunt cum Papistis. quod prohibetur à Deo

in Exo. c. 23. 32. & alibi: dū videmus perfici multa, quae in benedictionibus & maledictionibus denunciata sunt futura circa finem Deut. seruatisibus præcepta Dei, & eadem violentibus. Et hanc partem simul concludat Christus, qui ait cap. 5. Matthæi. Usque dum pertranseat cælum, & terra, iota vnum, aut vnum apex non præteribit à lege usque dum omnia siant.

In Iosue Prophetia non completa.

Quod & in Iosue sit prophetia, inde scire debemus, quod sit continuata & vna historia cū superioribus libris, in quibus est prophetia: & dū sermo est ad Israëlitas de terra Cannaam, & de alijs finitimiis regionibus, cap. 1. vers. 3. & 4. dicitur Israël possellurus omnem locū, quem calcauerit planta sui pedis ab occasu solis ad mare magnum, quod termini gentium, ut dictum est in Deuteronomio, diuidēdi līnt secundum numerum duodecim tribuum filiorum Israël. cap. 4. omnes populi terræ dicuntur cognituri manum Domini. cap. 8. innouatur Prophetia consignata in libro Deuteronomij dum iteratur lectio legis toti populo coacto, qui stat ad arcam pars vna versus Garisim, pars altera versus Ebal, benedictionibus, & maledictionibus repetitis. Et si minus haec fidem faciunt, est Paulus, qui affirmat cap. 3. & 4. Epist. ad Hebr. sub patria illa à Deo data per Iosuem aliam, & aliā signari, atq; sabbatismum dandū populo Dei. Psalmo 78. exprobrat Propheta idem beneficium post datam alijs, qui ingrati fuerint post

accep-

acceptam à Deo aliorum hæreditarem. Psalmo.
114. quod præstítit Deus populo Israélitico per
Iosue, significauit tūm Deus idem se præstiturus
alijs temporibus, vt dēt populo suo terras gen-
tinum, qui labores aliorum populorum posside-
ret. Et vt ita intelligas, Propheta cùm Psalmo
131, memorat Deum per Iosuem dedisse popu-
lo suo hæreditatem, addit. Domine nomen tuū
in æternum. Domine memoria tua in genera-
tionem, & generationem. vt intelligas sabbati-
sum dandum populo Dei.

*In libro Iudicium Prophetia non
completa.*

Cap. 1. arguitur populus, qui fædus inierit
cum gentibus, quod cauebatur in Exodo, &
Iosue, & consultò ait Deus, se non expulisse
gentes ex Israële vt hic per illas puniretur, quan-
do non obseruat̄ sua præcepta, quod fuit &
nostrorum temporum Prophetia quando reli-
quit pariter Deus Euangelicos mixtos Papistis,
vt per hos illos puniret non viuētes secundum
Euangelium suscepimus, quod vidimus factū
in Gallia, & alibi. Quæ autem est historia de
Debora, & de Baraco, & Sicerā rege: & quæ
cap. 7. & 8, de Gedeone, & de tot regib⁹, & co-
pijs cælis, reuocantur Psalmo 83. & ab Isaia ca-
pite 9. ad tempora futura, vt fuerint prophe-
tia. Quod item historia de Leuita. & eius
vxore constuprata, & interempta à Gabaoni-
tis, prophetia fuerit, docuit Oseas capite 10.
Reliqua in hoc libro non minus sunt prophetia,
quod

quod interpretatio non sit aperta: quia & in Prophetis multa sunt, quorum interpretatio expectatur ex eis. ita ergo & hic censendū est.

In libris Regum Prophetia non completa.

Cum Petrus Act. 3. à Samuele ducit initium Prophetarum qui præter Moysen de aduentu Domini locuti sunt, non solum de primo; sed etiam de secundo: atque Prophetia Samuelis, & aliorum Prophetarum aut sit in libris omnibus regum, aut ex tota historia librorum Regum magna ex parte materia sit sumpta à Prophetis ad describenda, & narranda futura: ergo & in quatuor libris Regum erit Prophetia. nec verò hoc infirmabunt, qui dicunt Samuelem locutum quidem de rebus futuris; sed quæ fuerint illius temporis pertinentia ad Eli sacerdotem, & ad eius filios: ad Saulem, & ad Dauidem: ad ea, quæ fuerint suæ ætatis. hos enim refutat Petrus, qui ait & Samuelem, & alios omnes locutos de postremis temporibus. quod quidem & patet in prophetia Natam de Dauid: in Psalmis, in Eliá, & Eliseo: in quatuor, & in duodecim Prophetis. Si autem in Samuele non videtur aliqui, quomodo loquatur de postremis temporibus, erit his cogitandum, Petrum non scripsisse mendacium, qui fuit & ipse Propheta. atque ex mystica interpretatione sumpta ex doctrina, & ratione prophetica cognoscere oportere Samuelem cujus cæteris postrema quoque tempora denuntiasse. Ac si ab initio usque ad finem librorum Regum videamus per Prophetas suos

suos Deum ostendisse, quæ agi, quæque non
agi oporteret, ab initio vsque ad finem eorum
librorum censendum erit contineri futurorum
temporum prophetiam. atque si narratio litera-
lis est perpetua, debebit & mystica esse perpe-
tua, ergo tota historia librorum Regum debe-
bit continere rerum futurorum Prophetiam.
Prætermittam alias rationes, quæ dicentur in in-
terpretationibus, & hæc generatim dicta sunt.
percurramus iam singularia. ut ex his quoque
pateat prophetiam in libris quatuor regum, &
in duobus Paralipomenon contineri. In canti-
co Annæ capite secundo libri primi si aduertan-
tur, quæ dicuntur, paululum videntur facere ad
æmulationem, quæ sibi fuit cum inimica, dum
victoriæ suam extollit contrainimicos, & ho-
stes : atque magna opera Dei recenset. signifi-
catur enim prophetia, quæ aperitur vers. 10. vbi
secundus aduentus Domini indicatur. Vnde in
Samuele propter quem precata est Anna, intel-
ligendus est aliquis deuuntiatus futurus. præ-
sertim cum cap. 1. vers. 22. dixerit Anna, & ma-
neat ibi vsque in seculum. nec nunc quæritur
quænam, aut quænam sint illa, quæ signentur;
sed an aliquis signetur. Ac cum in Samuele pa-
tebit aliquid signari, censendum erit in Anna,
& in Eli sacerdote, ac duobus filijs aliqua sig-
nari. quæ quidem cum ex alijs locis Propheti-
cis, tūm ex cap. 54. Isaiae, & 7. Micheæ possunt
aduerti. nec verò est alia prophetia Samuelis,
quam in libris Regum. ergo in libris Regum
erit Prophetia. Quid illud est i. Reg. 4. 6. quod

Phi-

Philistæi percutiuntur in posteriori parte, atque ani auræi, & mures aurati iubentur appendi arcæ, quæ restituitur? quis audebit dicere, ibi non esse consignatum mysterium, tametsi adhuc non perceptum? & illud quidem suo tempore aperietur. quid si iam est appetum intellectu abominatione in loco sancto? Vbi Saul memoratur? Regum. 13. obtulit holocaustum, an num Propheta Samuel aliquid futurum indicavit, cum dixit Deum firmasse regnum Saul usque in seculum, si seruet sua præcepta: quod cum non fecerit, aliud sibi eius locum electum esse a Deo, atque hinc sit, ut toties memoretur in Prophetis Galgala, vbi conclamatus fuit Saul a populo Rex, & vbi obtulit holocaustum, ut id peccatum, seu eadem peccata signarentur hominum, qui futuri essent alij Saules, vnde illud Ozias. 12. in Galgala boues immolarunt. & 4. nolite ingredi in Galgal. 1. Reg. 15. Cum in Exodo cap. 17. iussit Deus delendam Amalechi memoriæ sub celo in generationem, & generationem: atque idem iubet Saul, intelligitur & Saul, & futuris regibus in omni ætate aliquid iuberi a Deo signatum in intermissione Amalechitarum. 1. Reg. 17. omnes in Goliado victo, & interfecto a Davide satentur aliquid significari, atque esse Prophetiam: sed adhuc non omnia euenerunt, quæ in eo facto sunt signata. 1. Regum 18. Quæ sequuntur usque ad finem libri, in Psalmis assumuntur ad ostendendum futura. Si autem tu referas omnia ad praeterita,

terita , incides in ea , quæ necessariò ad pri-
mum Christi aduentum referas : incides in ea ,
quorum interpretatio non habebitur , nisi in
secundo aduentu . & illa quidem sumpta ex
historia de Davide , & Saulo . Quæ præterea
in toto secundo libro narrantur sumpta sunt à
Davide in Psalmis . & hæc , vt iam dixi , in
Psalmis reuocantur ad primum , & ad secun-
dum aduentum Domini . nec est , vt hīc confe-
ram hanc historiam rerum gestarum Davidis
cum his , quæ exponuntur in Psalmis ; atque
ostendam , quæ in Psalmis assumuntur , referti
ad futura secula : ostendam item , quæ à Pro-
phetis sumpta sunt ex hac historia de Daui-
de : quia nunc tantum aduertimus in libris Re-
gum inesse Prophetiam , non eam exponi-
mus . Quod iam ex tertio libro credendum
sit , futurum regnum Dauidicum in terris ,
quando electus erit è mundo Antichristus , &
deinde Salomonicum perpetuæ pacis , Ab-
bas Ioachimus , & qui eum eum fecuti sunt
vsque ad Hieronimum Sationarolam , multa
scripserunt , & nunciaverunt . De regno Daui-
dico multa in Psalmis , & in Prophetis scripta
sunt tributa Christo sub nomine Davidis .
quod regnum appellatum est Israëliticum . &
inde est promissio de illo regno perseveratuto .
& hæc quidem quisque debuit aduertisse , &
legendo poterit aduertere . Quare non plu-
ra sumus hīc dictaturi , qui vt dixi , aduer-
timus , vbi sit Prophetia , non eam nunc expo-
nimus . In templo adificato à Salomone , & in
domo

donio idcirco videtur esse prophetia, quemadmodum & in tabernaculo. quia adhuc non habetur expositio totius ædificij, & singularium partium, & rerum in eo. Quod verò in Roboam, & Ieroboam, & in his, quæ ipsorum sunt, sit Prophetia, probatur ex Prophetis, qui toties eadem peccata, & Idolatriam reprehendunt in regibus futuris posterioribus, & postremis temporibus. In alijs regibus Israëlitis, qui sunt secuti facta Ieroboam assumitur eadem impietas ad denuntiandum in futuris seculis eandem impietatem regum futurorum, & populi. Quod autem in Elia, & Eliseo fuerit prophetia, probatur ex Petro Acto. 3. qui ait Prophetae quotquot fuerunt locutos fuisse de postremis temporibus: ergo in rebus gestis temporum horum Prophetarum continetur Prophetia postremorum temporum. Quæ præterea sequuntur in quarto libro facta Elisai, & Regum, debebunt ut dictum est, continere Prophetiam, & quæ c. 16. &c. deinceps usque ad finem libri narrantur, dum adest Prophetæ Isaias, deinde reliqui Prophetæ usque ad completam liberationem è servitute Babylonica, continebunt pariter prophetiam. quia Prophetæ plurima ex illa historia sumpserunt ad ostendendum, quæ futura essent sequentibus, & postremis temporibus. Si enim locuti sunt de postremis temporibus omnes Prophetæ, ut afferit Petrus Act. 3. & alibi ipse, & alij Apostoli: ac propè omnes in illis denuntiatis locuti sint de ijs, quæ continentur in historia librorum Mosis, & Regum; ergo in ea

historia consignata sunt, quæ erant futura postremis temporibus.

*In libris Neemiae, & Esdra non completa
Prophetia.*

Si Prophetia Agæi extenditur ad postrema tempora, ut asserit Petrus, & nos ibi videbimus, ergo & hæc historia librorum Neemiae, & Esdræ continebit prophetiam. atq; erit quærendum, quid nobis nunciet trinus reditus populi ex seruitute Babylonica in patriam : restauratio primum altaris, deinde templi, tum ciuitatis. expectanda erit patefactio illarū triū quæstionū trium iuuenū, quæ narrantur in libro tertio. Eorum, quæ continentur prophetica in quarto, cœuenta multa ostendi possunt, & hodie videamus. & attentus in lectione, & in his, quæ sūt, videre potest reliqua instare.

*In libris Tobie, Iudit, Hester, Iobi non
completa Prophetia.*

Quæ cap. 13. à Tobia dicuntur, quod omnes fines terræ adorabunt Dominum : gentes affarent munera regi cælesti : Hierusalem ædificabitur lapidibus preciosis : quæ cap. 14. de Hierosolimis iterum ædificandis in omnes seculorum ætates ; cùm omnes gentes ad Dominum se conuerterint eiectis simulachris : cùm omnes nationes celebraint Dominum, quemadmodum vaticinati sunt Prophetæ, nundum habuerunt suum euentum perfectum. Ergo & hæc adhuc futura sunt.

Psalms. 46. In cantico Iudit nuntiatur pariter futurum ; ut omnes creaturæ seruant Domino , quando montes commouebuntur à fundamentis cum aquis. In decreto facto à Iudæis , quod scriptum est cap. 9. libri Hester , ut memoria extaret populo Dei in generationem , & generationem pro liberatione populi Dei ab interitu perditis eius hostibus , significatur in tota historia libri Hester esse quæ pertineant ad generationes , quemadmodum & in historia Tobiae , & Iudit censendum est.

Quam verò causam existimamus esse obscuritatis libri Iob , nisi quod in eo illa continentur signata , quorum euenta adhuc non sunt cognita. Ac nisi cap. 3. aliquid signetur , quomodo conuenient tot maledictiones cum patientia Iob adeo commendata ? & cuius sermonem laudat Deus capite postremo ? cap. 15. à versu 18. usque ad finem capitinis num est prophetia de Antichristo ? num est eadem prophethia , capite decimo octavo , & decimonono atque vigesimo , propria iactationis Antichristi ? capite 21. num ea tractantur , quæ & à Prophetis , præsertim à Ieremia capite 21. & ab Abacuch primo : cap. 22. & 24. quisque facile potest aduertere prophetiam . à cap. autem 26. usque ad 30. exponitur iudicium futurum . ubi multa recognoscetis narrata à Prophetis. Quæ loquitur Deus deinceps non videntur recte posse percipi nisi adiumento rationis interpretationis Propheticæ . si secus aliquis sentit , expiciatur , & interpretetur hæc , & totum librum.

ita ut satisfaciat expectationi eorum, qui in perpetua historia literali perpetuam, & continua-
tam historiam mysticam requirunt.

In Psalmis non completa Prophetia.

Non percurram singulos Psalmos: non quæ-
ram ordinem temporum cuiusque: non multa
alia, quæ dabit interpretatio. Sed tatum pauca
admonebo in aliquibus. ubi apparebit prophe-
tiam non habuisse haec tenus euentum rerū om-
nium in ea denuntiatarum. Prophetia Psalmi
secundi est ne completa in primo aduentu Do-
mini, ut non magis nunc gentes, & populi; re-
ges terræ & principes fremant, & coniurent si-
mul, & arma capiant aduersus Christum? ac re-
liqua ut compleantur, iam diu exspectatur. Pro-
phetia Psalmi tertij est ne ita completa, ut non
magis nunc inimici Christi pereutiendi sint in
maxilla, & dentes peccatorum conterendi, quæ
in eversis Hierosolimis? Quid in fine Psalmi
quarti dicitur, nos in pace somnum capturos
constitutos in tuto loco, estne adhuc præstitū?
estne præstitum, quod promittitur Psal. 5? Quis-
nam est propriè ille impius, qui perdendus di-
citur Psal. 7. & 9? estne præstitum, ut dieamus.
quoniam nō in seculum obliuio erit pauperis,
patientia pauperum non peribit in finem? Psal.
10. impius ille num describitur Antichristus?
Seruitus ab Antichristo num significatur finem
habitura in fine Psalmi 14? Quæ Psalmo 18. nar-
rantur si non referas ad secundum aduentum
Domini, nō habebis cōpletam interpretationē.

Cùm multa in Psalmo 22. interpretatus fueris de primo aduentu Christi , quomodo expones illa. erue à framea Deus animam meam & de manu canis vnicam meam . salua me ex ore leonis , & à cornibus Vnicornium humilitatem meam : nisi euenta secundi aduentus Domini dabunt tibi in manus interpretationem ? quæ deinde versu 28. vsque ad finem Psalmi narrantur , sùntne adhuc completa , vt solius Christi sit regnum inter gentes ? Psalm 37. num septies repetitur , malignos , impios , & peccatores ejciendos è terris , pios autem habitaturos semper in terris dum mundus durabit in multitudine pacis ? Psalm 46. dicitur terra mutari , montes transferri in cor maris , gentes turbandas , regna inclinati , bella tandem afferri vsque ad fines terræ : Deum exaltari in gentibus , & in terra . habueruntne hæc sua euenta ? Psalm. 47. dicuntur populi , & gentes subiisci pedibus populi Dei , & Deus regnare , gentes coniungi cum populo Dei , & fieri Christi : perfectane adhuc sunt ista ? Psalm 58. dicitur lætari iustus cùm viderit vindictam , pedes suos lanabit in sanguine peccatoris . & dicturus est homo . vtique est fruitus iusto : vtique est Deus iudicans in terra . Psal. 66. & 67. gentes dicuntur benedicere Deo nostro , & confiteri ei . & ne tergiuerteris , dicuntur gètes omnes populi omnes . Psa. 68. regna pariter terræ cantare Deo , psallere Domino : dissimili gentes , quæ bella volunt . quæ futura adhuc sunt . Psalm. 72. Dicitur dari regnum mundi Christo . vt iudicet ipse in iustitia , quando florebit

flarebit iustitia , & pax , donec auferatur luna ;
regnum Christi futurum à mari ad mare , ad fi-
nes terræ : omnes reges , omnes gentes seruient
ei , atque replebitur gloria Domini omnis ter-
ra. Psalmo 82. dicitur. exurge Deus , iudica ter-
ram , quoniam tu habitabis in omnibus genti-
bus. quod futurum est. Psalmus 83. reuocatur
ad futura tempora. Psalmo 86. dicitur. omnes
gentes quascunque fecisti , venient , & adora-
bunt coram te Domine , & glorificabunt no-
men tuum. Psalmo 89. dicitur : Ego primoge-
nitum ponam illum , excelsum præ regibus ter-
ræ in æternum seruabo illi misericordiā meam ,
& fœdus meum fidele ipsi : & ponam in secu-
lum seculi semen eius , & thronum eius sicut
dies cæli . hæc singula non possunt conuenire
nisi regno Christi futuro post eversum Papatū.
Psalmo 92. perditis impijs dicuntur pij regna-
turi , & in senecta futuros fortis , & virides.
Psalmo 93. regnum Christi firmum futurum ,
ne habeat deinceps ullam commutationem . in
quo regnabit iustitia , & veritas. Psalmo 97. reg-
num pariter Christi affertur , & opera , quæ ager ,
dum illud assumet. Psalmo 98. gaudium totius
terræ exponitur pro regno Christi allato in to-
to terrarum orbe. in Psalmo 99. & 100. idem
propè cum superiori est argumentum. Psalmo
101. quale regnum Christi futurum sit exponi-
tur expulso Papatu. Psalmo 104. 35. dicitur. de-
ficiant peccatores è terra , & impij ultra non
sint. & hæc expectantur. Inimici Christi , qui
dicuntur Psalmo 110. adhuc non sunt positi

scabellum pedum suorum. Psalm. 111. gentium promissa hæreditas dicitur dari in regno Christi, & testamentum hoc æternum futurum. Psal. 112. potens in terra dicitur futurum semen piorum affluens omnibus bonis perditis impijs. Psalmo 147. Laudat Ierusalem Dominum, quia firmauit Deus statum Euangelicorum: attulit pacem, & copiam bonorum. Psal. 149. canunt, lætantur, laudant pijs Dominum pro salute dampna victis aduersarijs.

In libris Salomonis Prophetia non completa.

Quod in parabolis signentur alia præter id, quod dicitur, dum simile affertur ad simile ostendendum, id patere debet cuique audienti sibi parabolas proponi. id patuit Apostolis, qui petebant à Christo, ut sibi aperirentur parabolæ, patuit Iudeis, qui cognoverunt Christum parabolis nuntiare euersionem sui status. Quod vero è præceptis de vita quoq; non solù è rebus, personis, & actionibus parabolæ ducantur, docet ipse Salomon. qui Mosem imitatus, in præceptis de vita præcepta, & monita proponit salutaria, & necessaria. ut in præceptis præcepta cognoscantur, & ut quæ assumuntur præcepta ad alia ostendenda aperta sint omnibus: significata deinde præcepta patefiant ijs, quos illa sci-re oportebit. Vnde Ecclesiasticus horratur piu virum, qui se totum dedit ad cōtemplationem diuinæ legis. vt conquirat occultas proverbiorū sententias atq; versetur in ænigmatibus parabolarum. Quod iam in parabolis Salomonis sic

Prophetia, ut in parabolis Christi, docet ipse Salomon cap. 30. prouerbiorum. qui ait. Prophetia, quam locutus est vir, quicum est Deus, ut in cōclusione libri moneat, quæ ante in toto libro locutus est, esse Prophetiam. Vnde cūm fuerint eius parabolæ per Christum aperte Ecclesiæ, agens ipse Salomon personam eius virti, qui viderit euenta suæ prophetiæ, nec ea in hoc suo libro, aliisque aliorum recognouerit; sed post monitus per alios aduerterit: accusabit tūc seipsum inquiens. Stultissimus sum virorum, & scientia hominum non est mecum: non didici sapientiam, non noui scientiam sanctorum. Ac cum nundum fuerint hæ parabolæ aperte, cōstat prophetiam in ipsis adhuc non habuisse sua euenta. nouit Isaías, nouit Ieremias in parabolis Salomonis esse Prophetiam. nam ille cap. 65. & 66. hic cap. 7. assumit in suam prophetiam verba illa prophetica, vocavi, & renuiſtis, & quæ sequuntur, nouit Oſeas. quicā. 3. narrat illud capitil septimi Prouerb. non est vir in domo sua, abiit viam longinquam: nouit Petrus. qui cap. 4. epistolæ secundæ sumpsit illud cap. 11. Prou. Ecce iusto in terra reddetur, quanto magis impio, & peccanti? nouit item Ieremias, qui cap. 25. id fieri nuntiauit. Quod item in Ecclesiaste insit Prophetia non ostendam ego. ostenderunt ante illi, qui per 400. annos dixerunt, & scripserunt. Væ terræ, vae populo Christiano, cum Gallia habebit puerum regem. quod sumptum est ex capite 10. versu 16, hoc iam habere suum euentum videmus,

& adhuc magis visuri sumus. Liber Sapientiae si dubitas, an contineat Prophetiam, expecta adhuc paucos annos, & videbis euenta eorum, quæ nuntiantur capite sexto, si minus incipis aduertere, quæ ante denuntiata sunt. De canticis canticorum, nihil est, quod à me dicatur, omnes pij nouerunt, qualishā in ipsis sit sermo.

Si eadem doctrina est in Ecclesiastico, quæ in parabolis Salomonis: atq; eadem ratio scribendi, quæ est in authoribus sacrorum voluminum, in ipso erit quoque prophetia. cuius erūt expectanda euenta, & interpretatio.

In Isaia Prophetia non completa.

Quòd Prophetæ loquantur de tempore iudicij, de postremis temporibus, & de secundo aduentu Domini assumpto primo, ipsi met id monent. Vnde in Isaia capite secundo ita proponitur. Dies Domini exercituum super omnem superbum. in Iere. 1. ab aquilone soluctur malum super omnes habitatores terræ. in Ezecl. 7. venit finis super angulos terræ. in Dan. 7. antiquis dierum sedet, iudicium sedet, libri aperti sunt. in Ose. 4. Iudicium Domini cum habitatoribus vniuersæ terræ. in Ioel. 2. contremiscunt omnes habitatores terræ, quia venit dies Domini, dies tenebrarum, & caliginis. in Amoso. 1. & 2. dicitur ignis mitti in omnes peccatores. in Abdia. iuxta est dies Domini super omnes gentes. in Iona significatur cù prædicatione Evangelica liberatio piotorum à Papatu per iudicium. in Mich. 1. Ecce Dominus egreditur è loco suo.

- descen-

descenderet; & calcabit super excelsa terræ. in Naun. 1. Deus zelotes & vlciscens Dominus, iram seruans inimicis suis. Domini via est in tempestate & turbine. In Abac. 3. in ira incessisti super terrain, in furore triturasti g̃etes. in Soph. 1. consumendo consumam è superficie terræ dicit Dominus. in Agæo. 2. adhuc pusillum, & ego commouebo cælum, & terram, mare, & aridam; commouebo omnes gentes. item subuertam solium regnum, disperdam robur regnum gentium. in Zach. 2. file omnis caro à facie Domini, qui surexit de habitaculo sanctitatis suæ. in Malach. 4. ecce dies ille venit ardens tanquam clibanus. Quod sint tunc nouissimata tempora monet Isaias cap. 2. Ierem. 23. 20. item 30. Exo. 38. 16. Dan. 28. Ioel. 2. Mich. 4. Quòd tunc futurus sit aduentus Domini, & quòd Prophetæ assumentes primum aduentum Domini narrant secundum, multi fatebuntur, & cuique legenti patere poterit. quare in his non est immorandum, nisi quatenus aliqui putant parum loqui Prophetas de secundo. iccirco percurremus h̄ic non totam narrationē propheticam, quam totam assumet interpretatio prophetica in secundo aduentu Domini: sed loca colligemus tantummodo aperta, quorumuenta non sint adhuc visa, futurāq; expectantur. vt ex his, quæ proponunt à se dicenda, & narranda Prophetæ: atque ex his, quæ narrant, pateat illos describere secundum aduentū Domini. Regnum Christi, in quo pax semper futura sit, & iudicium Domini, describitur cap. 2.

Isaiae, quæ quidem adhuc non habuerūt suum
 cumentum, ergo prophetia producitur usque ad
 ea tempora, quando ista fient. in nouissimis sci-
 licet diebus, ut ait ipse Isaias. & Iere. 23. & 33.
 Ezecl. 38. 39. 43. Dan. 2. 7. 12. 3. Ioe. 2. Mich. 4. c.
 3. Isaic habes, quæ recognoscas facta in Gallia,
 & esse, & fieri, quæ hic dicuntur. pueri sunt
 principes, mulieres administrant, surgit vir in
 virum, puer oppressit populū, cædes factæ sunt
 mulierum, non solum virorum. atque interpre-
 tatio ostendet hæc propriè dici de Gallia, & de
 hoc tempore. Quæ in fine 4. capit. nuntiantur,
 non potes ostendere adhuc perfecta. Quæ assu-
 munt Euangelistæ ex 6. cap. de his, qui audiunt,
 & non intelligunt; vident, & non percipiunt.
 ait Ioannes cap. 12. 40. Prophetam locutum de
 Christo, quando vidit gloriam eius, secundi sci-
 licet aduentus. Quæ autem ratio sit ut Euange-
 listæ & Apostoli assumat, quæ sunt secundi ad-
 uentus Domini in primum; & contraria Prophetæ
 quæ sunt primi in secundum reuocent, docebit
 interpretatio. Si prophetia habuit suauenta in
 primo aduentu Domini perfecta, quomodo fa-
 cies tu planum caput septimū, ut ostendas pau-
 cos annos post natum Christum fuisse eicetum
 regem Rasim, & filium Rameliæ ex Syria, & Sa-
 maria. aut dum hæc facta fuerunt in Syria, &
 Samaria, paulo ante fuisse natum Christum? &
 quomodo post 65. annos vidit tunc domus Da-
 uid virginem peperisse, & puerū ex ea natum?
 hæc & alia non possunt cohærere. ac si ad tem-
 pus, & ad rationem propheticam conuerteris
 oculos

oculos, cohærebunt omnia, & habebitur plāna
sententia eorum, quæ narrantur. quæ in fine
quoque capitis dicuntur, nondum habuerunt
suauenta. Quid dicemus nato Christo fuisse
pacem vbiique. & hīc cap. 8. & 9. narrari bello
captas magnas vrbes ab Assirio: atque pugna-
tum esse sicut in die Madiam, magna hominum
strage, strepitu tumultuoso, volutatione vesti-
menti in sanguine? Quomodo fuit principatus
super humerū Christi in primo suo aduentu,
qui dixit. regnum meum nō est de hoc mundo.
verumtamen multiplicabitur eius principatus
pace perpetua allata, & eius regno, quod nullā
habitum sit commutationem. & hæc duo nō
fuerunt in primo aduentu Christi, nisi referas
tu principatum quem humeris gestat Christus
ad spiritualem dominatum. quod cum facies,
debebis quoque & alia, & ipsam totam histo-
riam reuocare ad spiritualia facta. Quæ dein-
de dicuntur de Ephraim, & Samaria, de E-
phraim, & Manasse, & Iuda, factane sunt tem-
pore Christi, aut quando facta hæc sunt, na-
tus estne tunc Christus? cùm tempora, & e-
uentu adfuerint: atque tenebitur ratio prophe-
tica, omnia, ut dixi, cohærebunt. interea dum
hæc adhuc non adsunt, aut nondum sunt
patefacta verbo Prophetico, cognoscimus
Prophetiam non habuisse suauenta com-
pleta. Quomodo interpretaberis decimum
Caput. ut quo tempore iudicium Christi
perdet sribentes Decreta iniqua, & menda-
gia, Assirium quoque cuerat, per quem
multa

multa bella eodem tempore gesserit Christus ?
versu 10. num promittitur populo Dei libera-
tio à tyrannis tempore iudicij, & regnum Chri-
sti ? num cap. 11. describitur regnum Christi,
in quo vigebit iustitia, quando non erunt bel-
la: in idem regnum vocabuntur omnes à qua-
tuor plagis terræ ? Quod scripsit Paulus de An-
tichristo , quem Dominus interficiet spiritu o-
ris sui, & illustratione aduētus sui, annum sum-
ptum est ex hoc capite ver. 4. num dixit Paulus
hoc futurum iu aduentu Domini ? Ergo scribit
Isaias hoc caput de secundo aduentu Domini,
quando adducetur regnum Christi, iustitiae , &
pacis. cap. 13. repetitur iudicium contra Baby-
lonem. & dicitur versu 6. vlulate, quia propè
est dies Domini, quasi vastitas ab omnipotente
veniet. & versu 9. ecce dies Domini veniet cru-
delis, & indignationis plenus. & iræ, furorisque
ad ponendam terram in solitudinem, ad pecca-
tores conterendos ex ea : & visitabo super or-
bem terrarum. & quæ sequuntur. bella nunti-
antur, cædes, & Babylon perdenda. dicentne
vnquam fuisse ista qui negant Prophetas loqui
nobis hoc tempore, quando incipiunt hoc fie-
ri ? num cap. 14. finis nuntiatur ab oppressio-
ne tyrannorum , atque interitus Antichristi ?
cap. 15. & 16. & 17. vbi agitur de Moab , Da-
masco , & Ephraim, num dicitur vers. 7. cap. 17.
in die illa aspiciet homo ad factorem suum , &
non ad altaria opus manuum ? Si dies illa est,
quando multitudo populorum sonabit & fre-
mitus marium , erit perturbatio illa magna ,
quomodo

quomodo historia præterita tunc efficietur? aut dies iudicij magni censendus est fuisse tempore Moabi, Damasci, & Samariae? Quam interpretationem afferes cap. 18. nisi euētus tibi illam dabit? Quæ narrantur cap. 19. & 20. num vides eorum plurima facta in Gallia? & Abbas Iochimus in interpretatione huius capitinis num monuit nos, esse sermonē hīc de regno Galliae? Quam dices tu cap. 22. vallem visionis, nisi eventus dabit interpretationem? Si de Tyro antiqua est prophetia c. 23. quomodo ostendes tu negotiationes Tyri, ac merces eius sanctificatas fuisse Domino, non repositas, non reconditas. Idque post eam euersam, iterū inque post 70. annos in priorem statum, & ad priorem mercaturam, & negotiationes reuocatam, ni euenta dabunt interpretationē? Perturbatio illa magna quæ describitur cap. 24. fuitne adhuc visa? mirabilia, quæ Deus cap. 25. dicitur facturus. sūntne adhuc visa? Canticum capitinis 26. cecineruntne adhuc pij, qui viētores fuerint tyranorum Christo egresso de loco suo puniente iniquitatem illorum? Quis afferet propriam interpretationem cap. 28. 29. 30. & 31. nisi euētus rerum tradat eam sibi in manus? Regnum Christi, quod describitur cap. 32. iustitiae, fuitne hactenus visum, vt fuerit pax perpetua, & tranquillitas, & securitas, vt nunciatur versu. 17. Se 18. quod & confirmatur cap. 33. vers. 20. & 22. contrā cap. 34. vastatio status impiorum narratur, cui nullum vñquam afferretur remedium, nec restauratio. capit. 35. reassumitur liberatio
piorum

piorum perpetua, & finis afflictionum. Quæ c.
36. usque ad 40. narrantur de Ezechia, videant,
qui suo iudicio statuunt terminum prophetiarum
& in hac historia quid signetur. à 40. ca. & de-
inceps sunt conciones, in quibus pauca notabi-
mus quæ non completam Prophetiam docent.
Ac primum ipso cap. 40. agitur de voce claman-
te in deserto, quam Euangelistæ tribuunt Ioan-
ni Baptistæ. sed interea quomodo ista vox cla-
mat versu 10. ecce Dominus Deus in fortitudi-
ne, seu exercitu venit, & brachium eius domi-
nabitur? & quomodo ait in Matthæo ista vox,
cuius ventilabrum in manu ipsius, & mundabit
aream suam, & coget triticum suum in horreum,
paleam autem comburet igni inextinguibili.
quod pertinet ad iudicium futurum? De pro-
phetia in capitibus septem, quæ sequuntur, cō-
plete omnia tempora dictum est ante: sed
promissiones, quod perituri sint contendentes
contra Euangelicos: quod non apparituri in
mundo: quod Euagelici afflitti deducendi sint
in statum beatum, nondum est præstitum. Et si
referas hæc, & alia similia, quæ ante dicta sunt,
ad cœlestia tantum, vide ut omnia verba cohæ-
reant. de qua re post dicemus. Prætermitto pro-
missiones 42. cap. de omnibus gentibus ventu-
ris ad Christum tempore iudicij, prætero quæ
dicuntur de Cyro, & quæ sibi promittuntur ca.
45. prætero quæ cap. 46. & 47. dicuntur de Ba-
bylone, quæ in Apocalypsi dicuntur sub ea de
Ecclesia Romana, cap. 49. salus in toto orbe
promittitur pījs: & possessio totius orbis Eccle-
sias.

sæ. quæ nondum sunt præstata. c. 51. & 52. salus
sempiterna itidem promittitur, & iudicium. ca.
54. Ecclesia haec tenus afflita dicitur cōsolatio-
nem suscepturna facta domina gentium, & quæ
non ultra affligetur. cap. 60. gentes omnes ve-
niunt in Ecclesiam, & peritura dicuntur, quæ
ei non seruierint. atque erit gloria perpetua Ec-
clesiæ. cap. 61. eadem confirmantur. & cap. 65. &
66. tempore iudicij.

Prophetia in Ieremia non completa.

Si in primo aduentu Domini completa est
prophetia, ubi est interpretatio in hoc Prophe-
ta primi capituli ex euentu de verbo demoliente
& ædificante: de virga, & de olla, & malo ab
aquilone veniente contra Hierusalem? Quæ se-
cundo capite narrantur, ad Ecclesiam Romanam
refert Abbas Ioachimus. & quod dicitur in fine
capituli. ab Ægypto confunderis, quemadmo-
dum confusa fuisti ab Assur, ait Abbas in Ægyp-
to intelligi ibi Galliam, in Assur Germaniam. ut
dicatur, confunderis o Ecclesia Ramana à Gal-
lia, quemadmodum ante confusa fuisti à Ger-
mania. quod hoc tempore factum vidimus. Vbi
c. 3. agitur de Synagoga, aut de Ecclesia, ut alia
prætermittam, de quonam tempore dicitur ver.
16. neque ambulabunt ultra post duritiæ cordis
sui mali, haec tenus nimis ambulatum est. Vasti-
tatem quæ dicitur cap. 4. & 6. & 8. facta terræ,
nundum vidimus, videmus tamen non firmari
pacem nunc, ut cupiunt homines, atque illam
sibi promittunt. capite 5. nuntiatum est, quod
nunc dicunt propè omnes. non est ipse. nec
veniet

veniet super nos malum. hoc est, non est Dominus qui perturbationem afferit, non est nunc secundus eius aduentus, nō iudicabimur nunc. An num sit nunc illud cap. 7. templum Domini, templum Domini. Ecclesia, Ecclesia clamat Papistæ, & in Ecclesia comburunt homines, & illam faciunt speluncam latronum ? ca. 19. num idem repræhenditur, & nuntiatur pœna, quod comburant contra verbum Dei homines? num idem cap. 32? Quæ verò nuntiantur cap. 25. de solitudine adducenda super vniuersam terram, de puniendis omnibus gentibus, & principibus à domo Dei cæpto iudicio, & hoc peruvante de gente in gentem, ab extremo terræ ad extremum terræ, suntne adhuc peracta? ut quisque audeat dicere, esse cōpletam prophetiam. cap. 30. finis malorum promittitur perditis impijs. idem promittitur cap. 31. vers. 28. perpetuò verò. 40. Idem cap. 32. versu 36. usque ad finem capitii. Quæ cap. 44. minatus est Ieremias populo Dei eunti in Ægyptum, an num contingunt Euangelicis in Gallia? Quæ strages ca. 46. narratur exercitus Pharaonici, & multorum incircoscorum, vbinam ostenditur facta, ut narratur tota? Ut prætermittam Moabitas, & Amonitas, quorum iudicium narratur cap. 48. & 49. Ioannes in Apocalypsi num indicat nobis quæ narrantur cap. 50. & 51. de Babylone, intelligenda esse de Romana Ecclesia, cum tot loca transfert ex his duobus capitibus iisdem verbis in suum librum, ubi agitur de Babylone?

Prophetia non completa in Ezechiele.

Interpretatio primi capititis Ezechielis, & decimi, item ædificationis, & structuræ domus, & templi nundum habetur, quod Prophetia non adhuc habuerit suum euentum completum. ca. 7. iudiciū Domini pronuntiatur coatra Christianos, & gentes omnes. nam ubi dicitur. vers. 20. venit finis supra quatuor angulos terræ. & 30. venit confractio in te, qui habitast terram, dies illa significatur, quæ ut laqueus inuader omnes, qui habitant superficiem totius terræ. & hæc nundum sunt peracta. Capitis octaui non est propria interpretatio. ergo expectatur euentus. Capite nono narratur cædes Euangelicorum facta Luteriæ, & in Gallia, & nunc tandem videamus eius rei euentum. sed cauet sibi ciuitas illa, quæ dixit, dereliquit Dominus terram, Dominus non videt. cap. 11. versu 16. usque ad finem capitis assertur promissio adhuc complenda. Quæ de pace dicuntur cap. 13. & dicta sunt ca. 11. & in Ieremias ca. 5. & 14. & 23, vidimus hoc tempore euenta, & videmus. Quæ cap. 20. narrantur, pertinent ad iudicium Domini. ut ex versu 36. licet aduertere. Quæ cap. 21. de iusto, & iniusto imperfectis, de gladio educto contra omnem carnem ab austro ad aquilonem dicuntur, non sunt adhuc peracta. In fine capititis 28. est promissio de quiete, & tranquillitate præstanda populo Dei in terris etiam. quod nundum est factum. Dum cap. 30. dicitur. Vlulate. dicite. va diei, quia propè est dies propè in qua est dies Domini, dies nubis, & tempus gentium:

E signi-

significatur, quæ narrantur de Ægypto, & ante de Tyro, & alijs locis pertinere ad tempus iudicij Domini. Cædes tot gentium, & principum, quæ narrantur cap. 32. vbinam ostendentur habuisse suum euentum? Promissio cap. 34. estne adhuc præstata, vt pecudes non vltra sint in rapinam? sit pax perpetua? habitetur confidenter? Promissio eadem c. 36. non est adhuc præstata. non dicetur completa prophetia de ossibus assumentibus carnem, ac de mortuis in vitam reuocatis. non de Gog, & Magog. ergo non est completa Prophetia in primo aduentu Domini.

In Daniele non completa Prophetia.

Quod sit Prophetia in somnio Nabucodonosoris, & quod sit de postremis temporibus, docet Daniel versu 28. secundi capituli. an sit cōpletum post non multos annos apparebit. hoc eodem capite regnum Christi nuntiatur semper duraturum deinceps etiam in terris dum mundus durabit. de quo regno idem nuntiatur cap. 7. versu 14. & 27. Quæ autem capite tertio & quarto & quinto & 6. narrantur an sit Prophetia docet interpretatio. cap. 7. est illa quidem: sed non omnino aperta, nisi vbi est sermo de Christo, qui afferet regnum suum. quod dabit sanctis, vt illud obtineant, vsque dum mundus durabit. Visio octauii capituli videtur propè suū habuisse euentum, quem interpretatio aperiet. Quæ ver. 24. noni capitulis dicuntur, ostendunt Prophetiam non habuisse suum euētum in primo

ino aduentū Domini completū. Si enim Christus dicitur mortuus hebdomada 62. & perfectis hebdomadibus 70, debuit habere finē prophetia, ergo finem illū non habuit hebdomada 62. & tēpore primi aduentus Christi. nam post 62. in currente alia hebdomada, in eius medio cessauit iugē sacrificium usque dum post annos 1290. abominatio desolationis tollatur ē loco sancto. quod ut fiat expectamus aduentante Sancto Sanctorum. capite decimo significatur Prophetia finem habitura in nouissimo die-
rum. ut dicitur versu 14. & quando secundō Christus veniet, ut eius aduentus describitur, versu quinto & sexto: & quando sient illa bella, quæ narrantur capite vndecimo, quæque nobis euenta interpretabuntur: & quando erit perturbatio illa magna, cuius similis nulla unquam fuit. nuntiantur autem hæc aperienda in euentis rerum. quæ cum non secuta fuerint, non est completa Prophetia. nec aperta. capite vndecimo bella, & perturbationes multæ narrantur. quæ bella multi etiam ex antiquis ostenderunt euensis in regibus gentium sine Deo. & cùm non potuerunt in historijs gentium simile inuenire, id pertinere dixerunt ad tempus Antichristi. & diuus Hieronymus scripsit patres retulisse multa ad tempus Antichristi, atque eorum fuit sententia: multa euenta esse nobis expectanda earum perturbationum, & bellorum, quæ scripta sunt in Prophetis. ut conspiciantur, quando vehementius Antichristus insultabit contra Christum. atque

ita & sententia patrum probatur , Prophetiam non in primo ; sed in secundo aduentu Domini compleri . Et si quæ extra sunt , nihil ad nos , ut ait Paulus : atque Prophetæ loquuntur semper de populo Dei : erit interpretis afferre causas , quare reges sine Christo inducantur in historiam populi Dei .

In Osea non completa Prophetia.

" Non sunt completa , quæ à vers . 15 . secundi capit is usque ad finem eiusdem capit is narrantur . quia adhuc est Ecclesia , quæ vocatur Babylon . nec adhuc contrita sunt arma bellica in terra . non extat Ecclesia desponsata in iustitia in sempiternum . quæ idem narrantur capite 3 . de ablato iuge sacrificio , & alijs rebus nondū sunt restituta . nec dicendum est ea narrati de tempore Iudæorum ante Christum . quia adhuc nō venerat Christus . & hīc dicitur dare Ecclesi . 15 . argenteos , & hordeum usque dum redeat perfecta via longa , & restituat ablata . ni venisset , nō diceretur iturus , & redditurus . ergo est sermo de Christo , qui venerit , & de iuge sacrificio ablatu post suum primum aduentum . Et hoc patet ex Daniele capite 9 . vbi Christus dicitur passus hebdomada 62 . & dimidia hebdomada post cessasse iuge sacrificium . atque 70 . hebdomada omnia restituenda . Quæ capite 4 . dicuntur de iudicio Domini , aut nunc fiunt , aut futura sunt . vtrum concedes , fateberis huius capit is aut nunc compleri Prophetiam , aut in aliud tempus produci . nam præterito tempore non dices perfecta ,

perfecta, quæ in hoc capite narrantur.

In Ioele non completa Prophetia.

Quæ pariter narrantur cap. 2. Ioelis de diō tenebrarum, & caliginis, & vers. 26. de populo Dei, qui non vltra afficietur pudore in seculum, nondum habuerunt suum euentum. nec adhuc vidimus iudicium vallis Iosaphat quod memortatur cap. 3. vers. 2. & ab 11. vsque ad 17.

In Amoso non completa Prophetia.

Cap. 1. vers. 2. Dominus dicitur rugere de Sion, vt disperdat habitacula pastorum, & quæ sequuntur. atque cap. 9. idem iudicium exponitur. quod nemo fugiet. percutietur terra, & omnes habitantes in ea. perdentur reges impij, restituentur omnia. Ecclesia Apostolica, regnum Dei, & alia. vers. 12. & deinceps exponitur status futurus, in quo pij possidebunt regna terræ cum magna copia rerum omnium. instaurabuntur quæ vis bellica demolita fuerit, nec vltra labefactabuntur à tyrannis.

In Abdia non completa Prophetia.

Vers. 15. dies Domini dicitur esse supra omnes gentes, vt cuique fiat, vt ipse fecit: in Christi regno futura salus. in quo pij iudicabunt impios. & hæc nondum euenerunt.

In Iona, & in Michea non completa Prophetia.

Si Christus nō apperuisset mysterium de Iona, qui fuit in ventre ceti tribus diebus, & tribus noctibus, esset illud adhuc occultum. ita sunt alia, quæ aperientur ab eodem Christo de postremis temporibus. quia ait Petrus Propheta

tas omnes de ijsdem temporibus locutos. & interpretatio dabit, vt & Ionas attigerit secundum aduentum Domini; non solum exposuerit primum. In Michea autem cap. 1. versu 2. 3. & 4. nuntiatur iudicium Domini. item ver. 15. quareti capit. cap. 7. status idem exponitur mundi, qui expositus est ab Osea cap. 4. quando nuntiat adesse secundum aduentum Domini. ca. 4. affert Micheas eadem, quæ Isaia ca. 2. hoc eodem capite quarto versu 9. 11. 12. & 13. nuntiat magna perturbatio futura, & iudicium vallis Iosaphat dictum à Ioële. cap. 5. bella dicuntur cœlatura, auferenda maleficia, & Idolatria. quæ omnia adhuc futura sunt, ergo non est completa Prophetia.

In Naun non completa Prophetia.

Cap. 1. describitur iudicium Domini futurum, & euertendus status Antichristi persistenteribus pijs adhuc in terris.

In Abacuch non completa Prophetia.

Cùm Abacuch narrat, quæ ager Christus precepit in suo secundo aduentu, generatim tamè cap. 3. ait. In ira incelsisti super terram, in furore triturasti gentes. Illud iustus ex fide viuet rebeat Paulus ad secundum aduentum ca. 10. vers. 38. Epistolæ ad Hcb.

In Sopbonia non completa Prophetia.

Sopbonia quoque cap. 1. describit iudicium Domini. & vers. 14. ait iuxta est dies Domini magnus, & quæ sequuntur. cap. 3. vers. 15. dicitur regnaturus deinceps Christus in suo populo. & hic non visurus ultra malum.

In Agea

In Ageo non completa Prophetia.

Cap. 2. vers. 7. dicitur. Adhuc pulsillum, & commouebo cælum, & terram: commouebo omnes gentes. & versu 22. Ego commoturus sum cælum, & terram, & subuertā solium regnorum, & quæ sequuntur. quæ adhuc non sunt peracta.

In Zacharia non completa Prophetia.

Zacharias ostendit se loqui de tempore iudicij dum cap. 2. vers. 13. ait. sileat omnis caro à facie Domini, qui surexit de habitaculo sancto suo. capit. 12. bis dicuntur omnes gentes terræ venturæ contra Hierusalem, & congregandæ. duces Iuda deuoraturi omnes populos vndiq; vt duæ partes succidantur è terra nuntiatur ea. 13. quod nundum visum est. cap. 14. vers. 9. Dominus dicitur rex futurus per vniuersam terrā. vers. 11. excidium non ultra futurum: sed Hierosolymis habitabitur confidenter. quæ adhuc non sunt facta.

In Malachia non completa Prophetia.

Cap. 3. vers. 5. iudicium pariter nuntiatur. & cap. 4. repetitur illud. vt non relinquenda sit radix, nec ramus impiorum. pij autem permansuri sint florentes illis depulsis. Et hæc vt siant adhuc expectamus.

Probatur in nouo Testamento non completa Prophetia.

Quomodo autem etiam in tota narratione Euāgelica, & in doctrina Apostolica insit prophetia: quemadmodum ait filius Dei in fine 24 capitilis Ecclesiastici. Doctrinam adhuc, ut prophetiam effundā, eāmque ad omnes seculorum

ætates transmitta: docebit interpretatio, quam Dominus daturus est Ecclesiæ suo tempore. nunc verò quod sint plurima loca prophetica in Euangeliis, & Apostolis, omnes facebuntur. ut præter alia cap. 24. Matthæi 13. Marci 17. & 21. Luca. ut caput 5. Epistolæ primæ ad Tess. & 2. secundæ. caput primum primæ, & caput tertium secundæ ad Tim. ut secunda Epistola Petri, & quæ est Iudæ. Et quod quedam habuerint suauenta, quædā non habuerint, arbitror quoque propè omnes concessuros. quare non videatur opus ista ostendere, quæ omnibus patent'. Quod item liber Apocalypsis sit prophetia atq; non omnia perfecta sint, quæ ibi nuntiata sunt futura, nemo videtur esse, qui sit negaturus præter certos itriores atheos. Ergo concludendum erit, in omnibus propè diuinis scripturis inesse prophetiam, eamque adhuc non completam.

*Probatur, Prophetica multa in Euangeliis,
& Apostolo sumpta è Prophetis.*

Nunc illud erit querendum. quæ Prophetica diximus contineri in Matthæo, Marco, Luca, Paulo, Petro, & Iuda, an sint sumpta è Prophetis. nam si erunt sumpta è Prophetis: & si illa sunt de secundo aduentu Domini, & de postremis temporibus: constabit adhuc Propheta loqui de secundo aduentu Domini, & de postremis temporibus. Quod sint illa de secundo aduentu Domini, id appareret in ipsa narratione Evangelica. quia querunt Apostoli à Christo signa sui aduentus, & consummationis seculi.

seculi. atque ad hæc proposita Christus respon-
dit. tota quæ respōsio continet. quæ fient tempo-
re sui aduentus. similiter Paulus. Petrus. & Iu-
das aiunt se monere de rebus futuris postremis
temporibus. Quòd verò sint eadem sumpta ex
antiquis Prophetis. id quoque patet. quia id
monet Christus. qui ait in Luca oportere illa
fieri. ut compleantur. quæ scripta sunt. monent
& Apostoli. ait enim Paulus. spiritum manife-
stè loqui. & Petrus se habere sermonem pro-
pheticum. & ibi loquitur de Prophetia scrip-
turæ. quam sancti locuti sunt spiritu Dei. vnde
cap. 3. hortatur fideles. ut sint memorē eorum.
quæ prædicta sunt à sanctis Prophetis. & Iudas
pariter ait. se loqui de his. qui iam olim fuerunt
descripti: & de quibus vaticinatus est Enoch.
Percurramus iam singula. quæ narrantur in Eu-
angelistis. & Apostolis futura. ac ostendamus
illa è Prophetis sumpta. seu & ante fuisse denū-
tiata à Prophetis. Dicuntur in Evangelistis ven-
turi. qui se Christos faciant. hoc cùm multis in
locis antiquæ scripturæ inuenietur denuntiatū
quando erunt aperti libri. tūm nunc in Mala-
chia cognoscere possumus cap. 3. vbi ait filius
Dei. nū quid rapere debet homo. quæ sunt Dei.
quòd vos mea rapitis? item. & vos mea rapitis
gens tota. & in Ezech. ca. 33. oculos vestros at-
tolitis ad idola vestra. & terram hæreditate pos-
sideritis? item 9. inducuntur falsi Christi dice-
re. dereliquit Dominus terram. Dominus non
videt. & 11. elongate vos à Domino. data est
nobis terra in possessionem. & cap. 5. Ieremiæ

dicitur. negauerunt Dominum , & dixerunt.
nōn est ipse , neque veniet super nos malum.
& capite nono. ait filius Dei, me non nouerunt
item. renuerunt cognoscere me. capite deci-
moseptimo Ieremias nomine humilium mini-
strorum, qui non faciunt se Christos cum mul-
tis, ait. non affectavi , vt essem pastor corā te:
essem ego iudex , qui afferem calamitatē alijs.
tu nosti. hæc mihi videtur esse sententia huius
loci. Dicuntur factura bella , & rumores bel-
lorum. & id nuntiatum fuit cap. 7. Ezechi. vbi
ait. pacem quærent , & non inuenient. contri-
tio super contritionem veniet, auditus super
auditum. talia & in hoc Propheta , & in alijs
passim videri possunt , nuntiata. Dictum est
futurum, vt gentes contra gentem surgant, reg-
na in regna. quod nuntiatum fuit in Isaia ca-
pite 19. in libro 4. Esdr. cap. 15. ijsdem propè
verbis. cap. 11. Zachariæ ait Deus. Ego traditu-
rus sum homines ipsos , quemque in manum
proximi sui. de fame , peste , & terræ motibus
quæ in Euangelio dicuntur futura ; sunt adeo
repetita in Prophetis, & futura postremis tem-
poribus , vt nemo velit sibi ostendi , qui Pro-
phetas semel percurrerit. Quòd Euangelici de-
buerint affligi , & opprimi , id nuntiatum est in
libro 4. Esd. c.16.ver.69.70.71.72. & 73.c.7. &
19. Ieremiæ quòd etiam comburendi. Quòd
offendentur multi , alter alterum prodet , odio
prosequetur , id nuntiatum est in Michea ca.7.
& Ierem. 9. Multi pseudoprophetæ nuntiati
sunt futuri cùm alibi , tūm cap. 23. Ieremiæ . &

inde

Inde dictum est in Zacharia cap. 13. & Propheta, & spiritum immundum auferam e terra. Iniquitas aucta, & charitas refrigerata nunciantur cap. 4. Osee 7. Micheæ, & alibi. ac fuit & id denuntiatum, ut quisque carnem proximi sui ederet. Quod Euangeliæ prædicatio debuerit innouari, atque simul prædicari opera secundi aduentus Domini, in aperta prophetia patebit, fuisse denuntiatum Plal. 2. ubi dicitur. narrabo decretum. cap. 6. Isaiae, & 1. Ezechielis. & alibi. De abominatione futura, & aperienda in secundo aduentu Domini, ait Christus locutum Danielem. & in aperta Prophetia in multis locis conspicietur descripta. De fuga futura in magna perturbatione, ac de ipsa magna perturbatione locutus est Isaías cap. 13. & 24. Ezech. 7. Daniel. 12. Quod ait Christus de fulgure vindetur fuisse interpretatus Zacharias cap. 9. versu 14. De Sole, Luna, & stellis obscurandis nuntiavit Isaías cap. 13. vers. 10. Joel cap. 2. Ezech. 32. De filio hominis venturo nuntiavit Isaías. cap. 19. & 63. Daniel. 10. De signo filij hominis Balaam c. 14. Num. de sceptro, & virga Christi dictum fuit in Isaia cap. 5. & 11. & 13. Veniamus iam ad Paulum. quod dixit de pace, in qua futurus esset interitus, num id nuntiavit Ieremias & Ezechiel multis in locis? quod monuit de Antichristo, num sumptum ex capite undecimo Isaiae? Quæ scripsit de hominibus futuris alienis à cultu Christi, num sunt eadem quæ Petrus, & Iudas pariter monuerunt, qui testati sunt sumpta fuisse illa è

Prophetis? ut in Iane, & Iambræ; in falsis Prophetis, qui fuerunt tempore Mosis, & Prophetarum: in Balaam: in filijs Choræ: in Datam, & Abiron: & in alijs, & in malis angelis: in Sodomæis: in Cain fuerint denuntiati mali, & falsi Christiani futuri. hinc monet nos Paulus, ne cupidè agamus, vt patres multi in deserto. ne simus Idolatræ, ne escortatoros, ne tentemus Christum, ne murmuremus. Quæ tandem narrantur in Apocalypsi, constat pluitima ante fuisse denūtiata in antiquis Prophetis, vt patet ex 10. & 17. cap. vbi longam narrationem eorum, quæ summatim assertet, monet petendam è Prophetis. Si iam Christus, & Apostoli nuntiarunt, quæ sunt postremi temporis, & secundi aduentus Domini: & hæc sint sumpta è Prophetis: ergo Prophetæ locuti sunt de postremis temporibus, & de secundo aduentu Domini. Si iam inquam Prophetæ locuti sunt de secundo aduentu Domini: si item narrant postrema tempora, & ita verum erit illud Petri Actor. 3. quod Deus locutus sit per os omnium sanctorū suorū Prophetarum ab initio de temporibus secundi aduentus Domini.

Fuerunt Prophetæ post Apostolos usque ad nostra tempora.

Nunc verò sequitur, vt postquam percurrimus vetus & nouum Testamentum, in quibus ostendimus Prophetica de primo, & secundo aduentu Domini, & de postremis temporibus; vt & tempora Ecclesiæ percurramus. quod Deus etiam

etiam omnibus temporibus Prophetas dedit
cognoscatur. Toto tempore Apostolorum fue-
runt Prophetæ in Ecclesia , vt vidimus in Act.
Apostolorum, & vt diximus initio, & ostendit
Paulus in Epistola prima ad Corint. ministros
datos Ecclesiæ variarum facultatum , & munie-
rum. & ait datos primū Apostolos, deinde Pro-
phetas. Quia verò futurum erat , vt auferetur
iuge sacrificium, & item alia, atque cessaret ipsa
prophetia in Ecclesia per aliquod tempus, ecce
dedit Deus Apocalypsim in qua exposta habe-
rent pij , quæ cōsecutura essent deinceps futuri
temporibus omnibus in Ecclesia. Scripsit &
Hermas, de quo meminit Paulus in Epistola ad
Romanos , visiones , pertinentes ad nouissima
tempora. quem Hieronymus inter scriptores Ecclesiasticos , è quo
multi scriptorum veterū usurparint testimonia.
extitit deinde Lactantius Firmianus , vt præte-
reream Methodium , cuius vaticinium variè à
varijs fuit distractum. qui Lactantius scripsit
de iudicio Domini. & quamvis mihi non vi-
deatur is venire in numerum Prophetarum, ta-
men illud præstitit, vt memoremur de iudicio
futuro, & de his, quæ futura essent in ipso iudi-
cio. quomodounque illa dijudicet quæque
propè omnes non aduertunt, dum sunt. atque
hæc de Lactantio affero, vt ostendam Patres nō
sensisse Prophetiam fuisse completam in primo
aduentu Domini. vt in Daniele quoque vidi-
mus. vbi cap. ii. diuus Hieronymus cum factū
aliquod eorum, quæ narrantur à Daniele, videt
nunquam

nunquam extitisse simile, reuocat illud ad tempora Antichristi, quando efficiendum sit. & ait patres idem censuisse, & egisse. Iustinus martyr in dialogo Triphonis Iudæi ait. Quæ reliqua sunt Propheticæ, in altero eius aduentu enenient. Tempore Caroli Magni scripsit Rabanus monachus librum Propheticum insignem de magnitudine filij Dei cognoscendam ab omnibus in toto mundo gentibus, in ipsa cruce quæque magna describens. hunc librum circa dimidiam horam permissum mihi fuit intueri: sed in his, qui post prophetica tractauerunt, vidi sepius citari Rabani prophetiam. Eo autem tempore, quando erexit Papa suum Decretale, ecce Abbas Cirylus, Abbas Ioachimus nuntiant aduentum Domini instare, innovationem Ecclesiæ, & rerum omnium. ad quam quisquenomen Christi gerens se patare debeat. ac generatim afferunt summam eorum, quæ nuntiara fuerint in antiquis Prophetis atque multa singularia aduertunt quoque dum persistunt in contemplatione verbi propheticæ sequuntur deinceps semper aliqui qui eadem repetunt, & inculcant: nuntiant, & scribunt, quæ nunc videmus fieri. Theleosphorus quidam colligit in unum volumen multos ex his, qui post Apostolos nuntiarunt, quæ sunt nostro tempore: & hæc suo certo ordine persequitur ipse. ut prædicationem Euangelicam, persecutionem ob illam, & afflictiones, & cædes Euangelicorum, perturbationes Gallicanas, & cætera bella naualia, & terrestria: quæ sunt

sunt principum Christianorum, & totius populi Christiani: innouationem omnium. Usque ad Hieronymum Sauonarolam fuerunt, qui ista nuntiarunt. ipse autem Sauonarola nuntiavit item ista omnia iam iam futura: Christum scilicet propè adesse. qui nouos excitet prædicatores Euangelicos; qui virga ferrea percutiat, & innouet totum statum populi Christiani. prædicauitque idem pœnitentiam, & innouationem vitæ. ut eius conciones, & quæ scripsit de rebus futuris testantur. Post Sauonarolam extiterunt in Italia eius discipuli, qui eadem prædicarunt usque dum Lutherus, & alij renouarunt, & instaurarunt prædicationem Euangelicam. bella deinde & perturbationes extiterunt. atque iam iudicium cœptum est à domo Dei, & expectantur alia, quæ denuntiata sunt futura in tota prophetia.

Ecce iam prophetiam, & Prophetas extendi usq; ad postrema tempora, & ad secundū aduentū Domini, quem illi describūt. sequi videtur nunc ut ostēdatur nos iam ingredi in postrema tempora; adesse secundum aduentū Domini; effici illa, quæ narrantur in Prophetis. Sed antequam ad hæc accedamus, videtur amouenda illa opinio de iudicio Domini, quod futurū sit vno die 24. horarum, seu ut ali qui affirmant, in momento temporis. atque simul demonstrandum est peracto magno iudicio, futurum statū mundi, quem Paulus vocat sabbatisimum. in quo cum Christo diu regnabit populus Dei in terris electis impijs, & Antichristo.

*Frobatur post iudicium futurus nouus
status mundi,*

Ea opinio è Papatu manauit in multos , qui dicant , nihil ex Prophetia aliud eventurum , nisi postremum diem mundi , quando in momento temporis , in ictu oculi resurgéti mortui , pij tollentur in cælū , impij detrudentur ad tartara . & ita negant Prophetiam de iudicio futuro , atque adeò ipsum iudicium . & hæc opinio inde nata est , quod negligenter , & dormitando lectum fuit verbum Dei , & ad voluptuosam vitam , & ad superbiam vitæ conuersi sunt Ecclesiastici , & alij . dixerunt beatos superbos , vt illis obijcitur capit . 3 . Malachiæ . dixerunt se ita perseveraturos , vt illis obijcit Petrus , vsque ad postremum diem mundi . interea aliquid futurum . confuderunt aduentum Domini in Spiritu , & aduentum in gloria : vt Hebræi confuderunt aduentum primum in carne cum aduentu secundo in spiritu . quia Messias describitur venturis magnis exercitibus , ac magnis operibus bellicis cōstituturus regnum Israëliticum , non attenderunt Hebræi Christum prius debuisse venire in humilitate , vt describitur cap . 42 . Isaïæ : passurum , & moritum , vt narratur cap . 53 . eiusdem Isaïæ , & nono Danielis . non attenderunt distinctè fuisse positum primum aduentum à secundo cap . illo 42 . Isaïæ . vbi dicitur . priora ecce euenerunt , & noua ego annuntio . prima narravit Isaïas . vbi dicitur . electus meus , n quo sibi complacuit anima mea : dedi spiritum meum super eum : iudicium gentibus proferer ,

proferet, & quæ sequuntur, noua verò quæ nuntiat & narrat Isaías, siue Christus sunt secundi aduentus. illa videantur, quæ nec primo in carne, nec tertio in gloria conuenient aduentui. capite nono Danielis ponitur quoque distinctus duplex aduentus Domini. item in Osea cap. 1. & tertio. Similiter distinctus positus est aduentus Domini in spiritu, & in gloria à Paulo, & Petro. vbi enim in prima Episto. ad Tess. ca. 5. loquitur Paulus de die illo Domini, qui venturus sit, ut fur. item in secunda cap. 2. de Antichristo interficiendo; sermo est de secundo aduentu Domini in spiritu, qui aduentus describitur in Prophetis, & capite illo undecimo Isaiae, vnde Paulus sumpsit vaticinium suum de Antichristo, vbi ea narrantur quæ sunt longi temporis, non unius diei. vbi verò cap. 5. primæ ad Corint. ait Paulus in momento, & in ictu oculi. & cap. 4. primæ ad Tess. Dominus descensurus ē cælo, & sanctos rapiendos cum eo in aëra: est sermo de aduentu tertio in gloria, & de resurrectione mortuorum. Et quoniam de hoc triplici aduentu Domini disputatum est ab Abate Ioachimo, & ab alijs, qui post ipsum tractauerunt Prophetica, non plura ego hīc dicam, dicam verò illud, qui negant nunc secundum aduentum Domini in spiritu, atque illa effici, quæ narrantur in Prophetis, esse illos, qui illud capit 23. apud Ieremiam dicunt. Prophetia Domini non memoretur ultra. Prophetia Domini sit verbum cuiq; suum. & apud Ezechielem cap. 12. prolongabuntur dies per-

ribit omnis visio. & apud Amosum capite nono, non appropinquabit, neque veniet super nos malum. Petrus vocat hos irrisores, qui dicant, ubi est promissio aduentus eius? ex quo enim patres nostri dormierunt, omnia sic perseverant ab initio creaturæ. dicunt nullam esse Prophetiam de statu nono mundi futuro in aduentu Domini. Papatum perseveraturum usque ad finem mundi, usque ad ultimum diem. & Petrus ait futuruim, ut quemadmodum tempore Noë, aquismersus fuit orbis terrarum; ita igne bellico totus mundus sit innouandus.

Dies postremus quomodo intelligendus.

Quod autem dicitur de die postremo in scripturis, ait, tempus esse intelligendum, ne decipiatur cum Papatu. quia dies in scripturis saepe ponitur pro tempore. qua ratione autem id fiat, erit eius exponere, qui Prophetiam interpretabitur. nunc nos exempla tantum afferemus, quibus patere possit, diem pro tempore saepe usurpari in sacris literis, & interdum pro singulari aliquo facto poni, quamvis sit illud aliquando multorum dierum, & annorum. capite quadragesimo nono Genesis postrema tempora nuncians Iacob, ait se nuntiare, quae futura sunt in nouissimis diebus. Isaias dum loquitur de iudicio futuro, capite secundo, ait, & erit in nouissimis diebus. deinde quod dixit de diebus, ad unum diem reuocat. & ait, dies Domini super omnem superbium in die illa eleuabitur Dominus solus: in die illa proiec-

projicit homo idola sua. hæc non fiunt uno die vigintiquatuor horarum. Ergo cum eadem narret futura diebus certis, & die, apparet diem ponî pro tempore. capite decimotertio , vbi describitur perturbatio illa magna , ait Prophetæ , esse diem Domini , vt signetur factum singularē, cuius simile nullum antea fuerit. de quo facto Ieremias 30. 7. quoque ait. Vx quia magnus dies ille , tempusque afflictionis. ecce hic , quem dixit diem , vocat tempus : vt Daniel quoque capite duodecimo , diem illum , qui tanquam laqueus extenderet , & peruadet , vt ait Christus vniuersam superficiem terræ, ter vocat tempus. Ut verò intelligas tempus iudicij futuri , ait Ieremias capite 23. Ecce dies veniunt dicit Dominus , & suscitabo Dauid gerumen iustum , & regnabit rex , & prospere ager , & faciet iudicium , & iustitiam in terra. in diebus illis saluabitur Iuda , & habitabit confidenter. propterea ecce dies veniunt dicit Dominus . & non dicetur ultra viuit Dominus , qui eduxit filios Israël de terra Ægypti , sed viuit Dominus , qui descendere fecit , & adduxit semen Israël de terra aquilonis , & de omnibus terris , ad quas cieci eos , & habitabunt in terra sua. hæc omnia non tribues primo aduentui Domini , nec tertio in gloria. inuenies autem perfici omnia in secundo. Vnde in Ioele vbi est sermo de eodem iudicio , & tempore , dicitur capite tertio , in diebus illis , & in tempore illo. item propè est dies Domini in valle concionis. hic , vt dicebam.

significatur singulare , & omnium maximum factum. ibi alia simul cum hoc facta . & ne omnia loca persequar . habes libro 1. cap. 9. Esdras . & in Deut. cap. 31. insignia loca , in quibus potes videre diem poni pro tempore. atque quæ narrant Prophetæ de illo die , illis diebus , illo tempore , non sicut vno die 24. horarum . Vnde Petrus Actor 3. ait . Oportere Christum cælo capi usque ad tempora restitutionis omnium . Fuit enim tempus , quando 40. annos prædicatum est Euangelium , & deinceps , ut restituatur iuge sacrificium : fuit , & est longum tempus perturbationum Gallicarum , & Germanicæ inferioris , ut restituatur regnum Israëliticum . est longum tempus , quando cœptus est nuntiari secundus aduentus Domini , & euenta prophetiæ ipsius . ut & doctrina prophetica , quæ fuit in Apostolis , & in alijs restituatur Ecclesiæ innouata . est longum tempus pugnæ verbi , ut restituatur Ecclesia Apostolica . & ita restituantur omnia , quæ narrat Paulus 1. Corinth. 12. Quare & in Euangelistis , die , & diebus , & ætate , & tempore , & temporibus dicitur fieri opus secundi aduentus Domini . In Matthæo cum narrata sunt multa facta , dicitur . & nundum erit finis . vñ prægnantibus illis diebus . de die illo , & hora nemo scit . nō præteribit hæc ætas . erit tribulatio , qualis non fuit ab initio mundi ad hoc usque tempus . donec impleantur tempora gentium . cap. 17. Lucæ dicitur etiam : illa nocte erunt duo in loco vno . Illa autem omnia , quæ narrantur ab Euangelistis , dicinon potest

potest fieri vno die, aut vna nocte, ergo pro dio
in his locis intelligendum est tempus, seu tem-
pora, quibus efficiuntur, quæ narrant Prophe-
tæ & Euangelistæ. Deinde postquam restitu-
ta fuerint omnia, quæ Deus locutus est per os
sanctorum suorum Prophetarū ab initio; cog-
noscendus est & ille status regni Israëlitici re-
stituti, & Ecclesiæ innouatę diu perseueraturus.
Abbas Ioachimus in libro Cōcordiæ, dum dis-
serit de hac eadem re, ait Augustinum in libro
de Ciuitate Dei eadem confirmasse, & scrip-
tisse. neminem scilicet esse mediocriter in sacris
literis versatum, qui non intelligat post iudi-
cium futurum tempus. quantum autem illud
duraturum sit, nemine esse, qui sciat. qui locus
confimat & hanc sententiam de die posito pro
tempore iudicij Domini, & de statu futuro post
iudicium peractum contra Papatum, & impios.
de quo statu iam dicamus.

*Antichristus, & afflictiones amouebuntur
etate 7. pace perpetua allata.*

Fuit & ea opinio in pluribus, vt dicebam, &
adhuc est, Antichristum duraturum vsque ad fi-
nem mundi: atque pios in hoc mundo semper
passuros. & quæ scripturæ memorant de terra
promissa, in qua beatè viuetur, de liberatione
piorum ab afflictionibus, de regno Israëlitico,
de restitutione omnium per Christum secundò
venturum, de pace perpetua, de futura iustitia,
& de alijs: aiunt omnia esse intelligenda de vi-
ta futura in cælis. quod & nos minime nega-

mus : sed dicimus hæc prius futura in terris. ut
qui Prophetica tractarunt iam ab Abbatे Ioa-
chimo docuerunt. Nam quæ sunt figura ut sint
figura , debent prius fuisse. si non fuerint, quo-
modo erunt figura ? percurramus igitur nos lo-
ca aliquot scripturæ , ut veritas inde pateat.
capite vigesimo secundo , versu 17. Genes̄is
promittit Deus , se effecturum , ut semen A-
brahæ possideat portas inimicorum suorum.
per portas intellige dominatum , & ditionem
in terris. quomodo iam possiderunt filij Dei
regna terræ , & portas inimicorum suorum , si
haec tenus fuerunt ab inimicis oppressi ? quod
Deus dixit , futurum est tandem. hoc non fuit,
ergo futurum est. Si dicamus terram Syriacam
fuisse possessam ab Israēlitis. respondebimus
illud Pauli Hebræorum tertio. Si Iosue re-
quiem præstisset, nequaquam de alio posthac
die locutus fuisset. nam non fuit diu requies ,
belligerandum propè semper fuit Hebreis cum
hostibus illius terræ , quam promissam à Deo
acceperant. at in eo perstant multi , ut opinen-
tur sermonem fieri de terra cœlesti. quod in cœ-
lis præstanta sit illa promissio. sed si non ante
in terris quoque præstabatur , quare meminit
Paulus de die , & de alio posthac die : non erit
ista temporis distinctio in cœlis. erit ergo sab-
batismus , & requies in terris. quod nouerunt ,
qui tenuerunt sententiam primi capitulis Gene-
sis. atque ratio illa Pauli , quod nequaquam de
alio posthac die locutus fuisset, sumpta est ex
capite decimotertio Genes̄is. versu 15. ubi dici-
tur,

tur, nam omnem terram, quam tu vides, tibi dabo, & semini tuo usque in seculum. non obtinuerunt Iudei Syriam usque in seculum. ergo sermo est de alio die, de sabbatismo, scilicet. Si instes, in caelo haec futura tantum, & non in terris. aduerte dici, omnem terram, quam tu vides, dari usque in seculum. terram ad aquilonem, meridiem, ortum, & occasum. Et capite vigesimo octavo, ut intelligas omnes partes orbis terrarum additur. & benedicentur in te omnes familiae terrae, & in semine tuo. omnes familiae terrae benedictae, & credentes non continentur finibus terrae dato populo Dei per Iosuam. ergo omnes partes orbis intelliguntur. quando omnis terra subiicitur regno, & Ecclesiae Christi. tunc portas possidebunt p[er]ij inimorum suorum. in caelis non possunt possidere portas inimicorum suorum, qui ibi nunquam fuerunt, nec portas, nec quicquam ibi habuerunt. atque ut ait Daniel cap. 7. regnum autem & potestas, & magnitudo regni, quae est sub toto caelo, dabitur populo sancto altissimi. regnum eius regnum aeternum, & omnes potestates ei seruient, & obedient ei. regnum, quod sit sub toto caelo dicitur dari, non quod supra caelum, & in caelo. atq[ue] omnes potestates seruire & obedire populo Dei intelligi non possunt in caelis; sed in terris. & idem est locus hic de populo Dei, cui seruient, & obedient omnes potestates, ac ille. & possidebit portas omnium hostium suorum. quod cum nouisset Abraham, petierat a Deo Genesis decimoquinto,

quomodo scire posset, quando haec possessurus esset. Et Deus respondit quando finem fecerint occidendi inimici impij pios, ut locum illum interpretatur Ieremias cap. 34. vbi arguit reges, qui conciderint vitulum in duas partes, & transierint per eum; & vbi peccata Amoræorum significantur. quibus completis possessurus sit populus Deitatem inimicorum suorum. atque indicatur post Antichristum euersum, & eicutum pios futuros dominos in terris deinceps semper. nam in cælis nunquam regnariunt impij. Ergo fieri tunc illud Mosis cap. 32. 44. Deut. Laudate gentes populum eius, qui sanguinem seruorum suorum vlsiscetur, & vindictam tribuet in hostes eorum, & propitius erit terræ populi sui. nam interpretatio docebit Mosem locutum de Papatu nostri temporis. Sed veniamus ad Psalmos, & Prophetas, in quibus planius res exponuntur. Psalmo primo dicuntur non permansuri impij in iudicio, nec peccatores in consilio iustorum iudicium: & conciliū, siue cœtus, & congregatio, ac sanctorum haec communio non intelligitur in cœlis tantum; sed & in terris. de qua dicitur in Symbolo. Sanctorum communionem, quæ sanctorum communio ponitur certo ordine ante carnis resurrectionem. atque in cœlis non habebuntur concilia. In fine Psalmi 10. num dicitur Deus iudicaturus pupillo, & humili, ut non addat ultra impius, ut conterat hominem è terra? Si hic loquitur Propheta de terra, etiam ante Psalm. 9. locutus est de terra. vbi dicitur. Sedisti super thronum

thronū, qui iudicas iustitiam. increpasti gen-
 tes, perdidisti impium, nomen eorum deleuisti
 in seculum, & in seculū seculi. & quæ sequun-
 tur usque ad finem. eadem repetuntur in fine
 Psalmi 18. & in fine 22. Psalmo autem 37. Iep-
 tis nuntiantur impij perdendi ē terra, atq; eo-
 rum semen: pijs electis impijs possessuri hæredi-
 tate terram. Psalmo 72. describitur Christi reg-
 num futurum post electum Papatum, & im-
 pios: ac perpetua pax nuntiatur futura, & reg-
 natura iustitia. dicitur tunc futurum, vt omnes
 gentes adorent Christum, seruiant ei. & ne di-
 cas hæc futura in cælis tantum, additur. do-
 nec sit luna, quandiu fuerit sol. Psalmo 89. pro-
 mittitur pariter regnum Christi duraturum in
 terris, dum luna, & sol erunt. non acturus Deus
 vt ante, qui bello vastauerit regna populi sui
 peccantis; sed peccata puniturus non cuerten-
 do statum pacatum. Psalmo 92. impij pariter
 perdendi dicuntur in æternum, pijs saluandi. &
 vt intelligas etiam in terris saluos victurospios
 additur. sicut cedrus multiplicabitur. in cælis
 non ultra multiplicabuntur, non procreabunt
 liberos additur. multiplicabuntur in senecta,
 pingues & virides erunt. Psalmo 93. regnum
 confirmatum Christi ostenditur in terris, vt
 nulla deinceps futura sit statuum commutatio.
 & vt intelligas de regno Christi in terris, addi-
 tur. firmavit orbem terræ, ne se commoueat, vt
 promissum fuit. additur. in longitudine dierū,
 quod in cælis non futura sit enumeratio dierū.
 Psalmo 96. idem confirmatnr. dicite in genti-

bus, quia Dominus regnauit, & firmabitur orbis, nec commouebitur, iudicabit populos in iustitia. Psalmo 97. Dominus dicitur regnare. & additur. exultet terra, lætentur insulæ multæ, & quæ sequuntur. Psalmo 98. idem regnum describitur in terris. vnde dicitur. iubilate Deo omnis terra, cantate, & exultate, & psalmitate. iudicabit orbem in iustitia, & populos in æquitate. Psalmo 100. dicitur. Iubilate Deo omnis terra, seruite Domino in lætitia, & quæ sequuntur. vbi pij ingressi in regnum Christi laudant eum, qui præstiterit promissa. Psalmo 101. narrat Christus regnum suum. quod in eo iudicabit ipse iustè. in eo erunt pij ministri eius & impijs. Psalmo 104. dicitur. deficient peccatores è terra, vt impijs, seu iniqui ultra non sint. Et Psalmo 111. dicitur dari populo Dei hereditas gentium. cælestis regnum nunquam fuit gentium. Psalmo tandem 112. in terra potens futurum memoratur semen timentium Dominum. qui affluent omnibus bonis. In libro Sapientie cap. 3.8. dicitur de pijs futuris tempore regni Christi, iudicabunt gentes, dominabantur populis & Dominus in eis in perpetuum regnabit.

Accedamus ad Prophetas. regnum Christi, quod describitur in Isaia capite secundo, erit quando non erunt bella. vt dicitur versu quarto, atque erit illud in terris, quia dicitur. & confluent ad eum omnes gentes: & ibunt populi multi, ac dicent. Venite, & ascendamus ad montem Domini. & quæ sequuntur. Et ne
in finis

in singulis capitibus immoremur, vt in vnde-
cimo, & in aliis multis, in quibus est promis-
sio, & descriptio regni Christi futuri in terris,
perueniamus ad finem. capite sexagesimo, di-
cuntur omnes gentes venturæ in Ecclesiam, &
regnum Christi: & qui non venient, peribunt.
& ne dicas hæc in cælis tantummodo futura,
additur. ædificabunt alienigenæ muros tuos:
& reges eorum ministrabunt tibi: & venient
ad te curui filij eorum, qui humiliauerunt te:
atque adorabunt vestigia pedum tuorum om-
nes, qui detrahebant tibi. ponam te in glo-
riam perpetuam, gaudium in generationem,
& generationem: & suges lac gentium. popu-
lus autem tuus omnes iusti, in perpetuum ha-
reditabunt terram. capite sexagesimo primo
promittitur liberatio, & beatus status Ecclesiæ
& additur, vt eum cognoscas etiam in terris. &
ædificabunt deserta à seculo, & ruinas anti-
quas erigent, & instaurabunt ciuitates deser-
tas. & quæ sequuntur, ostendunt omnia, quæ
habituri sumus in terris deinceps semper. quia
fœdus perpetuum feriet cum Ecclesia sua Deus.
Similiter capite 62. sunt cædem promissiones.
ac vt in terris cognoscas, quænam habiturus sis.
additur. habitabit iuuenis cum virgine, gau-
debit sponsus super sponsam (in cælis vero non
nubunt, vt ait Christus) si dedero triticum tuum
ultra cibum inimicis tuis. qui congregabunt, il-
lud comedent. Et capite 65. ædificabunt do-
mos, & habitabunt; plantabunt vineas, & co-
medent fructum earum. Et capite 66. iubemur
lætari

Iactari cum Ecclesia , in qua participes erimus eius bonorum. dicitur enim ut repleamini ab vberibus consolationis eius : vt mulgeatis , & delitijs affluatis ab omni gloria eius . quia hæc dicit Dominus. Ecce ego declinabo super eam quasi fluum pacis , & quasi torrentem inundantem gloriam gentium , quam sugetis. gaudet cor vestrum , & ossa vestra quasi herba germinabunt. & versu 19. dicuntur Christiani saluati ab Antichristo vocaturi omnes gentes in eandem Ecclesiam , & regnum. ac versu 21. dicuntur ex gentibus assumendi in sacerdotes , & Leuitas. quæ omnia probant , in terris quoque futurum regnum Christi , & in eo florentes Euangelicos. & hic rem concludat Deus, qui causa versu 16. ait non enim in sempiternum litigabo, nec in seculum irascar.

Promissiones in Ieremia in terris pariter antequam deferamur in cælum statuunt pios pace fruituros. & cum exponitur capite præsertim trigesimo iudiciū Dei , & interitus impiorum : vita , & salus promittitur pijs , qui multiplicabuntur , nec minuentur , & erunt filij eius sicut prius , & cœtus eius inquit Dominus coram me firmabitur. & visitabo omnes, qui oppresserint illum. & hæc ostendunt Christi regnum huiusmodi in terra futurum. eadem promittuntur cap.32. versu 37. nos confidenter habitatueros. versu 40. in sempiternū , quod datus sit Deus timorem suum in oculis nostris, vt non recedamus ab ipso , & versu 43. & 44. promittuntur hæc futura in terris. quia in cælis non colemus agros,

agros. In Ezechiele eadem promittuntur cap. 34. vers. 22. liberatio nostra à tyrannis. 23. Christus rex noster, in cuius regno habitabimus confidenter. 27. & 30. in terris. Item capite 36. vers. 28. & habitabit in terra, quam dedi patribus vestris 30. multiplicabo fructum arborum, & fructum agrorum. idem repetitur capite 37. In Daniele eadem promittuntur, & capite 7. vers. 27. cum electus fuerit Antichristus, dicitur. regnum, & potestas, & magnitudo regni, quæ est sub toto celo, dabitur populo sancto altissimi. regnum eius regnum æternum, & omnes reges, seu potestates seruient ei, & obedient. Finis primi, & postremi capitum Oscæ nuntiat eadem. In fine secundi capitum Iocelis promittuntur eadem. & in fine tertij dicitur. Iudæa in æternum habitabit, & Ierusalem in generationem, & generationem. In fine Amosi versu 11. promittitur regnum Christi 12. & possessio orbis. 13. beatus status. 14. in terris. ubi plantabimus vineas, colemus hortos. tandem versu 15. dicitur. plantabo item eos super terram suam, nec euellentur ultra è terra sua, quam dedi eis. In fine Abdiae idem Christi regnum promittitur. Ionas capite 2. ait. addam ut respiciam ad templum sanctitatis tuæ, & in fine capitum, salutem esse Domino. In Michea capite 4. versu 7. dum dicitur. regnabit Dominus super eos in monte Sion ex eo tempore, & usq; in seculum, significatur tempus regni Christi, de quo locutus est Isaías capite 2. quando scilicet erit liberatio populi Dei à tyrannis. nec erunt ultra bella. In

Naun capite primo dicitur. non adiiciet ultra;
vt pertranseat in te Belial. vniuersus interijt. Abacuch eadem nuntiat in fine. In Sophonia capite tertio, versu 15. remouit Deus iudicia tua, eiecit inimicum tuum, rex Israël est in medio tui. non videbis malum ultra. & versu 20. tempore illo adducam vos, tempore quoque illo congregabo vos. dabo enim vos in nomine & laudem inter omnes populos terræ, cum conuertero captiuitatem vestram dixit Dominus. In fine Agæi sunt eadem. In Zacharia capite decimoquarto, versu 9. dicitur Dominus futurus rex super vniuersam terram. & in die illa futurus Dominus unus, & nomen eius unum. versu 11. excidium piorum non ultra futurum; sed habitaturi hi confidenter. In Malachia capite quarto, dicitur Dominus non relistaratus nec radicem, nec ramum impiorum, priuatate permanenti florentes. In Apocal. c. 2. scriptum est. tene, quod habes donec veniam. nam qui vicerit, & custodierit usque ad finem opera mea, dabo illi potestatem super gentes, & reget eas virga ferrea. ca. 3. & 21. dicitur noua Hierusalem descensura è caelo, afflictio non ultra futura. gentes, quæ saluabuntur ambulabunt ad lucem nouæ Hierusalem: atque reges terræ gloriam suam, & honorem ad eam deferent, & ut nouum statum futurum in mundo intelligas, additur. & non intrabit in eam aliquid conquinatum, aut abominationem faciens, & mendacium, nisi qui scripti sunt in libro vitæ agni. Tandem in Deut. cap. 27. benedictiones affe-

runtur

runtur honorum , & quietis. quæ consecuturi sunt obseruantes præcepta Dei, etiam in terris. ibi enim memorantur vrbes , agri, fructus venustris, terræ, & animantium: labores, operationes, & populi terræ. quòd pij futuri sint caput , & non cauda. item maledictiones ponuntur malorum omnium , quæ in terris solent contingere. ante iudicium mali obtinuerunt bona, boni fuerunt malis oppressi. hæc contra ostenduntur futura in iudicio. ergo & in terris obtinebunt pij bona. Et cū dicuntur in terrenis his consignata esse nobis cælestia , essēq; hæc expectanda nobis maximè, & in primis, id vehementer confirmamus , & credimus. sed quæ figura sunt futura cælestium , debebunt re ipsa , & verè esse. alioquin quomodo quæ non sunt, aut non fuerunt, erūt figura alicuius rei futuræ? Ut verò planiora, quæ diximus siant, videndū est, vnde manarit error. quia Prophetæ & Apostoli nuntiabant, quæ euentura sunt in nouissimis diebus & in consumatione seculi, putarunt homines in nouissimis diebus, & in consumatione seculi intellegendū esse finē mundi, quando in nouissima tuba, & in iētu oculi descendet Christus de celo, & mortui, qui in Christo sunt resurgēt primi, cū quibus & viuētes rapiētur in cælū. nec aduertirunt distinctionem, quam ponit Petrus statuum mundi in 2. epistola vbi ponit mundū impiorum usque ad Noë , quando aquis inundatus perijt. ponit deinde seculum sequens usque ad secundum aduentum Domini. vbi ait. qui verò nunc sunt cæli , & terra eodem verbo repositi seruantur

seruantur igni in diem iudicij, & perditionis
imporum. tertio loco ait. Sed cælos nouos, &
terram nouam secundum promissionem expe-
ctamus. vbi significatur nouus status futurus
mundi post tempus magni iudicij, quando e-
rit finis afflictionum cœctis è mundo impijs.
Vbi ergo aiunt Prophetæ, & Apostoli, se nun-
tiare futura in nouissimis diebus, & vbi Apo-
stoli dicunt. dic nobis signa aduentus tui, &
consummationis seculi indicatur finis cælo-
rum, & terræ, qui seruati sunt in diem iudicij
in secundo aduentu Domini, tunc erit consum-
matio seculi, & dies nouissimi seculi scilicet
quod fuit post diluvium usque ad diem iudicij,
quando præstabuntur promissa Abrahamo de
possessione hæreditaria vniuersæ terræ. post se-
quentur cæli noui, & terra noua. de qua Pe-
trus, & Isaias meminit, quando erit nouus sta-
tus mundi post iudicium, qui describitur cap.
65. Isaiæ, & alibi. Ergo in die illo, siue in no-
uissimis diebus, & in consummatione seculi in-
telligendus est finis seculi cœpti post diluvium
usque ad nouum seculum, quem dixi appella-
ri nouos cælos, & terram nouam. Vnde & ad-
uentus Domini citius aderit, quam opinati sint
Papistæ, & multi alij. quod & scripsérunt, &
prædicarunt Apostoli. vnde oriebatur tempo-
re Pauli illa opinio, vt putarent multi suo tem-
pore futurum aduentum Domini. quare mo-
nuit Paulus Tess. ne putarent ita cito futurum
aduentum Domini. ne moneantur, vt id cre-
dant nec ob sermonem, nec propter epistolam
tanquam

tanquam à se scriptam. quia antequā adsit aduentus Domini futurum sit, ut reueletur Anti-christus. scriperunt tamen Apostoli, citius futurum aduentum Christi, quām putabunt homines. nec ad finem mundi secundum opinionem hominum esse expectandum. vnde inducit Petrus homines nostri temporis ita opinatos dicere. vbi est promissio aduentus eius? ex quo enim patres dormierunt, omnia sic perseverant ab initio creaturæ. contra ait Petrus, esse promissionem: & Deum non tardare promissa, & promississe cælos nouos, & terram nouam post presentes exustos. & quod dicūt de postremo die, ipsos falli, quod apud Deus dies unus sit sicut mille anni, & mille anni sicut unus dies, ut post iudicium peractum ostendat futurum longum tempus. Vbi ergo ait Petrus, Deū non tardare promissa, monet aduentum Domini citius futurum, quām putarint homines. & ob id in Epistola 1. cap. 1. hortatur fideles, ut sint parati ad aduentum Domini, dum modicum oportet contristari in varijs temptationibus. ex capite 5. ait. parumpet passos. apertius ait Iacobus cap. 5 patientes estote fratres usque ad aduentum Domini. patientes igitur estote, & confor-tate corda vestra. quoniam ecce aduentus Domini appropinquat. & Paulus ad Heb. cap. 10. patientia est vobis necessaria. adhuc enim modicum, aliquantulumque qui venturus est ve-niet & non tardabit. Ergo aduertenda, & di-stinguenda sunt tempora, & attendenda opera & signa secundi aduentus Domini citi futuri,

ne imparati inueniamur.

Signa aduentus nunc secundi Domini.

Postquam ostendimus tempus iudicij esse tempus longum, atque futurum sabbatismum, in quo regnabunt in terris tantum p̄ij; sequitur, ut redeamus ad illa, quæ restant. ut scilicet contemplemur signa, & euenta, quibus appareat nunc esse aduentus Domini, effici quæ narrantur in Prophetis, & quibus in rebus Christo loquenti nunc in Prophetis nō parentes Evangelici multis modis ab eo percutiantur. Quod adsit nunc aduentus Domini, probarent illi per doctrinam propheticam, qui tenent ordinem temporum mundi, illorum distinctionem, & progressum: tenent quænam in singulis ætatis bus esse, & fieri debuerunt. ut cum ostendissent quæ ætates, & tempora. quæ opera & actiones præteriissent, & extitissent ad hoc usque tempus; ostenderent necessariò oportere sequi nunc secundum aduentum Domini. verbi causa cum quædam prima facta sint omnia, debebunt succedi ac fieri omnia, quæ in secundum locum venerint. & cum prima omnia, & secunda omnia facta sint, debebunt necessariò subsequi, quæ tertio loco debuerunt necessariò esse omnibus primis, & omnibus secundis elapsis, & transactis. ac ut hoc ponas tibi ante oculos, contemplore tu noctu corpus cali, & in eo stellas orientes, ascendentes, descendentes, & occidentes. si nouisti ordinem stellarum in cælo, quando vidisti unam oriri, nouisti aliam, quæ deinde oriri debeat. & ita deinceps. ut voluente se cor-

pore

pore cælesti stellæ in eo , quo ordine sunt sitæ ,
 ita necessariò apparere debeant. Ecclesiasticus ,
 & Esdras libro quarto , & quidam ex alijs Pro-
 phetis mensurant ita nobis tempora , & opera
 Domini . vt demonstrent nobis tempus secundi
 aduentus Domini . Verùm tu ita nihil proba-
 bis , nisi apud eum , qui tempora mundi teneat ,
 & singulorum temporum opera . vt tenuit Mo-
 ses , Prophetæ , & Apostoli , vt Patriarchas præ-
 teream . hinc dicebat Petrus . 2. Episto . capite 2.
 habemus firmissimum Propheticū sermonem .
 Quia verò hæc adhuc nō sunt reuelata toti Ec-
 clesiæ , ex his non possumus necessarijs argu-
 mentis ratiocinari : quod fiet in aperta Prophe-
 tia ; quando ministri verbi ostendent ordinem
 temporum , atque rerum futuratum in mundo
 descriptum in Mose , & Prophetis ab initio . atq;
 secundū eū ordinē omnia tempora , & opera , &
 facta fuisse cōsecuta . Ratio alia potest requiri ,
 vt ostēdatur adesse nunc seculis aduētus Do-
 mini . vt scilicet diligenter singula cōprobentur
 evenia earū rerū , quas vidimus hoc nostro tem-
 pore postquā cœptū est prēdicari Euāgelium ,
 siis certis in locis fuisse à Prophetis denūtiata .
 primū vt notaretur totū tēpus à prēdictiōe Li-
 theri vsq; ad bellū Gallicanū . distinctio huius tē-
 poris , & locorū , in quibus progressus suos fecit
 prēdicatio : cōtentiōes , & disputatiōes , quę exti-
 terūt : cēdes , ac persecutioēs Euāgelicorū : bellū
 Caroli V. in Germania cōtra Euāgelicos dictos
 tūc protestātes . deinde vt totū bellū Gallicanū ,
 & Belgicū ostēdatur in Prophetis : cōcilia Trīd.

& coniurationes Papistarum contra Euangeli-
cos, ostendatur quomodo Papæ à Leone deci-
mo, quando cœpta est prædicatio, Antichristicè
se gesserint. essent in his non prætermittenda
acta Euangelicorum, & errata ob cōtemptum
verbi Prophetici. Verum quoniam volunt ho-
mines omnia sibi probari: atque hæc ut superio-
ra non possunt probari nisi ex vniuersa ratione,
qua Prophetica sunt exposita, & tractata in om-
ni diuina scriptura: atque hæc vniuersa ratio
non potest ostendi nili in ipsa interpretatione
prophetica totius diuinæ scripturæ: quiāque
statuit Deus, vt monet nos in Ieremias cap. 23. &
30. ac in 4. Esdr. capit. 6. omnia se patefactum
toti Ecclesiæ, quando percussus fuerit Papatus,
& electus; non afferemus h̄ic diligentem dis-
putationem de his rebus: sed simplici quodam
modo tradito à Christo, & à Prophetis pro ra-
tione huiusce temporis nostri tenebris inuoluti
excitabimus animaduersionem hominum, vt
attendant, & videant esse nunc secundum ad-
uentum Domini. Dicamus igitur quemque
debuisse ex lectione sacra attendisse Deum in
Mose, & Prophetis prædixisse omnes status, &
commutationes futuras in sua Ecclesia, & ea,
quæ in his fieri debuerunt. vt monemur in Isaia
à cap. 40. vsque ad 49. Et si minus alibi, in Da-
niele tamen cap. 9. status à Christo vsque ad h̄ec
tempora potuit aduerti. vbi dicūtur decisæ sep-
tuaginta hebdomadæ ad finiendam visionem,
& prophetiam. Christus dicitur passus hebdo-
mada 62, ergo in primo aduentu Domini non
cessauit

cessauit visio , & prophetia. denuntiatum est enim post passum Christum , & post 62. hebdomadas cestattorum iuge sacrificium : futuram abominationem desolationis. cum autem peruerietur ad hebdomadam 70. tunc restituto iuge sacrificio , amota abominatione è loco sancto , futurum , ut compleatur prophetia. Cum autem videamus hoc tempore restitui cultum Evangelicum , & amoueri è populo Christiano abominationem Papalem , quæ se in inquisitione aperit , debemus attendere illa perfici , quæ denuntiata sunt de postremis temporibus , & de aduentu Domini . præsettim vero si annos 1290. Danielis , siue 1260. Apocalypsis numeres ab ortu Papatus usq; ad hęc tempora. Idem dicendum est de tertio cap. Oseæ , vbi denuntiatum fuit desitutum iuge sacrificium , & restituendum in secundo aduentu Domini . nec dicendum est illud vaticinium Oseæ pertinere ad Hebræos tantum . quia maritus Ecclesiæ , non dat Ecclesiæ . 15. argenteos , chorūm hordei , & dimidium chorūm hordei , vt ante diximus , nisi fuerit natus , creuerit , & duxerit Ecclesiam sibi vxorem . Itaque vt post mortem Christi dicitur in Daniele cessasse iuge sacrificium , similiter hic in Oseæ intelligendum est. Idem intellige ex eo , quod monuit Petrus Actor. 3. oportere Christum cælo capi usque ad tempora restitutionis omnium . ergo cum iam restitutum sit iuge sacrificium ; amoueatr abominatione , illa agantur , per quæ restituatur regnum Israëliticum , quiuis qui non negligenter legat , facile potest

aduerteret esse nunc secundum aduentum Domini, & illa agi, quæ Deus locutus est per os sanctorum suorum Prophetarum ab initio. nam si Prophetæ locuti sunt de temporibus restitutio-
 nis omnium, & nunc sunt tempora illa, quibus restituuntur omnia, ergo loquuntur Prophetæ de nostris temporibus. item si dum restituntur omnia adest Christus loquens, & agens omnia; ergo est nunc secundus aduentus Domini. nam si Christus cælo capit usque ad tempora resti-
 tutionis omnium; ergo dum restituuntur omnia adest. Et si iuge sacrificium non restituitur, nisi in aduentu Christi, & illud nunc restitu-
 tur, est ergo nunc secundus aduentus Domini.
 atque quæ aguntur, & dicuntur in illo, & in alijs rebus restituendis, sunt illa, quæ Deus locu-
 tus est per os omnium sanctorum suorum Pro-
 phetarum, & eadem loquitur nunc nobis. hæc
 ita sunt aperta, ut nulla alia demonstratio quæ-
 renda videatur, quin sit nunc aduentus Domini, & illa agantur, quæ narrant prophetæ. ve-
 rumtamen contemplemur adhuc monita, & sig-
 na alia, quæ data sunt nobis. ut hæc cognosca-
 mus in diuino verbo. sed prius notetur incuria
 hominum rerum diuinorum. Dicitur in Amo-
 so Deus non facere magnum opus, ni reuelet
 illud serujs suis Prophetis. Ab Abate Ioachi-
 mo, & Cyrillo, ut præterea superiora tempo-
 ra, perpetuò fuerunt Prophetæ in Ecclesia, qui
 ista omnia, quæ hoc tempore fiunt, nuntiarunt
 ex antiquis Prophetis nunc futura: scriptis, &
 picturis mandarunt, & proposuerunt nobis,

Hierony-

Hieronymus Sauonarola fuit Elias hæc ostendens iam iam futura. Antequam Lutherus inciperet renouare prædicationem Euangelicam fuerunt impressi libri horum nouorum prophetarum. præter ceteros fuit impressus liber Theleophori. qui hos nouos Prophetas siue quæ isti tractarunt collegit in ynum volumen. in cuius initio sunt Epistolæ, seu Præfationes duorum virorum. qui probant per certa signa propè adesse secundum aduentum Domini. & hi nondum viderant primam contentionem Lutheri cum Papatu, nec alia, quorum nos pars sumus. Si hos viros & superiores, qui satis aperta omnia nuntiarunt, non attendimus, quomodo obscuriora aduerteremus in antiquis Prophetis, & in Euangeliō? si quidem est obscuritas in his, quæ nuntiat Christus. inde fit, ut non inuigilemus in lectione Prophetica, ne tūm quidem, dum sumus moniti, Deum nunc nobis loqui in Prophetis. Ac vt iam ad signa, & monita Prophetatum, Chtisti, & Apostolorum veniamus, & illa breui perstringamus. Quoniam non possunt omnes per doctrinam certainam, & statutum ordinem temporum in scripturis sanctis cognoscere aduentum Domini, dedit Deus quædam signa de primo, & secundo eius aduētu, ne quisquam de ignorantie excusationem habeat. signa de primo aduētu data sunt illa in Prophetis, quæ narrat Christus capite vndecimo Matthæi, cœci vident, claudi ambulant, leprosi mandantur, surdi audiunt, mortui resurgent pauperes euangelizantur. siccirco Iudæi

signum quærebant à Christo cap. 12: Matthæi,
 & quia habuerunt signa, & noluerunt credere,
 ita id illis exprobrabat Christus, Matth. 16. fa-
 ciem cæli dijudicare nostis, signa autem tempo-
 rum non potestis? Ut verò de primo aduentu
 data sunt signa, ita multo plura data sunt de se-
 cundo. Vnde Apostoli quæsierunt signa de se-
 cundo c. 24. Mat. idq; nostra causa factum est.
 Quare iam videamus multa signa data nobis,
 ut iiciamus Christum nobis adesse. quando vni-
 quam maioribus exactiōibus fuerunt expilati
 populi à tyrannis, quām nunc excoriantur? hoc
 primum signum datur 4. Esd. 5. quod in Mich.
 cap. 2. & 3. exponitur. comedunt carnem popu-
 li, & pellem ab eis detrahunt, ossa quoque illo-
 rum confringunt, & quæ sequuntur. hīcenu-
 merare quis posset omnia genera exactiōnum,
 quibus tyranni expoliant populos. pro domo,
 pro camino, pro capite, pro vino, pro farina, pro
 prædio, pro iugere, pro alijs innumeris. ut nihil
 edas, nihil bibas, nihil habeas, & possideas, quin
 singulis momentis emas à tyranno. longum es-
 set nimium, si singula exponerentur. quia ho-
 mines viderunt, & experti sunt, satis erit breui-
 ter attingere quamq; rem. Hæc sunt signa tem-
 poris iudicij Domini. 4. Esd. Apprehendentur,
 qui inhabitant terram in censu multo. abscon-
 detur veritatis via, sterilis erit à fide regio, mul-
 tiplicabitur iniustitia, & incontinentia super
 terram: amici se ipsos expugnabunt, & abscon-
 detur sensus, & intellectus: populi commoue-
 buntur, statuum erit confusio, locorum yaſti-

tas: erunt sectæ & hæreses, & discordiæ. vide-
 antur teliqua in 4. Esd. cap. 5. & 6. & 15. & 16. In
 Osea cap. 4. ait Dominus in suo secundo aduē-
 tu. nulla est veritas, nulla misericordia, nulla
 cognitio Dei in terra: sed peierati, mentiri, oc-
 cidere, furari, adulterari: ex leges sunt homines,
 miscent cædes: sacerdos scientiam spreuit, obli-
 tus est legis Dei, & quæ sequuntur. In Michea
 cap. 7. perijt misericordia e terra, & rectus in-
 ter homines non est, vniuersi sanguini insidian-
 tur, quisque fratrem suum venatur reti. malum,
 quod possunt, agunt. princeps aufert, iudex iu-
 dicat propter retributionem, magnus loquitur
 perditionam animæ suæ, & corroborat illam.
 optimus eorum est ut paliurus. ne credas ami-
 co, ne fidas fratri: ab ea, quæ dormit in sinu tuo
 custodi ostia oris tui. filius vituperat patrem, fi-
 lia insurgit in matrem suam, nurus in socrum
 suā, inimici viri domestici eius. Ieremias quæ-
 ritur cap. 9. de populo suo, quod vniuersi sint
 adulteri, cœtus prævaricatorum. iaculari fece-
 runt linguam suam, veluti arcum mendacium:
 neque in veritate roborauerunt se in terra. de
 malo ad malum egressi sunt. & me non noue-
 runt dixit Dominus, scilicet iam adesse quisque
 ab amico suo cauete, neque omni fratri fidatis.
 omnis frater supplantado supplatabit, omnis a-
 micus fraudulenter incedet. quisque amicum
 suum circumueniunt, & veritatem non loquun-
 tur: docuerūt linguam suam loqui mendacium:
 student ut male agant: habitatio tua est in me-
 dio doli, prædole renuerunt cognoscere me,

dixit Dominus. sagitta extensa lingua eorum, dolum loquitur: ore suo pacem cum amico loquuntur, & in corde suo ponunt insidias suas. Hæc sunt signa temporis aduentus Domini. & quamvis similia vitia fuerint præteritis temporibus, tamen ita magna, ita omnia simul, ita passim vbiique nunquam fuerunt. considera singula per se, exactiones per se, perfidiam per se, iniustitiam, odium, fraudes, & reliqua. confer cum omnibus ætatibus, nil deterius inuenies hac nostra ætate. Vnde data hæc, quæ memoriaui, & similia, sunt. ut signa nobis essent temporis iudicij Domini. De signis alijs, quæ data sunt à Christo capite 24. Matthæi, & alibi atque à Paulo, P etro, & Iuda, dictum est ante, vbi ostendimus fuisse illa sumpta è Prophetis. nunc verò dicamus præter illa vitia huius ætatis, quæ memoriaui signa temporis iudicij Domini; fuisse animaduertendum, quando per Lutherum cœpta est innouari prædicatio Euangelica, insurrexisse tunc hæreses multas, & multos, qui se Christos, & capita aliorum facerent; fuisse bella, opiniones, & rumores bellorum, & hæc propter causam religionis. vnde in Gallia surrexit gens in gentem, regnum aduersus regnum: fuisse famen, pestem, & terremotus. fuisse persecutionem Euangelicorum & per magistratum inquisitorum, & per bella, quantam vidi mus, & videmus. quod magna sit inter homines offendio propter religionem, quam acerba òdia, quæ prodiciones & priuatorū, & regum, vt similia nunquam audita sint, videmus. dum sunt

sunt bella, quot hæretici insurgant, quāta multitudo coeat Arrianorum, Anabaptistarum, & aliorum: & quām dispersi pariter sint ubique videmus, quām modica charitas etiam inter eiusdem veritatis professores omnes prædicant, & boni dolent. iniustitia, & perfidia ad postremum gradum peruerterūt. Quanta sit defectio à veritate in multis, quām multi defessi sustinendo disciplinam Domini, & labores, & difficultates, quas tépora afferunt, non perseverent esse cum Christo, difficile est dictu. Hæc omnia signa aduentus Domini ita sunt euentu ipso facta nobis perspicua, ut de illo nemo dubitare debeat, sed in prædicatione Euangelij innouata est maximum signum: quod debuerit illa in aduentu Domini promulgari. Cùm iam Euangeliū prædictetur, & audiatur per vniuersas terras, certum esse debet, adesse aduentū Domini. Cætera signa, quæ à Christo, & à Prophetis sunt data, visuri sumus deinceps. Cū viderimus signa data à Paulo de aduētu Domini, quod deinde futura esset defectio, seu dissensio prius & patefactus Antichristus: atq; illa extiterit quādo cœpta fuit prædicatio à Luthero, & sit hic iā patefactus etiam apud ipsum Papam, & Ecclesiam Romanam, in concilio secundo Tridentino, ut alibi docebimus: necesse est, ut sit aduentus Domini. Signum aliud dedit Paulus, qui dixit, diem Domini venturum sicut fur ac cum dicent, pax, pax, tunc repentinus futurus sit interitus dormientibus, edentibus, bibentibus: quod factū est Lutetiæ, & in Gallia alibi.

alibi, ex hoc signo cognoscitur nunc aduentus Domini. Petrus & Iudas arguunt eos, qui negant nunc adesse aduentum Domini, & vocant eos irrifores. ibi Petrus 2. epist. cap. 3. indicat esse aduentum Domini, cum Ecclesia, & status populi Dei innouabitur. affert Petrus verba eorum, qui negant nunc aduentum Domini. Dicunt enim ubi est promissio aduentus eius? nam ex quo patres dormierunt, omnia ita perseverant ab initio. aiunt propè omnes nunc, iudicium futurum postremo die mundi. & tunc tantummodo Christum venturum. nec esse promissionem de Christo venturo ante finem mundi. atq; eundem statum mundi futurum usq; ad finem mundi, qui antè fuit. contra ait Petrus. quemadmodū tempore Noë innundavit Deus mundum per diluvium, ita nunc innouaturus est per ignem. ut sit cælum nouum, & terra noua. quod per cælum, & terram intelligendus sit statutum mundi, apperuit nobis Petrus ipse duxit statutum mundi temporis Noë vocavit cælos, terram, & aquā, & mundum. & ita Prophetæ sèpè vocant statutum populorum cælum, & terram. vt Agæus ca. 2. versu 7. & 8. item 22. & 23. & quod dicunt Papistæ, & alij de die iudicij, quod sit dies postremus mundi, ait Petrus per diem intelligentum esse tempus, & ætatem. vnde ait apud Deum unum diem esse veluti mille anni; & mille anni sicut unus dies. de qua re ante dictum est. Ex hac admonitione Petri debet quisque cognoscere adesse aduentum Domini, quando fit restitutio Euangeli, & regni Israélitici. Accedamus

mus iam ad Prophetas. Bella, & perturbatio-
nes Gallicanas potuimus aduertisse in Isaia cap.
19. vbi vir pugnauit in fratrem suum, & in ami-
cum suum, ciuitas in ciuitatem, & regnum cō-
tra regnum. & si per nos non potuimus aduer-
tere, moniti fuimus ante ab Abbatे Ioachimo
Prophetam eo capite loqui de Gallia. & cūm
dicitur. ascendit Dominus super nubem leuem,
debuimus cognouisse significari nobis præsen-
tiā Christi. monuit idem Abbas Ioachimus,
Ieremiam in fine secundi capit. vbi ait. con-
funderis ab Ægypto, quemadmodum confusa
es ab Assur : in Ægypto signasse Galliam, & in
Assur Germaniam, in Hierusalem Ecclesiam Ro-
manam. Vnde cūm vidimus confusam Eccle-
siā Romanam à Gallia, quemadmodum fuit
ante cōfusa à Germania, debuisse nouisse Chri-
stum loqui nunc nobis in Prophetis. Vidimus
tres reges à Deo imperfectos modico temporis
spatio in Gallia. Henricum Franciscum, & Na-
uareum. potuimus aduertere perfectum esse,
quod in Zacharia cap. 11. dictum fuit. tres pa-
stores occidi uno mense. vidimus, quod in eo-
dem capite dicitur de ouibus, quæ in carceri-
bus pascebantur ab Henrico ad occisionem.
Cūm audiuerimus tām sāpē usurpari illud to-
ties repetitum à Prophetis. pax, non pax, & to-
ties fuerit illa violata, & tandem euenerit, quod
nuntiauit Paulus. Cūm dicent, pax. tunc repen-
tinus aderit interitus. & quod Ieremias cap. 23.
dicunt pax erit vobis. & turbo Domini cum fu-
rore egreditur. Cūm vidimus cædem Gallica-
nam,

nam debuimus aduertisse illud Petri. & iudicium
incipiet à domo Dei. illud Ieremiæ cap. 23. Ecce
in ciuitate, in qua inuocatum est nomen meum,
ego incipio affligere, & vos (Papistæ) immunes
eritis? illud item Ieremiæ ca. 44. Quare facitis
malum hoc contra animas vestras: ut excedatis
ex vobis virum, & mulierem, parvulum, & la-
etantem? illud Isaïæ cap. 5. extendit manum suā
super populum suum, & percussit eum. & facta
sunt morticinia eorum sicuti sterlus in medio
platearum. & illud 3. cap. opprimetur populus,
vir in virum. item pueri dominabuntur eis,
vers. 4. & 12. illud Ezechiel. capite 9. senes ado-
lescentes, virginis, parvulos, & mulieres occi-
dite, & à sanctuario meo incipite. illud 4. Esd. c.
15. populus meus sicut gressus ductus est ad occi-
sionem. Et ut prætereamus sermonem hunc de
Gallia, & contéplemur Belgicam, ubi est eadem
propter eandem causam perturbatio: multa in hac
pronicia haec tenui sunt acta descripta in Pro-
phetis. quæ quia adhuc non possunt probari vul-
go esse scripta in Prophetis, non cōmemorabi-
mus singula: vñū, & alterū, quæ facilis aduerti
possunt, proponam contemplandū, iuramentū
iuratum Papæ, & Ecclesiæ Romanæ, siue dica-
mus Catholicæ Romanæ, ut in scititia certorum
hominum magis aperiatur, ut præterea impie-
tatem. Pius quartus, & Pius quintus emiserunt
suas formas iuramenti, quæ volarunt per popu-
lum Christianum, ut sibi iurarent omnes, & Ec-
clesiæ Romanæ illa quæ soli Deo sunt iuranda.
ut patet in Ieremiæ capite quinto, ubi queritur

Deus

Deus de his , qui iurarunt in eos , qui non sunt
Dij. quod in his , quæ pertinent ad religionem
soli Deo sitiurandum. ut idem patet capite pri-
mo, Sophoniæ , vbi arguuntur , qui adorantes
iurant in regem suum. Carta iam illa , siue li-
bellus in quo continebatur forma iuramenti ,
vocatur capite quinto Zachariæ volumen vo-
lans, propter quod venit maledictio, quod per-
dendi sint hi, in quos iuratur, qui que dicuntur
fures sibi vendicantes id , quod est solius Dei :
perdendi sint iurantes, qui mentiantur se iura-
re in Deum , quando in alium iurent . vnde
madè defendunt, se non esse erga Deum periu-
ros , quando dicunt se non minus iurare in
Deum , & retinere eius cultum , quando iu-
rant in Papam, & retinent eius cultum, quia hic
à Deo ipso dicuntur mentiri , & falsum iu-
rare; quod non possunt in his , quæ Dei sunt,
alteri , quam Deo iurare. ut antè diximus, id
reprehendi à Deo capite primo Sophoniæ.
quod & capite quarto, & quinto , & duodeci-
mo Ieremiæ reprehenditur. pœnam verò mi-
natur Deus capite 13. Ieremiæ, ut præter clades,
quas afferet per exercitus, effecturus sit quoque
ut mutuo se confiant, & perdant tanquam ebrij.
& id vidimus euenisse in Belgica post iuramen-
tum publicum iuratū Ecclesiæ Catholicæ Ro-
manæ. eadem minatur Deus in Sophonia, vbi
cognoscetur tandem locutus Germaniæ inferiori
potissimum. in apertis libris patebit quoq; Idolū
zeli, de quo agitur c.8. Ezech. esse Missam, quæ
vbi erit, erit causa dissidiij, & belli: itē tortā panis
de qua

de qua narratur cap. 7. Iudicum esse Missam, propter quam diruūtur tabernacula, perduntur publici status, & priuatorum: item vitulum aureum esse panē, qui in tabernaculis aureis adoratur, propter quem sunt cædes Christianorum à Christianis. pœna quidem videtur, & sentitur; sed non aduertitur, quare illa immittatur. verū cùm perséueret, & fiant ea iuramenta, quæ non possunt negari contra Deum esse iurata: quæ soli Deo, non regi, nō cuiquam hominum possunt iurati; magnum est argumentum Prophetas loqui de histemporibus, quando iuramentum, quod iuratur tantummodo Deo, iuratur quoque passim hominibus: atque pœna tanti errati sentitur, & diu sustinetur. Quæ dicta sunt de Missa, & de malis, quæ affert; possunt pariter cognosci in Prophetis. Et hæc satis sint, ut ostendantur narrata in Prophetis pertinere ad hæc tempora: expositio deinde dabitur Prophetæ, ubi & causæ certæ cognoscentur Prophetæ complætæ hoc tempore. Interea debebimus continere nos in lectione prophetica, ut errata cognoscamus, eaque vitantes vitemus & pœnas: cognoscamus adesse iudicium, quod vidimus cœptum à domo Domini: illud Ezechielis ca. 3. & 33. sit semper positum nobis ante oculos. Si iustus auerterit se à iustitia sua, & fecerit iniuritatem, morietur. & si impius auerterit se ab impietate, & peccato suo, feceritque iudicium, & iustitiam, vita viuet. patremus tandem nos ad illa, quæ promittuntur, & parantur futura deinceps.

115

TACOBI BROCARDI
LIBER SECUNDVS AD
HEBRÆOS DE PRIMO ET
secundo adnenta Messie.

MIRVM est homines ita cupiditate duci ad id , quod sibi bonū proposuerunt, ut alia quæcunq; siue meliora fuerint , siue deteriora necessariò adfutura audire nolint. hinc homines hominibus mala , quæ iam aduenerunt , & sustinenda omnino sunt , non libenter nuntiant. Nil planius , nil apertius videtur potuisse esse expositum , quam primus , & secundus aduentus Domini ; atque opera vtriusque distinctè admodum fuerunt descripta , & enarrata : tamen Hebræi oculos , & mentem à primo auerterunt , atque ad secundum tantum respexerunt , refugientes , quæ fuerunt primi afflictiones ; & amplectentes solum bonum , quod proponebatur in secundo . Distinctè quidem ponit Isaias ca. 42. aduentū Christi primum in humilitate , & secundum in opere virgæ ferreæ . & Daniel capit. 9. ponit mortem Christi antè euersionem Hierosolymæ hebdomada sexagesima secunda . septuagesima autem futurum , ut vngatur sanctus sanctorum . item Isaias .cap. 53. narrat Messiam post mortem peruenturum ad regnum . item Oseas cap. 1. initio ponit eius mortem , in fine capitis eius diem magnum futurū . & cap. 3. describitur Messias

H

venisse,

venisse, qui promitterat se redditum, ut instauret, & restituat regnum Israëliticum. vbi apparet ante quām restituatur regnum Israëliticum, debuisse venisse Messiam, & multos dies præteriisse ante quām redit, & restitueret regnum, in nouissimo scilicet dierum. Opera deinde primi aduentus ut fuerunt descripta à Prophetis, ita euenerunt omnia. Veruntamen auertunt oculos Hebræi, ac quæ luce clariora sunt, respuunt intueri: laborant verò, ac in eos sudant, ut rationes inueniant, quibus, si fieri posset, tegant eratæ sua multiplicia. Contra eorum rationes quædam disputabo. vbi simul agam de primo, & secundo aduentu: déque utriusque operibus inter se distinctis. quoram quæ sunt primi aduentus visa sunt omnia: quæ autē sunt secundi, iam conspiciantur.

Cùm multa præter rem afferant Hebræi ad errorem tuendum, ad tria præcipua tantum respondebo: quibus confutatis reliqua corrulent. Dicunt Christum fuisse Prophetam illū, quem memorat Moses c. 18. 20. Deut. superbè acturū, ac locuturum. atq; iccireo recte à se fuisse cruci affixum Christum nostrum. Dicunt Iesum Nazarenum pependisse in ligno: ergo non fuisse in ipso benedictione; sed fuisse ipsum maledictum: dicunt Messiam restituturum regnum Israëliticum: Christum illud non restituisse, ergo non fuisse Messiam. Hæc præter alia inculcant Hebræi, dum non attendunt, se esse extra populum Dei vocatis in Dei regnum gentibus se expertes misericordiæ promissæ perpetuæ futuræ erga

erga Israëlem : tandem nullum verbum ad se factum : tandem se fuisse sine visione, sine Prophetis, sine regno , sine publico cultu . Et quamvis multi ante ad ipsos multa scripserint; tamen hoc tempore adhuc videntur monendi , dum illa fiunt quæ scripta sunt in Prophetis perficienda a Christo nostro in restitutione regni Israëlitici , ac veri sacrificij , & cultus . Quamobrem de his rebus, quæ proposuimus quedam dicemus, quibus ostendamus adesse tempus , ut tandem aduentant Hebrei sua errata, dū fiunt, quæ ipsi expectant perficienda per Messiam: ut tandem peccatum patrum suorum , & suum fateantur . quod inventur capite 26. Leuitici facere : restituaturque in Dei populum, quemadmodum sibi in fine illius capit is est promissum . cap. 18. Deuteronomij promittitur verus Propheta Christus , atq; nuntiatur alius falsus futurus . & hic queri posset, uter prior futurus esset, verus ne, an falsus : sed prius agamus de comparatione eorum inter se, post de tempore videbimus . nunc detur nobis Christum verum Prophetam prius aduenisse . quia antequam Christus esset, non videretur opponi sibi contrarius . Ex tota diuina scriptura posset quis querere, quisnam sit verus Propheta , & quisnam falsus : seu Christus , & Antichristus : quandoquidem uterque passim in ea est descriptus . Verum nunc contenti erimus illa regula , quæ eodem capite 18. datur distinguendi Christum à falso Propheta . ait ibi Deus falsum Prophetam locuturum , quæ ipse non præcepit : & quæ non sient , nec euident .

Sed cùm affirmamus nos Christum esse verum
 Prophetam, qui prior venerit, videretur quæren-
 dum quisnam sit falsus. nunc siue tu dicas Mau-
 metum, siue Papam, qui post Christum fuerūt,
 rectè utrumque dixeris. ac vt nunc de Papa aga-
 mus sedente in templo Dei tanquam sit Deus,
 is loquitur in nomine Deorum alienotum : le-
 gibus tyrannorum, & stis vult populum vivere :
 cogit homines ad Idololatriam : docet sua, &
 non Dei verbum : nuntravit se perpetuò futurū
 summum Pontificem in Ecclesia Dei vsq; dum
 mundus durabit. quod conspicitur iam falsum.
 nec eius doctrina, & potestate salvantur ho-
 mines, vt sanciuit ipse. Falsus apparebit & Mau-
 metus post regnum Israëliticum restitutu. sed hos
 relinquentes videamus de Christo. ait Deus.
 ponam verba mea in ore eius, & loquetur om-
 nia, quæ præcepero ei. vnde & Christus ait. mea
 doctrina non est mea; sed eius, qui misit me. at-
 que sèpè repetit, se missum à Dèo; ac se quæ Pa-
 tris sunt loqui. verum hic inculcat Hebræus. tu
 de te ipso testaris. ergo probandum est testimo-
 nio Patris, qui dat verba sua in ore Christi. ait
 Pater. quando loquetur Propheta in nomine
 Domini, & non extiterit res illa, neque euene-
 rit, est verbum, quod non locutus est Domi-
 nus. ergo qui loquetur, quæ extiterint, & euene-
 rint, erit is, qui locutus sit in nomine Domini.
 Quod autem extiterit, quod locutus sit Chri-
 stus de eius Euangelio; quod euenerint quæ
 nuntiauit de sua morte, & resurrectione: de spi-
 ritu Sancto mittendo: de gentibus credituris
 cogendi⁹

eogendis in suam Ecclesiam : de Hierosolymis
euertendis : de Hebræis non credentibus ejici-
endis ex eorum statu ; hæc ita patent , vt nemo
hominum negare possit. mitto multa alia. Ita
verò nunc comprobantur, quæ cap. 24. Matth.
& 15. Marci, & 21. Lucæ nuntiauit futura signa
sui secundi aduentus : de multis Christis , de
falsis Prophetis, de rumotibus bellicis , de sedi-
tionibus , de commotionibus gentium contra
gentes, reguorum contra regna , ciuitatum con-
tra ciuitates, propinquorum cōtra propinquos ;
de persecutionibus, de cædibus credentiū præ-
dicationi Euangelicæ : de odio in quo ijdem
credentes sunt apud Papistas: de proditionibus,
de charitate imminuta inter homines , de abo-
minatione nuntiata à Daniele nunc cœpta pa-
tesieri : déque multis alijs rebus, quorum mag-
nam partem vidimus, & reliqua instare omnes
vident. Hæc omnia vocauit Christus Euangeliū
regni; atque nunc perficienda nuntiauit in uni-
uerso mundo in testimonium omnibus genti-
bus. quibus verbis significatur Christus & hic
quoque velle ostendere se nobis verum Prophe-
tam : quando omnia, quæ nuntiauit de secun-
do eius aduentu , viderimus perfecta. vnde &
omnes gentes cogentur illum suscipere suum
seruatorem.

Præterea ubi dixit Deus. ponam verba mea
in ore eius, & loquetur in nomine meo, signifi-
catur , quæ mysteria consignata sunt in promis-
sionibus, & in uniuersa lege , omnia per Chri-
stum fuisse aperienda. Vnde Euangeliū Christi,

& doctrina Apostolorum continent veritatem
vmbrae legis: atque loquuntur ipsi, quæ sunt
spiritus Dei, & quæ voluit Deus esse significata
in lege. hinc illud Davidis. tunc suscipes sacri-
ficium iustitiae. atque hæc suo tempore vberius
exponentur. Et cum indicantur extare, ac even-
tum habitura, quæ loquetur Propheta a Deo
missus, significatur Euangelium Christi perse-
veraturum, esse æternum, omnino futura salus,
quæ in illo promittitur. atque huius rei sit præ-
ter cætera illud argumentum. quod Euangeliū,
ut Euangelium est quoque Prophetia. Ut enim
narrat historia Euangelica res gestas primi ad-
uentus Domini, in quas reuocantur promissa
Abrahamo, siue etiam Adamo; ita narrat futu-
ra secundi, quæ nunc evenire videmus; assu-
muntque tempora, in quibus præstabuntur om-
nia promissa. Atque hinc vult Deus fieri quo-
que manifestum veram esse doctrinam Christi,
& a se datam. qui regulam videtur deditisse, vt
vbi assertur doctrina de lege, & Euangilio,
in qua coniuncta sit veritas Prophetæ, eam do-
ctrinam cognoscamus veram. Vnde doctrina
vera conspicitur in Prophetis. atque Dei Pro-
phetia cognoscitur in doctrina Dei. hinc Pro-
phetæ nuntiantes vera, doctrinam quoque
verbi Dei tradiderunt. Et Moses doctrinam
verbi Dei tradens, Prophetiam simul propo-
suit. Hæc duo fuerunt eximia in Christo. fuit
ergo eximus Prophetæ. Apostoli Euangelium
prædicantes, Prophetica quoque tenuerunt.
hinc videimus in omnibus sacris voluminibus
hæc

hæc duo fuisse coniuncta. si iam fuerunt coniuncta in omnibus sacris voluminibus , maximè conspiciuntur in libris Euangelicis. vbi simul Christus doctrinam tradit, & nuntiat futura. Atque hoc inde fit , quod omnis diuina scriptura , quam Deus dictauit suis sanctis Prophetis , continet prophetiam, & in rebus præteritis , & præsentibus narrantur futura. quod patebit , quando aperientur libri. atque in narratione Euangelica videbuntur illa assumpta primi aduentus Dominini , in quibus exponerentur , ut dixi , quæ fuerunt futura secundi multo post ; quemadmodum Moses narratio inuenitur continere historiam rerum futurarum. Similiter Prophetæ in præteritis , & præsentibus descripserunt futura . atque in Apostolis , quæ ratio sit Prophetæ in doctrina , quam tradunt præter loca illa , in quibus dicunt se narrare futura , tempus aperiæ Prophetiæ patefaciet. Et hæc sunt , quæ significantur in verbis illis . quando loquetur Propheta in nomine Domini , & extiterit res illa , atque euenerit . ut verbum Christi verbum Dei verum ostendatur in his , quæ docuit , & simul nuntiauit futura.

Ergo verus Propheta apparet Christus per eius doctrinam , quæ sit Dei , in qua continetur Prophetia vera. Quod autem euenerint quæ locutus sit Christus , id verò patet ex euentis præteritis : ex his quæ hoc tempore fiunt . atque quæ nunc instant futura , intra paucos annos afferent propè omnia

rerum denuntiatarum cuenta: nisi quatenus usque ad finem mundi extenditur Prophetia. Ea vero est causa, quod Christus inculcabit illud discipulis. ante prædixi vobis, ut cum factum fuerit, credatis. vt scilicet reuocaret Hebreos ad hunc locum Mosis, ubi verbum Christi verbum Dei significatur: Et haec dicta sunt de testimonio Dei, quod est in cap. 18. Deuteronomij de Christo. Antequam vero alia testimonia prosequar, videntur Hebrei hic monendi, cum dixit Deus se positum verba sua in ore Messiae, & in suo nomine hunc locutum, nouum verbum præter promissionum, legis, & Prophetatum, debuisse se expectare. & sic circa vana esse illa argumenta, quam afferunt contra Euangelium: quod lex in cunctis partibus sit absoluta perfectione omnis generis, nec opus fuisse alio nouo verbo Dei. haec & similia refutantur, dum præter legem, & Prophetas, vult Deus audiri Messiam quoque. Et quod urgent non esse parabolas, & enigmata in lege, ut negent quæ sunt in lege mysteria de Christo, eos dicimus id facere, ut tueantur propositum, quando contra Christum loquuntur. nam alijs cum sibi videtur, solent magnificare mysteria. Quia iam ita agunt, non disputabo de his, quæ sunt signa, & quæ signata in scripturis: & quod haec sint æterna, illa non æterna: & qua ratione secundum tempora, & secundum verbum Dei nouum distinguenda: tantum ostendam confirmari diuino verbo parabolas, & enigmata esse in lege, ne putent se in ea re nos illudere,

qui

qui se ipsum illudunt. Ait Salomon Proverb. i. scripsisse parabolas ad intelligendum parabolas sapientum, & enigmata eorum. Sapientes sunt scriptores diuinorum voluminum, in parabolis autem duplex inest sententia. una quae statim percipitur, altera quae in illa significatur. Ergo in Parabolis Salomonis, & in alijs sacris authribus præter eam, quæ est in litera, alia sententia aperti mysterij requiritur, aut euentus Prophetiæ. Vnde cap. 30. & 31. parabolæ & enigmata, quæ afferuntur, vocantur prophetia. hinc Ecclesiasticus cap. 29. ait. *Qui ad legem altissimi applicauit animum, atque in meditatione eius versatur, sapientiam omnium antiquorum exquireret; & in Prophetis studium, operamque suam ponet: disputationes conseruabit celebrium virorum; atque in sententiarum reconditarum inuolucra penetrabit: occultas prouerbiorum sententias conquiret, atque in enigmatis parabolarum versabitur.* Psalmus 78. continet parabolas, & enigmata: similique ostendit in Mose contineri parabolas & enigmata. assertur enim in eo Psalmo historia populi Dei descripta à Mose: quam appellat parabolas, & enigmata de rebus futuris. quæ quidem ait David se accepisse à patribus narranda posteris. Ecclesiasticus confirmat tempora mundi fuisse prefacta Mosis. quod Moses confirmat capite 4. Deut. inquiens. interroga de diebus antiquis, &c. Et cap. 32. Memento dierum seculi, intellige annos generationis. non requiret Moses in alijs, quod in se non insit. ergo Moses tenuit

futura , & illa descripsit. ad quæ conspicienda
renovat alios. Si iam Moses est Propheta , &
nuntiat futura, & narrat tātummodo historiam
sui temporis ; ergo historiam sui temporis est
quoque historia rerum futurarum. Si Prophetæ
narrant futura, & tempora iudicij futuri postre-
mis diebus, ut singuli proponunt in suis vatici-
nijs , ergo per ea , quæ fuerunt sui temporis, &
per parabolas, & enigmata illa exponunt. Hinc
Jacob cap. 49. Gen. factum Simeonis, & Leui:
factum Ruben assumit, vt in his ostendat fu-
tura. parabolas, & ænigmata affert in alijs filijs, in
quibus significat futura. possum probare He-
bræis, & Christianis in primo cap. Genesis sig-
nificari alia præter creationem mundi. in his,
quæ restant illius libri possum probare Chri-
stianis significari alia futura præter ea, quæ nar-
rantur. Psalmus ille 78. ostendit, vt dixi, totam
historiam Gedeonis esse parabolam, & ænigma-
ta ad significanda futura. Et si Prophetæ assu-
munt s̄epius eadem , ut lignent ipsis quoque fu-
tura, ergo & ipsis ænigmaticè, & parabolicè lo-
quuntur. Vnde Ieremias capite 20. & Ezzech.
20. loquentes præsentibus, & posteris, assumunt
præteritatemporis Mosis. & cap. 17. Ezech. ait
ei Deus. ænigmaticè loquere ænigma. & para-
bolicè loquere. Nec videtur opus esse singula
colligere præteritæ historiæ, & quæ parabolicè,
& ænigmaticè dicuntur, dum narrantur futu-
ra postremi temporis. necesse est enim vt in præ-
teritis, & in præsentibus descripta sint futura, &
in illis alia sint significata. His ita positis , ve
mysteria

mysteria de Christo in lege possint intelligi re-
cognoscenda, redeamus ad Christum, qui lo-
catus sit verba, quæ posuit Pater in ore eius, &
ad testimonia de ipso.

Est præterea de Christo vero Propheta, &
Messia, testimonium Ioannis Baptiste, qui fuit
Elias, & qui in Prophetis fuit promissus præitu-
rus Christo. testatur autem Joannes Baptista de
Christo inquiens. Qui superne venit, qui è cælo
venit, supra omnes est. & quod vidit, & audi-
vit, hoc testatur. & quæ sequuntur.

Præterea non defuit verbum Dei in genera-
tionem, & generationem. ut dicitur Psalm. 77.
apud Hebreos defecit verbum, ergo sunt ipsi
extra Israël. Si saperent Hebrei, ut putant se sa-
pere, scirent tempora mundi: scirent genera-
tiones mundi, ut monentur in hoc Psalmo 77.
se illas considerare debuisse: atque cognosce-
rent certis etatibus mundi Deum verbum suum
debuisse facere suo populo, nec sibi fuisse fa-
ctum, atque iam à tempore Prophetarum se nō
habere nouum à Deo verbum. idem moneitur
in Deuteronomio capite trigesimo secundo. vbi
dicitur. memento dierum seculi: intellige annos
generationis, & generationis. item capite 4. in-
terroga nunc de diebus antiquis, qui fuerunt
ante te à die qua creauit Deus hominem super
terram, ab extremo cæli ad extremum cæli. Ut
ad ipsos non est factum verbum, ita inueni-
tur factum apud eos, qui in eorum locum in-
gressi sunt: ad gértes scilicet. Ac si Deus promisit
femissurū Prophetā, in quo poneret verba sua:
isque

isque loqueretur oīnnia , quæ sibi Pater man-
dasset: necesse est, ut aliquando fuerit venturus.
Cùm autem illius aduentum nuntiarint Pro-
phetæ: necesse est post Prophetas illum debui-
se mitti : atqne nouum Dei verbum per illum
debuuisse fieri populo Dei. Cùm autem à tem-
pore Prophetatum usque ad nostrum tempus
plures generationes præterierint, in quibus non
habuerunt Dei verbum Hebræi, quatenus non
crediderunt Christo , plures generationes inue-
niuntur præteriisse , in quibus fuerunt sine Dei
verbo. debuerunt autem habuisse illud adhuc
secundum numerum hebdomadarum positum
à Daniele per Christum, quem occiderunt. nec
verò post usque ad hoc tempus habuerunt no-
uum Dei verbum. de quo tempore post dice-
mus. Si iam non deficit misericordia , non de-
ficit verbum in generationem, & generatione:
nec aliud verbum factum fuit præter Euange-
lium, & Apostolicum : siue etiam dicamus pro-
pheticum, & hoc apud credentes Christo (nam
nullum dicere factum, & misericordiam desijisse
erga Israëlem , est contra verbum Dei , & eius
promissiones) necesse est verbum Christi & A-
postolorum esse verbum Dei , & denuntiatum
per Mosem : atque Christum esse verum Pro-
phetam. Et hæc quidem noscent Hebræi , si te-
nerent, ut monuit Moses, dies seculi; & verbum
Dei factum in generationem, & generationem,
de quibus diebus seculi , & generationibus , &
verbo Dei in his facto, non est nunc dicendi lo-
cus. tum quia hæc patere debent ex interpreta-
tione

tione totius simul diuinæ scripturæ; tum quia
id fieri debet in constituto, siue in constitu-
endo regno Israëlitico. Interea quicunque cu-
pit habere harum rerum exemplar, intueatur
sententiam mysticam in Mose fabricæ mundi:
siue fodiat, ut Hebræis loquar, sibi puteos Ha-
braham, Isaac, & Iacob, ut mysteria hauriat
promissionum, quæ factæ fuerunt ad hos Pa-
triarchas. siue contempletur columnam nubis,
in qua videat præterita, præsentia, & futura se-
cula. siue circunspiciat, inspiciat extra, & intus
totum tabernaculum: saltē candelabrum to-
tum cum singulis suis minutis partibus. siue
Aaronem ornatum suo sacerdotali amictu per-
lustrerit à capite ad pedes usque. siue videat quæ-
nam sibi in Vrim, & Thumin cognoscenda pro-
ponuntur. siue conuerrat animum ad talia; in
quibus generationes conspiciuntur, & verbum
Dei, & opera Dei in Ecclesia. Qui Hebrei sci-
entiam magnam ponunt in illis suis decem enu-
merationibus, quas vocant Sephirot, intuean-
tur in his circulos, seu orbiculos; inspiciant
profundè tanquam in altis puteis: canaliaque à
puteo ad puteum perlustrant: & scient tempora
seculi, generationesque & generationes, vi-
debunt ab extremo cæli ad extremum cæli: vi-
debunt tempus & opus Christi, & tempora,
quæ consecuta, & consecutura sunt: atque mag-
no lumine intuebuntur præterita. Si tu Hebreæ
intelligis, quæ dico, benè est. sin minus, ecce
rem tibi ob oculos pono. à summo creatore du-
ctus es per Coema, & Bina, per Sapientiam, &
intelli-

intelligentiam ex aquis paradisi in ordinem, & locum septem inferiorum Sephirot. Cum perductus es ex his septem ad quartū, in quem confluere debuerunt omnes credentes; gentes multæ ingressæ sunt, & tu perfidia effluxisti è canali bus a quatuor seminis Abrahæ in aquas alienas ductas per cœnum infidelium. nec per quintum Sephirot, nec per sextum horum septem confluxisti cum semine Abrahæ, ut promissio nes, & verbum Dei, & eius opus in te haberet. Tandem nunc fit apparatus apertoris Melchuth. ut prodientes aquæ è superioribus canali bus, & puteis, & quæ circum vnde temere ferantur, concurrant per fidem in Melchuth. ad cuius ingressum nunc vocantur & Hebt. xi, & gentes omnes. si hæc non intelligis, deprehenderis tandem nihil in tua Cabala intellexisse.

Vt yerd ad Prophetam verum Christum redeam, si contemplati fuissent, quæ hic recenti Hebrei, & alia similia in sacris authoribus, vidissent misericordiam Dei, opus Dei, & verbum Dei tempore Christi: vidissent Messiam debuisse eo tempore venire, quo venit: ac prius debuisse mitti verum Prophetam, quam veniret falsus, & Antichristus. ut etiam memoratus est capite illo decimo octavo Deuteronomij prius verus Propheta, deinde falsus. quod quidem patet ex capite nono Danielis, ubi prius Christus memoratur mortuus, deinde Hierosolymæ euersæ, deinde abominatio adducta per falsum Prophetam Antichristum. patet & capite tertio Olex, ubi Messias comparata sibi

vxore quindecim argenteis, & mensura hor-
dæi, it longum viam. & interea per Antichri-
stum desit sacrificium. Ex his omnibus patet
Christum non falsum; sed verum Prophetam,
& Messiam fuisse. Vnde non possunt Hebrei
dicere Christum falsum Prophetam, qui res-
puant regulam à Deo daram; constituant se ex-
tra Iſraëlem. de qua re adhuc dicemus.

Præterea quoniam præstatio doctrinæ, & mi-
racula, & testimonia magnam vim afferunt ad
personam demonstrandam veri Prophetæ; pos-
sem disputare de doctrina Christi dicta irre-
prehensibili, & quæ sit eadem cum doctrina
Mosis. in eo differat, quod hæc multa certis
quibusdam figuris proponat, illa veritatem re-
rum signatarum offerat. In Mose spiritus requi-
ratur ad agendum, & cognoscendum; qui da-
tus predicatur in Euangeliō. in Mose videaris
natus Deo, ac ad eius obedientiam: in Euange-
lio formatus Dei filius in imitatione Christi, ac
charitate; & si que sunt alia. Ea est vis spiritus,
& perfectio in doctrina Euangelica, ut qui nul-
lis rationibus adduci potuerunt ad suscipien-
dum Christum ingenio, ac doctrina præstantes
quidam Philosophi, lecta doctrina Pauli ex-
clamarint, non esse illa verba hominis: non
Platonem, non quemuis similem talia fuisse lo-
cutum: esse illa supra hominem: necessariò
esse ibi Dei spiritum. & hoc non contingit
in his, qui legunt Mose. Vnde tot mag-
ni Philosophi complexi sunt Christum, & fue-
runt doctores in Ecclesia.

Miracula autem , quibus confirmata est doctrina Christi & Apostolorum , non est , ut recessentur , quanta , & quam magna fuerint : quæ historia docet . nec fuerant edita in locis desertis ; sed in luce hominum , & ubi dominabatur impiorum Romanum : non in uno tantum populo Hebræo ; sed & in alijs aliarum nationum beneficium Christi extitit insigne testibus Hebræis , & gentibus . Quæ miracula si quis Hebræus neget , adducet gentes , ut multò minus credant Mosi , si verò credendum est Mosi , multò magis credendum erit Christo . in cuius morte sol obscuratus induxit gentes longinas , ut dicarent , aut Deum pati , aut mundum ruiturum . Qui iam in disiunctis regionibus cognoverunt in morte Christi solem obscuratum , idque factum contra omnem naturæ legem , Christum Dei filium amplexi sunt Iudeos iudicaturi non credentes . Testimonia de Christo non persequar . ducto initio à Magis memorando Simeonem , Annam Prophetillam , Ioannem Baptistam , Apostolos duodecim , & septuaginta duos : viros alias , & mulieres , qui fuerunt testes omnium , quæ gessit Christus : & qui cum Apostolis acceperunt spiritum Sanctum . non persequat eos , qui hos audierunt . quorum infinitus est numerus , si species Hebræos , & gentes alias Asiacæ , Africæ , & Europæ . non enumerabo doctores , qui orti sunt iam ab Apostolis , ut pudere debeat quemque Hebræum , ferre conspectum hominum intelligentium . tantum dico , quæ Christus nuntiauit futura de eius secundo

ēundo aduentū cap. 24. Matth. & 13. Marci, & 21. Lucæ, nunc conspici habere suum euentum; item quæ nuntiarūt Apostoli, vt ante dicebam, in quibus quidem ita confirmatur verus Propheta Christus, vt falsi omnino appareant Hebræi quicunq; negauerunt Christum. Et si sibi visum est potuisse negare Christum Messiam; & quæ ipse, & Apostoli egerunt, docuerunt, & nuntiarunt: negare inquam hæc contra testimonia scripturarum, & Hebræorum aliorum, & gentium, qui crediderunt hactenus Chrtisto, quomodo negabūt eadē, quando apertis libris conspicient Mosem, & Prophetas narrasse, & distinxisse ætates, & quæ in his acta sunt apud populum Chrtianum ab aduētu primo Chrti usque ad secundum: & quidem iam possunt eadem hæc videre in Apocalypsi. Testimonium tandem nouorum Prophetatum apud Christianos, qui fuerunt iam à 400. annis plurimi usq; ad hæc tempora, arguent Hebræos. Illi enim partim interpretando antiquos Prophetas, & alias diuinās scripturas; partim acceptis visionib; & monitis nuntiarunt futura in secundo aduentu Domini. illa inquam, quæ hactenus vidimus iam à 60. annis, & quæ instant perficienda usque dum adducatur regnum Israëliticum. tantarum rerum, & tot virorū prædictio-nes non cludent Hebrai. quas gentes in toto orbe perspectis euentis comprobaturæ sunt ve-ras. Hic pauca videntur restare dicenda de vero, & falso Propheta, vt omnino Christus venisse, & verus Propheta fuisse ostendatur. Quando

capite decimo octavo Deuteronomij: Messias dicitur venturus, nuntiatur & falsus ad futurus. Si iam Christus fuit falsus Propheta, ergo prius adfuit verus, nam verus debuit antecessisse, atque falsus cognosci ex collatione cum vero, ut Deus ostendit, & iubet. non possunt autem Hebrei ostendere alium verum ante suisse, aut eodem tempore, quo fuit Christus, aut post cum adhuc verum expectent. Et si velint, falsum antecessisse, ostendant post 1580. annos se verum vidisse. Et si non ostendant verum, quomodo ex collatione cognoscetur falsus? si non collatione ostendent, ergo contra iudicabunt defalso, quam Deus praecepit. Dicendum ne erit praeterea Deum suisse populum suum sine suo verbo, sine opere, sine Propheta, sine statu? hoc erit contrarium diuino verbo, ut ante ostensum est. Quod verò postremis temporibus debuerit patefieri falsus Propheta Antichristus, atq; tempore iudicij ejici, patet cum alibi, cum in Isaia capite vndecimo, ubi ait de Messia veniente contra falsum Prophetam, percutiet terram virga oris sui, & spiritu labiorum suorum interficiet impium. Et hic patet, si falsus Propheta debuit interfici a vero, & Christus fuit falsus Propheta, Christum a vero Propheta debuisse interfici, quod non est factum. ergo Christus non fuit falsus Propheta. ergo ante verum non fuit cognitus falsus Propheta. Quando iam verus interficiet impium, apparebit tunc, non Christus in eius primo aduentu; sed Antichristus in secundo Christi aduentu superbe suis locutus.

se locutus, superbè egisse. Quòd item in primo aduentu fuerit verus Propheta Christus, inde constat, quia qui eum non audierunt, dederunt pœnas quas Deus minatus est. ergo tum fuit, & antecessit verus Propheta Christus.

Quòd verò pependerit in ligno Christus: atque dicatur in Deuter. execrabilis, qui pepedit in ligno; non iccirco dicendus est Christus falsus Propheta & alijs indignis nominibus appellandus, quibus vocatur ab eius crucifixoribus, nam ita oportuit expiationem peccatorū fieri, quæ non fit sine sanguine, ut patet in Mose. Si autem putamus eandem fieri sanguine animalium, perpetuò oportuit extitisse sacrificia animalium. quæ tamē post Christū cessarunt apud omnes etiam nationes. Et quòd ita futurū esset in populo Dei, docet diuina scriptura. vt Ps. 39. sacrificium & oblationem nolusti. & quæ sequuntur exposita in epistola Pauli ad Heb. c. 10. Ergo in animalibus signabatur Christus. quæ ratio autem fiterit, & quòd Christus nō antè passus fuerit, & quare in animalibus fuerit significata expiatio, aperietur cùm mysteria, & Prophetia in Mose fuerit patefacta. Ergo quæ pto peccato mactabatur victima, signabat Christum futurum victimam pro peccatis omnium credentium. Vnde & super lignum serpens aeneus suspensus fuit in deserto, in quem intuentes Israëlitæ iicti à serpentibus, sanabantur. ita nos iicti à serpente ad interitum, atque facti ob peccatum per serpentem maledictum, locum nostrū subiit Christus, & pepedit in ligno.

ut suscepta in se maledictione nostra sanemur
nos à mortali vulnere, & cum eo viuamus, nam
quod factum fuit in serpente illo tunc, reuoca-
ti debuit ad omnia alia tempora, quæ conser-
quebantur, & quæ antecesserant. Sunt enim
perpetua quæ præcipit Deus. ut de sanguine, &
adipe non edendo; & de agno non coquendo
in lacte matris. Et quamuis figura aboleatur, res
tamen signata perpetuò manet. nam quæ Pater
tradidit certis signis, & figuris, vult per Filium
illa exponi. quod factum est tēpore quo Chri-
stus prædicauit Euangelium Christo, & Apo-
stolis veritatem docentibus eorum, quæ figuris
Mosaicis continebantur. Collatio autem rerū
signantium, & rerum signatarū, ut vnumquod-
que signatum in suo signo ostendatur, id verò
fiet in tertio statu mundi sub aperta Prophetia
per spiritum Sanctum. Ergo quod signabatur
in serpente patefactum est per Christum, quod
signaretur ipse factus maledictum, ut omnes in
eum credentes non perirent; sed haberent vi-
tam æternam: non solum qui tempore Christi
fuerunt; sed qui iam ab Adamo liberationem à
peccatis consequuti sunt patescet autem in aper-
ta Prophetia, quare in serpente illo æneo signa-
tus sit Christus. Sin verò Hebræus factum illud
de serpente pendente in ligno renocet ad Israë-
litas tantum iactos tunc à serpentibus ignarus
diuini verbi faciet illud singulare, & tempora-
neum, quod ad omnes credentes omnium tem-
porum pertinet. est verò verbum Dei æternum:
atque illud verbum de serpente perseverat in
omnibus

Omnibus credentibus, ut maledictio, & mors, quam contraximus per peccatum. Factus est igitur maledictum pro nobis Christus, ut in ipso peccata nostra punirentur. Vnde de ipso ait Deus in Isaia, propter scelus populi mei percussi eum. item, si posuerit animam suam hostiam pro delicta, videbit semen longeum. ipse iustus iustificabit seruos meos, & cum sceleratis deputatus est. Verum Hebreo videtur indignum, ut qui magna potentia, & diuina virtute restituturus sit regnum Israëliticum, in cruce fuerit confixus, tanquam qui omni virtute, & potestate fuerit destitutus. nec intelligunt propter quem facta sunt omnia, oportuisse patiter peccatorum fieri expiationem. non ita vixum est Isaïæ, qui scripsit, Christum posuisse pro delicto animam suam. indeque futurum, ut voluntas Domini in ipsius manu prospera agat, & Dauid, de torréte in via bibit, propterea exaltauit caput. Error autem est, quod duplex aduentus Domini non attenditur, qui descriptus est in Prophetis in carne, & humilitate: in spiritu, & potestate magna. afferemus autem nos loca apertiora, ne is, qui profitetur fidem, & nō credit, tergiuersetur in sententijs obscurioribus, atque in incerta sibi oblata interpretatione. Of seas capite primo complectitur primum, & secundum aduentum Domini. de primo ait. natum filium vocatum Iezrael, semen Dei. cuius sanguinem vltus sit Deus in valle Iezrael. ubi mortuus sit Christus. & ibi cessauit regnum, & satrus Hebreorum. secundus aduentus signifi-

catur in fine capit is , vbi dicitur, magnus futu-
rus dies Iezraëlis, quando Iuda, & Itraël habe-
bunt caput vnum tantum. significatur & capite
tertio ; atque quarto usque ad finem libri des-
tribuitur. Hinc debuit aduertisse Hebreus ve-
ram prædicationem Petri de Messia capite ter-
tio Actuum. qui ait Christum debuisse pati , ut
Deus prædictum per os suorum Prophetarum. post
verò resurrectionem debuisse esse in cælis usq;
ad tempora restitutionis omnium, quæ Deus lo-
catus est per os omnium sanctorum suorum Pro-
phetarum ab initio. Ut iam locus Osee non est
obscurus, ita apertus est Daniel. qui ait c. 9. pri-
mum Christum moriturum , post diruendam
ciuitatem & templum: atque hæc nunquam re-
stituenda. post cessaturum sacrificium, futuram
que abominationem; tandem hanc amouendā:
adducendam iustitiam sempiternam, comple-
dam Prophetiam, & visionem in aduentu san-
cti sanctorum. Quod verò abominatione cognos-
cenda sit post mortem Christi maximè fuisse in
populo Dei, in Christianis, docet hic Daniel: ne
quis dicat hanc Prophetiam fuisse completam
tempore Antiochi. affirmatur à Daniele cap. 12.
& in Apocalypsi cap. item 12. duratura abomi-
nationis 1260. seu 1290. annos. nec fuit cōpletat è
tempore Crassi Pompæi, & vastationis Hierusalem,
ut quidam Christiani voluerunt. quia post euer-
sam ciuitatem, & templū narrat Daniel cessasse
iuge sacrificium, atque positam fuisse abomina-
tionem duraturam ut dixi. 1260. seu 1290. an-
nos. Si iam hæc omnia facta sunt post mortem
Christi

Christi. & facta sunt in populo Dei: ergo Christus prius debuit mori antequam restitueret regnum Israel: ergo populus Dei erit populus Christianus, in quo haec facta sunt, non iam Hebreus. Et in Osea haec quoque sunt manifesta c. 5. vbi Dominus dicitur acquisuisse sibi mulierem quindecim argenteis, & mensura hordei: iubet ne sit viro alteri: ac se non ingressuru ad ipsam. quod peracturus sit longum iter: interea filios Israël permansuros multos dies sine rege, sine principe, sine sacrificio: tandem filios Israël quæsturos suum Dominum Deum suum, & regem David. Si non intelligitur aduenisse prius Christus, antequam restituatur regnum, quomodo dicitur acquisuisse sibi Ecclesiam, itutus longam viam, antequam Israël querat Dominum Deum suum? Ergo intelligitur prius venisse, & iterum redditurus postremis scilicet diebus, ut restituat regnum Davidicum, & Israeliticum. Et si instet Hebreus Christum non venisse, cum venerit, necesse erit, ut cum venerit, moriatur, resurgat, eat longam viam, euertantur Hierosolymæ, auferatur iuge sacrificium, & iterum redeat restituturus regnum Israeliticum. Verum cum sint Hierosolymæ eversæ, & cessavit regnum, ac status Israeliticus; atque haec fieri debuerint post mortem Christi: ergo Christus noster mortuus est Christus promissus. ergo si occisus est Christus, & Hierosolymæ eversæ, atque cultus Dei fuit apud Christianos inque Ecclesia Christianorum posita abominatione ablato iuge sacrificio, quod in eodem

populo restituendū sit: non Hebreus, sed Christianus populus erit Dei populus: atque Christum venisse necesse erit, ac debuisse pati antequam restitueret regnum Israëliticum. Hæc verbierius in Mose significantur: sed quia loca aperta proponimus, Mose nunc omittamus: videamusque quæ pertinent ad Christum mortuum pro peccatis, & ad primum eius aduentum. Quod venire debuerit prius in humilitate, & non cum strepitu armorum, docemur capite primo Osæ. vbi dicitur. tunc miserebor domui Iuda, & saluabo eos in Domino Deo suo; non in arcu, fetro, bello, equis, & equitatu. capite 42. Isaæ, ecce seruus meus, innitar ei, electus meus, in quo sibi complacuit anima mea: dedi spiritum meum super eum: iudicium gentibus proferet, non clamabit, & quæsequuntur. Hæc perpendantur, & ihuenientur in Christo omnia: ipsum venisse in humilitate, constituisse Ecclesiam, vocasse in eam gentes, aperuisse oculos cœcorum, adduxisse credentes in suam lucem. à versu autem nono usque ad decimum octauum exponitur secundus eius aduentus, qui venit ut vir bellicosus. & à versu decimo octavo usque ad finem capitinis arguuntur ut cœci, qui non aduertunt opus Domini primi, & secundi eius aduentus. Ergo si prius prædicauit Euangelium gentibus; si venit in humilitate, num fuit ita denunciatus? ac ut ab initio remordiat. num natus est ex virginie, ut nuntiavit Isaïas? num fuit Emanuel? num apparuit filius Dei in doctrina, opere, & signis, & in distributione

distributione spiritus Sancti? num filius Dei voca-
 tus est Psa. 2. vbi dicitur. Dominus dixit ad me,
 Filius meus es tu, ego hodie genui te? item os-
 culamini filium? & Proverb. 30. quod nomen
 filij eius? tu nosti? in Michea capite 5. & eges-
 sus eius ab initio, & à diebus seculi. Psalmo. 45.
 Propterea vnxit te Deus, Deus tuus oleo læti-
 tiae præ cōsortibus tuis. Is. 61. spiritus Domini su-
 per me eo, quod vnxerit me. num natus in Beth-
 lehem, ut dictum est cap. 3. Micheæ? num fuit
 puer in Ægypto, vt 11. Oleæ? num fuit missus
 Elias ante ipsum, qui fuit Ioannes Baptista, vt
 fuerat promissio in Isaia ca. 40. & in Malachia
 3. & 4: num prædicauit Euangelium æternum?
 de quo dicitur in Isaia cap. 59. Spiritus meus,
 qui est super te; & verba mea, quæ posui in ore
 tuo non recedent de ore tuo, & de ore seminis
 tui, & de ore seminis seminis tui. dixit Domi-
 nus ex hoc tempore, & usque in seculum. & vt
 cap. 9. promissum fuit prædicatio in terra Za-
 bulon, & terra Neptalim via maris trans Iorda-
 nem Gallileæ gentium? num est Euangelium
 illud Isaïæ 52. Quām speciosi sunt supra mon-
 tes pedes Euangelizantis pacem, Euangelizan-
 tis bonum, prædicantis salutem? Cum doctrina
 num fuerunt miracula, quæ & Ioanni Baptista
 existerunt signa veri Messia? ante denuntiata in
 Isaia cap. 42. cœci visum recipiunt, claudi am-
 bulant, leprosi mundantur, mortui resurgent,
 pauperes euangelizantur? Prætermittam dicere
 de parabolis, de Prophetia in Euangilio, & alijs
 cœbus, quæ pertinent ad doctrinam & veritatē

eorū, quæ in vmbbris Mosaicis consignata sunt?
 ad passionem, & mortem, & resurrectionem,
 quam ante Apostolis nuntiauerat, veniam, in
 proditore iuda num perfectum est illud Ps. 41.
 Et homo pacis meæ, & qui edebat panem me-
 cum, magnificauit contra me calcaneum? dum
 fuit captus num illud Zach. 13. percutie pasto-
 rem, & dispergentur oves? dum fuit iudicatus,
 & condemnatus, num illud Psalm. secundo, re-
 ges terræ & principes vna conuenerunt aduer-
 sus Dominum, & aduersus Christum eius? num
 illud Isaïæ quinquagesimo, corpus meum dedi
 percutientibus, & genas meas vellentibus, &
 faciem meam non abscondi ab ignomiñis, &
 sputo? num illud Psalm. vigesimo secundo, fo-
 derunt manus meas, & pedes meos: diuiserunt
 sibi vestimenta mea, & super vestem meam mi-
 serunt sortem? num illud in manus tuas com-
 mendo spiritum meum? an num narrat is no-
 men Dei fratribus suis? in medio congregatio-
 nis laudat Dominum? num, ut multa omittam,
 per hunc dicuntur gentes reuocari ad Dominū
 in regnum suum, vt dictum est capite quadra-
 gesimo secundo Isaïæ. dabo eum in fœdus po-
 puli, & in lucem gentium? Si sœpè prædicatur
 in Prophetis, Christus cùm venerit vocaturus
 gentes in suum populum, & gentes venturas in
 populum Dei in aduentu Messiae, an num ne-
 cessere est, aut falsos fuisse Prophetas, aut necessa-
 riò Messiam venisse? hoc vnum argumentum
 debet cogere Hebræos fateri Christum fuisse
 Messiam, Ac ne omnia perquiramus caput

vnum

Num 53. Isaiæ proponanius: quem Hébræi
volunt Messiam tantummodo bellatorem, an
num dicitur ibi de eo. non erat forma ei, ne-
que decor: fuit despectus, & eiectus: vir dolo-
rum, vulneratus, oppressus, & afflictus, sicut
agnus ad mactationem ductus, & velut quis
coram rōdente non aperuit os suum: abscisus
tandem est de terra viuentium: mortuus est vbi
de reis maiorum criminum sumitur supplicium
& inter prævaricatores annumeratus is, quem
vos Hébræi appellatis maledictum: & pro præ-
varicatoribus orauit: à Iosepho diuite condi-
tus in sepulchro. Veniamus iam ad resurrec-
tionem. num fuit illa nuntiata Psalmo tertio
ibi. Ego dormiui, & euigilaui, quia Domi-
nus sustentat me? & Psalmo decimosexto.
Quoniam non relinques animam meam in in-
ferno, nec sanctum tuum dabis corruptioni?
Sinon surrexit è mortuis, quomodo dixit Iſaias
eodem cap. 53: generationē eius quis enarrabit?
quomodoque cùm posuit animam suam, & se
sacrificium pro delicto, videbit ſemen longeuū,
& voluntas Domini in eo prosperabitur? quo-
modo habebit partē cum multis, & cū fortio-
ribus diuidet ſpolia, ſi postquā effudit in mor-
tem animā suā nō surrexit? Si Christus nō re-
surrexit, quomodo dicitur in Daniele, Christus
mortuus post hebdomadas 62. atq; post hebdo-
madas 7. & 62. dux venturus ad reducendū po-
pulū, & ad ædificandam Hierusalē? Si Christus
nō surrexit, quomodo ſanguis Iezrael in Oſea
dicitur visitari ſuper domum Ieu., atq; regnum
ceſſati

cessari domus Israël : deinde magnus futurus
dies Iezrael, quando filij Iuda, & filij Israël af-
sument sibi caput vnum ? Si dicatur in sanguine
Iezrael aliis intelligi quam Christus, ergo
aliquis futurus nuntiatur, qui fuerit mortuus, &
post magnus futurus sit in terris. Verum hoc de
nullo alio, quam de Messia dici potest. Quod
iam debuerit mori propter peccata nostra, & re-
surgere è mortuis, ut ait Paulus, propter iustifi-
cationem nostram , docuit ante Isaias eodem c.
53. inquiens. verè langores nostros ipse tulit, &
dolores nostros portauit : vulneratus est pro-
pter iniquitates nostras: disciplina pacis super eū,
& liuore eius sanati sumus . vetsu octauo ait
Deus. propter scelus populi mei percussi eum.
& undecimo. in scientia sua iustificabit iustus
seruus meus multos , & iniquitates eorum ipso
pottabit. Sequeretur iam, ut in Mose ostende-
retur sacrificium Christi ; atque expiatio pecca-
torum in eius sanguine : item ratio quare, &
quomodo in animalibus , & oblationibus sit
significatus : sed id demonstrandum erit, quan-
do aperietur Prophetia : quando probabitur
Christus assumere in se fideles à primo usque
ad postremum: in se reconciliari omnia per eius
sanguinem & quae in terris , & quae in cœlis sunt.
restat vero nunc , ut ostendamus restitutionem
& hoc tempore fieri, & per eum Christum, qui
descendens è cælo ad nos secundò veniat iudi-
caturus mundum : atque restitutionem & iudi-
cium fieri secundum illa , quæ narrant omnes
Prophetæ, quæque videmus quotidie fieri.

Quod

Quod iam hoc tempore fiat restitutio , tria
videntur facere , ut certe id credamus . primum
diuisio , & distinctio temporum tradita in pro-
phetia : deinde denuntiatio Prophetarum : tum
ipsa opera quæ sunt ipsius restitutionis descrip-
ta in Prophetis . Tempora mundi distincta ha-
beut Hebrei in suis decem enumerationibus .
quarum tres complectuntur tempus ab Adam
vsque ad diluvium : quarta tempus promissio-
nis : quinta legis : sexta Prophetarum : septima
Christi , & Apostolorum : octaua status consti-
tuti Christianorum : nono nouorum Prophetarum .
quæ tria tempora Christianorum respon-
dent tribus Hebraeorum : tempora baptismatis
temporibus circuncisionis , ut percursis his sex
temporibus omnino ingrediendum sit in septi-
mum ab Abraham , & decimum ab Adam di-
ctum ab Hebreis Melchuth . quando Messias
noster restituat regnum , & omnia quæ sunt reg-
ni Messiae . Hæc temporis distributio est multis
modis posita in Genesi , in Exodo , & in alijs
libris Mosis ; est in Prophetis : est in authoribus
Apocryphis ; est in Apocalypsi : vt suo tempore
parebit , & constabit nos peruenisse ad nouissi-
ma tempora , de quibus vaticinatus est Iacobus
capite quadragesimo nono Genesis , & Proph-
etæ , & Apostoli . si Prophetia antiquorum pa-
trum fuit obscura , satis aperta fuit nouorum
Prophetarum , qui fuerunt ante quatuor cen-
tum annos , & deinceps in Ecclesia vsque ad
hoc tempus . qui quæ his temporibus sunt , nun-
ciarunt instare . atque ipsa opera iam sunt resti-
tutionis

tutionis regni descripta in antiquis Prophetis. atque qui agit illa, est is, qui nuntiauit; & qui nuntiauit in Prophetis, est is qui agit. est is qui fecit longum iter Oscæ tertio. qui rediit in nouissimo dierum. de quo ait Isaías capite secundo. Ecce in nouissimis diebus erit mons domus Domini præparatus in vertice montium. Micheas primo. Ecce Dominus egreditur è loco suo: descendet & calcabit super excelsa terræ. Zacharias secundo. Sile omnis caro à facie Domini, qui surrexit de habitaculo sanctitatis suæ. is est iam Dei filius, Deus, & Dominus noster. de quo dictum est Psalmo 8. Quid est homo, quod memor es eius, aut filius hominis, quod visitas eum. minuisti eum pauplulum ab Angelis: gloria, & honore coronasti eum, & constituisti eum super opera manuum tuarum. omnia subiecisti sub pedibus eius. & Psalmo sexagesimo primo, habitabo in tabernaculo tuo in secula: sperabo in abscondito alarum tuarum. dies super dies regis adicies, & erunt anni eius in generationem, & generationem, habitabo in secula coram Deo. Psalmo 89. vbi de Davide dicitur. Inueni David seruum meum usque ad versum 31. illa de Christo dicuntur, quæ nulli hominum tribui possunt. cuius humilitas prius indicatur à versu trigesimo quarto usque ad quadragesimum. Et cum haec aduertuntur dici de Filio Dei, in quo saluati sunt omnes omnium seculorum credentes etiam aduertitur illud dici de Christo à Davide. Dixit Dominus Domino meo, sede à dextris

dextris meis. vt Filius Dei sit, qui sedet ad dexteram Patris, atque simul aduertet doctus Hebreus hunc filium Dei fuisse significatum in ipso Cocma ad dextram posito in figura illa decem enumerationum. aduertet quæ dicta sunt à Salomone in Proverbijs: quæ dicta sunt in Ecclesiastico de Cocma, & Bina, omnia de filio, & de spiritu Sancto esse intelligenda: atque in filio, & spiritu Sancto esse perfecta, perfici, & perficienda omnia. qui quidem signati sunt in duobus Cherubinis positis super arcani fœderis: quod mittendi essent à Patre: per quos perficienda essent omnia futuris temporibus, & statibus mundi, ut per eosdem ante perfecerat Pater omnia. Hinc cognoscet studiosus verbi Dei Sanctum Istraëlis, qui toties inculcatur in Prophetis, esse verbum Dei, eius filium, qui per spiritum Sanctum locutus sit in Prophetis. in quibus dum uno in loco sanguis inculcatur nomen יהוָה in hoc nomine significari etiam Filium. Vnde ait Pater in Overse capite primo. Domus Iuda miserabor: & saluabo eos in. יהוָה אליהוּך hoc est in Christo, in Filio: qui item in fine tertij capitilis dicitur Dominus Deus. ac ut intelligas Messiam יהוָה Deum, additur & Dauid Rex. Et in Michea. ex te mihi egredietur, qui sit dominator in Istaël: & egressus eius ab initio, à diebus seculi.

Hinc cognoscimus dum in Mose, & Prophetis sepiissime uno in loco, in una sententia ter repetitur nomen יהוָה indicari Patrem, & Filium,

&

& spiritum Sanctum locutum nobis: atque isto uno nomine cognosci unum Deum. atque cognoscemus in data lege, & verbo Dei; in operibus, operationibus, ac actionibus Dei datam esse nobis magnam doctrinam de Deo. de quibus rebus omnibus, ac de earum rationibus non est nunc dicendi locus & tempus; quod hæc patefacienda sint in apertione Prophetiarum. Nunc hæc breuiter dicta sint de temporis restorationis regni, & de Messia, ut intelligent Hebrei quomodo nunc suscipiendus sit Christus: sequitur autem ut illa ostendantur fieri, per quæ paretur regnum Israëliticum. sed antequam id fiat, videtur commodum, si simplicioribus satisfaciendo per certa capita repetemus superiora, & ordine perueniemus ad hæc postremae restitutionis regni.

Quando dedit Deus legem, promisit se misurum Messiam, qui loqueretur verba sua & Prophetarum omnes nuntiarunt eius aduentum, & opera. Hinc conclude tu Hebreæ expositionem legis fuisse expectandam à Messia, & post Prophetas Messiam fuisse venturum. venit vero post Prophetas Messias; exposuit legem, egit quæ scripta sunt in Prophetis.

Sineges Christum Messiam, negas Deum facere verbum suum, & opus suum, & præstare misericordiam suam, & firmare regnum suum in Ecclesia, & populo suo in generationem, & generationem, quia aliâs hæc non extant: & ita facis Deum mendacem. Si autem est Deus in his verus, quæ promisit; ergo Christus fuit verus.

rus Messia, sub quo verbum Dei, opus Dei, misericordia Dei, & eius regnum perficerat.

Daniel nuntiavit post 62. hebdomadas passiuim Christum, quod tempus doctores cognoscunt 400. annorum ab illa Prophetia usque ad Christum. Si iam Hebrei id non cognoscunt, faciunt Danielem mendacem.

Vnde in Mose, & in Prophetis cognoscimus Deum per Messiam debuisse nouum verbum facere nullum autem extitit iam ab his milie annis præter id quod factum est per Christum, & sub Christo: ergo verbum Dei, fuit verbum Christi, & Apostolorum.

Quod attinet fuerit verbum Dei, quod locutus est Christus, patet & ex regulâ, quam dedit Deus in Mose. ut qui loquitur verbum cum Prophetia, quæ vera habeat euenta, sit illud verbum Dei. in qua regula cognoscimus discrimen inter scriptores verbi Dei, & alios. quod illi omnes cum doctrina tradant Prophetica: complectantur cum præsentibus præterita, & futura. Doctrina Christi & Apostolorum ita se habet: complectitur cum expositione legis Mosaicæ præsentia, præterita, & futura: ut iam in euentis patuit, & patet. Ergo constat necessariò doctrinam Christi, & Apostolorum esse verbum Dei.

Quod duplex fuerit nuntiatus aduentus Christi futurus prius in humilitate, post cum magna potestate, patet capite quadragesimo secundo Isaiae, & nono Danielis: & primo, ac tertio Osee, ut antea ostendimus.

Si Elias mittendus fuit ante Melliam, missus
fuit in utroque aduentu. Si nasci debuit ex vir-
gine, & id factum est. Is. 7.

Si debuit vocare gentes in populum Dei , &
id factum est. Is. 42.

Si debuit sanare ægritudines, suscitare mor-
tuos in vitam, & multa miracula edere, & se ip-
sum exsuscitare è mortuis; & hæc quoque facta
sunt, vt ante ostendimus. Vnde quæ Isaias toto
capite quinquagesimotertio narrat: item alibi
ipse & alij Prophetæ de passione, morte, & re-
surrectione Christi, omnia euenerunt in Christo
nostro. ac necesse erat, vt in Messia fierent. nec
dicendum fuit, ipsum esse maledictum, quod
pepererit in ligno; quia in hoc benedictionem
nobis peperit, vt docet Isaias capite illo 53.

Si hæc non recognoscunt Hebræi in Christo
nostro, oportet vt expectent futura in suo Mes-
sia. at id tardè fiet, & nunquam fiet. quia non
patitur Deus sine suo opere perseverare popu-
lum suum bis mille annos. sin nolunt in quo-
quam fieri, ergo vanos constituunt Prophetas.

Verum vt non vani fuerunt Prophetæ, ita &
Christus apparet veritas in his, quæ de se nuntia-
uit futura, quæ de toto statu Christianorum,
quæ de eius secundo aduentu. quæ manifesta
futura sunt breui omnibus in toto mundo gen-
tibus.

Vt iam ad secundum aduentum Domini ve-
niamus, habuimus Eliam, qui ante Lutherum
nuntiauit adesse Dominum, qui innouet iam
iam statum populi Dei , vt ante per quadri-
gentos

gentes annos extiterunt plurimi, qui eadem nuntiarunt.

Et dum nostro tempore quadraginta annos prædicatum est Euangelium, nec attenditur quid interea concionentur nobis Prophetæ; certè dum ortæ sunt perturbationes Gallicanæ, potuimus aduertere tunc signa fuisse data nobis de secundo aduentu Domini non solum in Evangelistis; sed & in Prophetis, de quibus quidem signis dictum est in libro superiori. quæ habentur capite vigesimoquarto Matthæi, & 13. Marci, & 17.ac 21. Lucæ. & in Epistola prima & secunda ad Thess. habentur & capite nono Daniellis, & libro 4. Esd. capite 5.& 5.& 9. habentur & in Prophetis, qui fuerunt apud Christianos. Nec rectè poterunt negare hæc testimonia Hebræi. quia veritas in eventis firmam reddit eorum autoritatem. Cùm ergo omnia signa visa sint data de secundo aduentu Domini, non potest à quoquam iam verò negari.

Nec Hebræus, nec quisquam alius rectè poterit obijcere minus Prophetas narrare Historiam nostrorum temporum, & quæ sunt in secundo aduentu Domini: quod Prophetæ non propria nomina locorum, & personarum Christianorum, & certa tempora memorèt, de temporibus aiunt se scribere de postremis. de quatione dictum est ante: & in apertis libris illa magis patesiet, quantum verò ad personas, & loca attinet, debebunt Hebrei scire Christianos venisse in duodecim tribus filiorum Israel, ut paoniti sumus à Mose cap. 22. Deut. vets. 7.

Cum autem habitæ sint denuntiationes de secundo aduentu Domini, & signa eius instantis, & opus restitutionis fiat apud eos, qui sunt Israel, & populus Dei; debuumus simul esse moniti ex Euangelistis, & ex capite 40. Isaiæ. & 3. sive 4. Malachie, oportuisse repeti primum prædicationem Euangelicam missio prius, ut dictū est Elia; deinde fieu alia, quæ pertinent ad rem bellicam. Et hinc animaduertere deinceps potuimus in vniuersa Prophetia idem duplex opus Domini describi in eius secundo aduentu, prædicationem inquam repetitam Euangelij, & opus bellicum: contentionem verbi, & armorum. in contentione verbi inuenientur disputationes Euangelicorum, & Papistarum; progressus Euangelij in varijs prouincijs; dira Papistarum inquisitio cum in alijs sacris auctoribus significata, tum in Iobo expressa. bellicum opus videbitur cœptum in Gallia, ut describitur in Isaia capite 19. & 20. & 21. & 22. cædes Euangelicorum in eadem Gallia summatim exponi capite tertio & 5. item Isaia. capite 24. & 44. Ieremiæ. capite nono Ezechielis, capite undecimo Zacharite, capite 15. lib. 4. Esdræ: ubi satis distinctè alia bella futura narrantur. ut etiam capite 46. Ieremiæ; & deinceps. In promissionibus Pharaonicis potuisti videre promissiones Papisticas de cultu Euangelij, & pace, atque ita videbis alia, quæ facta, & dicta sunt: quæ fiunt nunc & reliqua, quæ sicut deinceps narrata in Prophetia. quæque non sequimur memorare, & exponere: quia tempora

pota hæc nostra dabunt omnia exposita, & in
superiori libro monuimus aliqua.

Illud dicam futurum, vt cùm viderint ho-
mines omnia, quæ facta sunt nostris tempori-
bus, sibi fuisse narrata in Prophetis: nec dum
illa fierent, dumque ea eadem sæpe legerent, se
animaduertisse legiſſe quæ viderent effici; &
vidiſſe fieri, quæ legerent; exclamaturos si-
gulos illud Proverbiorum capite 30. stultissi-
mes sum virorum, & prudentia hominum non
est mecum: non didici sapientiam. non noui
scientiam Sanctorum. dicet Hebræus. Ecce
peruentum est à Cether ad ipsum usque Mel-
chuth, nec ante, nec nunc aduertimus cursum
temporum, & operum Dei. Hidelbergæ anno
M. D. L X'XIIII.

IANOS. 11. 11. 12. 13.

F I N I S.

CORRIGENDA.

Pagina 4. Linea 7. minetur. pag. 10. lin. 24. conspiciuntur. pa-
vi. lin. 11. memoretur. pag. 11. lin. 12. qui. pag. 10. line. 18. repeti-
uerit præterita. pag. 16. li. 3. fecerit. pag. 33. li. 1. (id quod est ab I-
saia nesciutum cap. 45. 5.) pag. 37. l. 29. quæ. pag. 42. lin. 32. datum.
pag. 43. l. 3. præstaturum. pa. 60. li. 24. hec. pag. 74. li. 10. futura.
pag. 97. li. 14. Deum. pag. 122. li. 4. historie. pagi. 133. lin. 7. delicto.
pag. 135. lin. 12. suum primum dele. pag. 137. lin. 12. gentium, num-
pag. 14. l. lin. 11. nona.

211











